

Namo tassa bhagavato arahato sammāsambuddhassa

Khuddakanikāye

Udānapāḷi

1. Bodhivaggo

1. Paṭhamabodhisuttaṃ

1. Evaṃ me suttaṃ – ekaṃ samayaṃ bhagavā uruvelāyaṃ viharati najjā nerañjarāya tīre bodhirukkhamūle paṭhamābhisambuddho. Tena kho pana samayena bhagavā sattāhaṃ ekapallaṅkena nisinna hoti vimuttisukhapāṭisaṃvedī [vimuttisukhaṃ paṭisaṃvedī (syā. pī. ka.)]. Atha kho bhagavā tassa sattāhassa accayena tamhā samādhimhā vuṭṭhahitvā rattiyā paṭhamaṃ yāmaṃ paṭiccasamuppādaṃ anulomaṃ sādhukaṃ manasākāsi –

“Iti imasmiṃ sati idaṃ hoti, imassuppādā idaṃ uppajjati, yadidaṃ – avijjāpaccayā saṅkhārā, saṅkhārapaccayā viññāṇaṃ, viññāṇapaccayā nāmarūpaṃ, nāmarūpapaccayā saḷāyatanaṃ, saḷāyatanaṃ paccayā phasso, phassapaccayā vedanā, vedanāpaccayā taṇhā, taṇhāpaccayā upādānaṃ, upādānapaccayā bhavo, bhavapaccayā jāti, jātipaccayā jarāmaraṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti”ti.

Atha kho bhagavā etamattaṃ viditvā tāyaṃ velāyaṃ imaṃ udānaṃ udānesi –

“Yadā have pātubhavanti dhammā,
Ātāpino jhāyato brāhmaṇassa;
Athassa kaṅkhā vapayanti sabbā,
Yato pajānāti sahetudhamma”nti. paṭhamaṃ;

2. Dutiyabodhisuttaṃ

2. Evaṃ me suttaṃ – eka samayaṃ bhagavā uruvelāyaṃ viharati najjā nerañjarāya tīre bodhirukkhamūle paṭhamābhisambuddho. Tena kho pana samayena bhagavā sattāhaṃ ekapallaṅkena nisinna hoti vimuttisukhapāṭisaṃvedī. Atha kho bhagavā tassa sattāhassa accayena tamhā samādhimhā vuṭṭhahitvā rattiyā majjhimaṃ yāmaṃ paṭiccasamuppādaṃ paṭilomaṃ sādhukaṃ manasākāsi –

“Iti imasmiṃ asati idaṃ na hoti, imassa nirodhā idaṃ nirujjhati, yadidaṃ – avijjānirodhā saṅkhāranirodho, saṅkhāranirodhā viññāṇanirodho, viññāṇanirodhā nāmarūpanirodho, nāmarūpanirodhā saḷāyatanirodho, saḷāyatanirodhā phassanirodho, phassanirodhā vedanānirodho, vedanānirodhā taṇhānirodho, taṇhānirodhā upādānanirodho, upādānanirodhā bhavanirodho, bhavanirodhā jātinirodho, jātinirodhā jarāmaraṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti”ti.

Atha kho bhagavā etamattaṃ viditvā tāyaṃ velāyaṃ imaṃ udānaṃ udānesi –

“Yadā have pātubhavanti dhammā,
Ātāpino jhāyato brāhmaṇassa;

Athassa kaṅkhā vapayanti sabbā,
Yato khayamaṃ paccayānaṃ aveđī’’ti. dutiyaṃ;

3. Tatiyabodhisuttaṃ

3. Evaṃ me sutamaṃ – ekaṃ samayaṃ bhagavā uruvelāyaṃ viharati najjā nerañjarāya tīre bodhirukkhamūle paṭhamābhisambuddho. Tena kho pana samayena bhagavā sattāhaṃ ekapallaṅkena nisinna hoti vimuttisukhapaṭisaṃvedī. Atha kho bhagavā tassa sattāhassa accayena tamhā samādhimhā vuṭṭhahitvā rattiyā pacchimaṃ yāmaṃ paṭiccasamuppādaṃ anulomapaṭilomaṃ sādhukaṃ manasākāsi –

“Iti imasmiṃ sati idaṃ hoti, imassuppādā idaṃ uppajjati, imasmiṃ asati idaṃ na hoti, imassa nirodhā idaṃ nirujjhati; yadidaṃ – avijjāpaccayā saṅkhārā, saṅkhārapaccayā viññānaṃ, viññānapaccayā nāmarūpaṃ, nāmarūpapaccayā saḷāyatanaṃ, saḷāyatanapaccayā phasso, phassapaccayā vedanā, vedanāpaccayā taṇhā, taṇhāpaccayā upādānaṃ, upādānapaccayā bhavo, bhavapaccayā jāti, jātipaccayā jarāmaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti.

“Avijjāya tveva asesavirāgaṇirodhā saṅkhāraṇirodho, saṅkhāraṇirodhā viññāṇaṇirodho, viññāṇaṇirodhā nāmarūpaṇirodho, nāmarūpaṇirodhā saḷāyatanaṇirodho, saḷāyatanaṇirodhā phassaṇirodho, phassaṇirodhā vedanāṇirodho, vedanāṇirodhā taṇhāṇirodho, taṇhāṇirodhā upādānaṇirodho, upādānaṇirodhā bhavaṇirodho, bhavaṇirodhā jātiṇirodho, jātiṇirodhā jarāmaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti’’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yadā have pātubhavanti dhammā,
Ātāpino jhāyato brāhmaṇassa;
Vidhūpayamaṃ tiṭṭhati mārasenaṃ,
Sūriyova [suriyova (sī. syā. kaṃ. pī.)] obhāsayaṃantalikkha’’nti. tatiyaṃ;

4. Huṃhuṅkasuttaṃ

4. Evaṃ me sutamaṃ – ekaṃ samayaṃ bhagavā uruvelāyaṃ viharati najjā nerañjarāya tīre ajapālanigrodhe paṭhamābhisambuddho. Tena kho pana samayena bhagavā sattāhaṃ ekapallaṅkena nisinna hoti vimuttisukhapaṭisaṃvedī. Atha kho bhagavā tassa sattāhassa accayena tamhā samādhimhā vuṭṭhāsi.

Atha kho aññataro huṃhuṅkajātiko [huhuṅkajātiko (sī. syā. kaṃ. pī.)] brāhmaṇo yena bhagavā tenupasaṅkami; upasaṅkamitvā bhagavatā saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ aṭṭhāsi. Ekamantaṃ ṭhito kho so brāhmaṇo bhagavantaṃ etadavoca – “kittāvatā nu kho, bho gotama, brāhmaṇo hoti, katame ca pana brāhmaṇakaraṇā [brāhmaṇakārakā (ka.)] dhammā’’ti?

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yo brāhmaṇo bāhitapāpadhammo,
Nihūṃhuṅko [nihūṃko (sī. syā. kaṃ pī.)] nikkasāvo yatatto;
Vedantaḡū vūsitabrahmacariyo,
Dhammena so brahmavādaṃ vadeyya;
Yassussadā natthi kuhiñci loke’’ti. catutthaṃ;

5. Brāhmaṇasuttaṃ

5. Evaṃ me suttaṃ – ekaṃ samayaṃ bhagavā sāvattiyā viharati jetavane anāthapiṇḍikassa ārāme. Tena kho pana samayena āyasmā ca sārīputto āyasmā ca mahāmoggallāno āyasmā ca mahākassapo āyasmā ca mahākaccāno [mahākaccāyano (sī. pī. ka.)] āyasmā ca mahākoṭṭhiko āyasmā ca mahākappino āyasmā ca mahācundo āyasmā ca anuruddho āyasmā ca revato āyasmā ca nando [ānando (sī. pī.)] yena bhagavā tenupasaṅkamīsu.

Addasā kho bhagavā te āyasmante dūratova āgacchante; disvāna bhikkhū āmantesi – “ete, bhikkhave, brāhmaṇā āgacchanti; ete, bhikkhave, brāhmaṇā āgacchantī”ti. Evaṃ vutte, aññataro brāhmaṇajātiko bhikkhu bhagavantā etadavoca – “kittāvataṅ nu kho, bhante, brāhmaṇo hoti, katame ca pana brāhmaṇakaraṇā dhammā”ti?

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Bāhitvā pāpake dhamme, ye caranti sadā satā;
Khīṇasaṃyojanā buddhā, te ve [teva (sī.)] lokasmi brāhmaṇā”ti. pañcamāṃ;

6. Mahākassapasuttaṃ

6. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā mahākassapo pippaliguhāyaṃ [pippaliguhāyaṃ (syā.), simbaliguhāyaṃ (ka.)] viharati ābādhiko [ābādhiko hoti (syā. pī.)] dukkhito bāḷhagilāno. Atha kho āyasmā mahākassapo aparena samayena tamhā ābādhā vuṭṭhāsī. Atha kho āyasmato mahākassapassa tamhā ābādhā vuṭṭhitassa etadahosi – “yaṃnūnāhaṃ rājagahaṃ piṇḍāya paviseyya”nti.

Tena kho pana samayena pañcamattāni devatāsātāni ussukkaṃ āpannāni honti āyasmato mahākassapassa piṇḍapātaṭṭhāya. Atha kho āyasmā mahākassapo tāni pañcamattāni devatāsātāni paṭikkhipitvā pubbaṅhasamayaṃ nivāsetvā pattacīvaramādāya rājagahaṃ piṇḍāya pāvīsi – yena daliddavisikhā kapaṇavisikhā pesakāraṇavisikhā. Addasā kho bhagavā āyasmantaṃ mahākassapaṃ rājagahe piṇḍāya carantaṃ yena daliddavisikhā kapaṇavisikhā pesakāraṇavisikhā.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Anaññaposimaññātaṃ, dantaṃ sāre patiṭṭhitaṃ;
Khīṇasavaṃ vantadosaṃ, tamahaṃ brūmi brāhmaṇa”nti. chaṭṭhaṃ;

7. Ajakalāpakasuttaṃ

7. Evaṃ me suttaṃ – ekaṃ samayaṃ bhagavā pāvāyaṃ [pāvāliyaṃ (pī.)] viharati ajakalāpake cetiye, ajakalāpakassa yakkhassa bhavane. Tena kho pana samayena bhagavā rattandhakāratimisāyaṃ abbhokāse nisīno hoti; devo ca ekamekaṃ phusāyati. Atha kho ajakalāpako yakkho bhagavato bhayaṃ chambhitattaṃ lomahaṃsaṃ uppādetukāmo yena bhagavā tenupasaṅkami; upasaṅkamitvā bhagavato avidūre tikkhattuṃ “akkulo pakkulo”ti akkulapakkulikaṃ akāsi – “eso te, samaṇa, pisāco”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yadā sakesu dhammesu, pāragū hoti brāhmaṇo;
Atha etaṃ pisācaṇca, pakkulañcātivattatī”ti. sattamaṃ;

8. Saṅgāmajisuttaṃ

8. Evaṃ me suttaṃ – ekaṃ samayaṃ bhagavā sāvattiyāṃ viharati jetavane anāthapiṇḍikassa ārāme. Tena kho pana samayena āyasmā saṅgāmajī sāvattihīṃ anuppatto hoti bhagavantaṃ dassanāya. Assosi kho āyasmato saṅgāmajissa purāṇadutiyaikā – “ayyo kira saṅgāmajī sāvattihīṃ anuppatto”ti. Sā dāraḥkaṃ ādāya jetavanaṃ agamāsi.

Tena kho pana samayena āyasmā saṅgāmajī aññatarasmiṃ rukkhamaṃḍe divāvihāraṃ nisinna hoti. Atha kho āyasmato saṅgāmajissa purāṇadutiyaikā yenāyasmā saṅgāmajī tenupasaṅkami; upasaṅkamitvā āyasmantaṃ saṅgāmajīṃ etadavoca – “khuddaputtañhi [khuddaputtāmbhi (sī.)], samaṇa, posa ma”nti. Evaṃ vutte, āyasmā saṅgāmajī tuṅhī ahoṣi.

Dutiyaṃpi kho āyasmato saṅgāmajissa purāṇadutiyaikā āyasmantaṃ saṅgāmajīṃ etadavoca – “khuddaputtañhi, samaṇa, posa ma”nti. Dutiyaṃpi kho āyasmā saṅgāmajī tuṅhī ahoṣi.

Tatiyaṃpi kho āyasmato saṅgāmajissa purāṇadutiyaikā āyasmantaṃ saṅgāmajīṃ etadavoca – “khuddaputtañhi, samaṇa, posa ma”nti. Tatiyaṃpi kho āyasmā saṅgāmajī tuṅhī ahoṣi.

Atha kho āyasmato saṅgāmajissa purāṇadutiyaikā taṃ dāraḥkaṃ āyasmato saṅgāmajissa purato nikkhipitvā pakkāmi [pakkami (ka.) evamuparipi] – “eso [esa (sī. ka.)] te, samaṇa, putto; posa na”nti.

Atha kho āyasmā saṅgāmajī taṃ dāraḥkaṃ neva olokesi nāpi ālapi. Atha kho āyasmato saṅgāmajissa purāṇadutiyaikā avidūraṃ [avidūre (syā. pī.)] gantvā apalokentī addasa āyasmantaṃ saṅgāmajīṃ taṃ dāraḥkaṃ neva olokaṃ nāpi ālapantaṃ, disvānassā etadahosi – “na cāyaṃ samaṇo puttenapi atthiko”ti. Tato paṇinivattitvā dāraḥkaṃ ādāya pakkāmi. Addasā kho bhagavā dibbena cakkhunā visuddhena atikkantaṃ anusakena āyasmato saṅgāmajissa purāṇadutiyaikāya evarūpaṃ vipakāraṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Āyantiṃ nābhinandati, pakkamantiṃ na socati;
Saṅgā saṅgāmajīṃ muttaṃ, tamaḥkaṃ brūmi brāhmaṇa”nti. aṭṭhamāṃ;

9. Jaṭilasuttaṃ

9. Evaṃ me suttaṃ – ekaṃ samayaṃ bhagavā gayāyaṃ viharati gayāsīse. Tena kho pana samayena sambahulā jaṭilā sītāsu hemantikāsu rattīsu antaraṭṭhake himapātasamaye gayāyaṃ ummujjantipi nimujjantipi, ummujjanimujjampi karonti osiñcantipi, aggimpi juhanti – “iminā suddhī”ti.

Addasā kho bhagavā te sambahule jaṭile sītāsu hemantikāsu rattīsu antaraṭṭhake himapātasamaye gayāyaṃ ummujjantepi nimujjantepi ummujjanimujjampi karonte [ummujjanimujjaṃ karontepi (sī. pī. ka.)] osiñcantepi aggimpi juhante – “iminā suddhī”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Na udakena sucī hotī, bahvettha nhāyatī [nahāyatī (sī.)] jano;
Yamhi saccañca dhammo ca, so sucī so ca brāhmaṇo”ti. navamaṃ;

10. Bāhiyasuttaṃ

10. Evaṃ me suttaṃ – ekaṃ samayaṃ bhagavā sāvattiyāṃ viharati jetavane anāthapiṇḍikassa

ārāme. Tena kho pana samayena bāhiyo dārucīriyo suppārake paṭivasati samuddatīre sakkato garukato mānito pūjito apacito lābhī cīvarapiṇḍapātāsenāsanagilānapaccayabhesajjaparikkhārānaṃ. Atha kho bāhiyassa dārucīriyassa rahogatassa paṭisallīnassa evaṃ cetaso parivitakko udapādi – “ye kho keci loke arahanto vā arahattamaggaṃ vā samāpannā, ahaṃ tesam aññataro”’ti.

Atha kho bāhiyassa dārucīriyassa purāṇasālohitā devatā anukampikā atthakāmā bāhiyassa dārucīriyassa cetasā cetoparivitakkamaññāya yena bāhiyo dārucīriyo tenupasaṅkami; upasaṅkamitvā bāhiyaṃ dārucīriyaṃ etadavoca – “neva kho tvam, bāhiya, arahā, nāpi arahattamaggaṃ vā samāpanno. Sāpi te paṭipadā natthi yāya tvam arahā vā assa [assasi (syā. ka.)] arahattamaggaṃ vā samāpanno”’ti.

“Atha ke carahi sadevake loke arahanto vā arahattamaggaṃ vā samāpanno”’ti? “Atthi, bāhiya, uttaresu janapadesu [janapade (sī.)] sāvatti nāma nagaraṃ. Tattha so bhagavā etarahi viharati araham sammāsambuddho. So hi, bāhiya, bhagavā arahā ceva arahattāya ca dhammaṃ desetī”’ti.

Atha kho bāhiyo dārucīriyo tāya devatāya saṃvejito tāvadeva suppārakamhā pakkāmi. Sabbattha ekarattiparivāseṇa yena sāvatti jetavanaṃ anāthapiṇḍikassa ārāmo tenupasaṅkami. Tena kho pana samayena sambahulā bhikkhū abbhokāse caṅkamanti. Atha kho bāhiyo dārucīriyo yena te bhikkhū tenupasaṅkami; upasaṅkamitvā te bhikkhū etadavoca – “kahaṃ nu kho, bhante, etarahi bhagavā viharati araham sammāsambuddho? Dassanakāmamhā mayaṃ taṃ bhagavantaṃ arahantaṃ sammāsambuddha”’nti. “Antaraghaṃ pavitṭho kho, bāhiya, bhagavā piṇḍāyā”’ti.

Atha kho bāhiyo dārucīriyo taramānarūpo jetavanā nikkhamitvā sāvattiṃ pavisitvā addasa bhagavantaṃ sāvattiyaṃ piṇḍāya carantaṃ pāsādikaṃ pasādanīyaṃ santindriyaṃ santamānasam uttamadamathasamathamanuppattaṃ dantaṃ guttaṃ yatindriyaṃ nāgaṃ. Disvāna yena bhagavā tenupasaṅkami; upasaṅkamitvā bhagavato pāde sirasā nipatitvā bhagavantaṃ etadavoca – “desetu me, bhante bhagavā, dhammaṃ; desetu, sugato, dhammaṃ, yaṃ mamassa dīgharattaṃ hitāya sukhāyā”’ti. Evaṃ vutte, bhagavā bāhiyaṃ dārucīriyaṃ etadavoca – “akālo kho tāva, bāhiya, antaraghaṃ pavitṭhamhā piṇḍāyā”’ti.

Dutiyampi kho bāhiyo dārucīriyo bhagavantaṃ etadavoca – “dujjānaṃ kho panetaṃ, bhante, bhagavato vā jīvitantarāyānaṃ, mayhaṃ vā jīvitantarāyānaṃ. Desetu me, bhante bhagavā, dhammaṃ; desetu, sugato, dhammaṃ, yaṃ mamassa dīgharattaṃ hitāya sukhāyā”’ti. Dutiyampi kho bhagavā bāhiyaṃ dārucīriyaṃ etadavoca – “akālo kho tāva, bāhiya, antaraghaṃ pavitṭhamhā piṇḍāyā”’ti.

Tatīyampi kho bāhiyo dārucīriyo bhagavantaṃ etadavoca – “dujjānaṃ kho panetaṃ, bhante, bhagavato vā jīvitantarāyānaṃ, mayhaṃ vā jīvitantarāyānaṃ. Desetu me bhante bhagavā, dhammaṃ; desetu, sugato, dhammaṃ, yaṃ mamassa dīgharattaṃ hitāya sukhāyā”’ti.

“Tasmātiha te, bāhiya, evaṃ sikkhitabbaṃ – ‘diṭṭhe diṭṭhamattaṃ bhavissati, sute sutamattaṃ bhavissati, mute mutamattaṃ bhavissati, viññāte viññātamattaṃ bhavissati”’ti. Evañhi te, bāhiya, sikkhitabbaṃ. Yato kho te, bāhiya, diṭṭhe diṭṭhamattaṃ bhavissati, sute sutamattaṃ bhavissati, mute mutamattaṃ bhavissati, viññāte viññātamattaṃ bhavissati, tato tvam, bāhiya, na tena; yato tvam, bāhiya, na tena tato tvam, bāhiya, na tattha; yato tvam, bāhiya, na tattha, tato tvam, bāhiya, nevidha na huraṃ na ubhayamantarena. Esevanto dukkhassā”’ti.

Atha kho bāhiyassa dārucīriyassa bhagavato imāya saṃkhittāya dhammadesanāya tāvadeva anupādāya āsavehi cittaṃ vimucci.

Atha kho bhagavā bāhiyaṃ dārucīriyaṃ iminā saṃkhittena ovādena ovaditvā pakkāmi. Atha kho acirapakkantassa bhagavato bāhiyaṃ dārucīriyaṃ gāvī taruṇavacchā adhipatitvā [adhipātetvā (sī. syā. pī.), adhipātītivā (ka.)] jīvitā voropesi.

Atha kho bhagavā sāvatthiyaṃ piṇḍāya caritvā pacchābhattaṃ piṇḍapātaṭṭhikkanto sambahulehi bhikkhūhi saddhiṃ nagaramhā nikkhamitvā addasa bāhiyaṃ dārucīriyaṃ kālaṅkataṃ [[kālakataṃ \(sī. syā. kaṃ.\)](#)]; disvāna bhikkhū āmantesi – “gaṇhatha, bhikkhave, bāhiyassa dārucīriyassa sarīrakam; mañcakaṃ āropetvā nīharitvā jhāpetha; thūpañcassa karotha. Sabrahmacārī vo, bhikkhave, kālaṅkato”ti.

“Evaṃ, bhante”ti kho te bhikkhū bhagavato paṭissutvā bāhiyassa dārucīriyassa sarīrakam mañcakaṃ āropetvā nīharitvā jhāpetvā thūpañcassa katvā yena bhagavā tenupasaṅkamimsu; upasaṅkamitvā bhagavantam abhivādetvā ekamantaṃ nisīdimsu. Ekamantaṃ nisinnā kho te bhikkhū bhagavantam etadavocum – “daḍḍham, bhante, bāhiyassa dārucīriyassa sarīram, thūpo cassa kato. Tassa kā gati, ko abhisamparāyo”ti? “Paṇḍito, bhikkhave, bāhiyo dārucīriyo paccapādi dhammassānudhammaṃ; na ca maṃ dhammādhikaraṇam vihesesi. Parinibbuto, bhikkhave, bāhiyo dārucīriyo”ti.

Atha kho bhagavā etamattaṃ viditvā tāyaṃ velāyaṃ imaṃ udānaṃ udānesi –

“Yattha āpo ca pathavī, tejo vāyo na gādhati;
Na tattha sukkā jotanti, ādicco nappakāsati;
Na tattha candimā bhāti, tamo tattha na vijjati.

“Yadā ca attanāvedī [[vedhī \(ka.\)](#)], muni monena brāhmaṇo;
Atha rūpā arūpā ca, sukhadukkhā pamuccatī”ti. dasamaṃ;

(Ayampi udāno vutto bhagavatā iti me sutanti.) [[\(\)](#) [syāmapotthake natthi](#)]

Bodhivaggo paṭhamo niṭṭhito.

Tassuddānaṃ –

Tayo bodhi ca huṃhuṅko [[tayo ca bodhi nigrodho \(sabbattha\)](#)], brāhmaṇo [[te therā \(sī. syā. pī.\), thero \(ka.\)](#)] kassapena ca;
Aja [[pāvāya \(sī. syā.\), pāṭaliyaṃ \(pī.\), pāvā \(ka.\)](#)] saṅgāma jaṭilā, bāhiyenāti te dasāti.

2. Mucalindavaggo

1. Mucalindasuttaṃ

11. Evaṃ me sutam – ekaṃ samayaṃ bhagavā uruvelāyaṃ viharati najjā nerañjarāya tīre mucalindamūle paṭhamābhisambuddho. Tena kho pana samayena bhagavā sattāham ekapallaṅkena nisinnō hoti vimuttisukhapāṭisaṃvedī.

Tena kho pana samayena mahā akālamegho udapādi sattāhavaddalikā sītavātaduddinī. Atha kho mucalindo nāgarājā sakabhavanā nikkhamitvā bhagavato kāyaṃ sattakkhattuṃ bhogehi parikkhipitvā uparimuddhani mahantaṃ phaṇam vihaṇṇa aṭṭhāsī – “mā bhagavantam sītam, mā bhagavantam uṇham, mā bhagavantam ḍamsamakasavātātapasarīsapa [[sirīmsapa \(sī. syā. kaṃ. pī.\)](#)] samphasso”ti.

Atha kho bhagavā tassa sattāhassa accayena tamhā samādhimhā vuṭṭhāsī. Atha kho mucalindo nāgarājā viddham vigatavalāhakaṃ devam viditvā bhagavato kāyā bhoge viniveṭhetvā sakavaṇṇam paṭisaṃharitvā māṇavakavaṇṇam abhinimmitvā bhagavato purato aṭṭhāsī pañjaliko bhagavantam namassamāno.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Sukho viveko tuṭṭhassa, sutadhammassa passato;
Abyāpajjaṃ sukhaṃ loke, pāṇabhūtesu saṃyamo.

“Sukhā virāgatā loke, kāmānaṃ samatikkamo;
Asmimānassa yo vinayo, etaṃ ve paramaṃ sukha”nti. paṭhamam;

2. Rājasuttaṃ

12. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulānaṃ bhikkhūnaṃ pacchābhattaṃ piṇḍapātaṭṭhikantānaṃ upaṭṭhānasālāyaṃ sannisinnānaṃ sannipatitānaṃ ayamantarākathā udapādi – “ko nu kho, āvuso, imesaṃ dvinnaṃ rājūnaṃ mahaddhanataro vā mahābhogataro vā mahākosataro vā mahāvijitataro vā mahāvāhanataro vā mahabbalataro vā mahiddhikataro vā mahānubhāvataro vā rājā vā māgadho seniyo bimbisāro, rājā vā pasenadi kosalo”ti? Ayañcarahi tesam bhikkhūnaṃ antarākathā hoti vippakatā.

Atha kho bhagavā sāyanhasamayaṃ paṭisallānā vuṭṭhito yenupaṭṭhānasālā tenupasaṅkami; upasaṅkamtivā paññatte āsane nisīdi. Nisajja kho bhagavā bhikkhū āmantesi – “kāya nuttha, bhikkhave, etarahi kathāya sannisinnā sannipatitā, kā ca pana vo antarākathā vippakatā”ti?

“Idha, bhante, amhākaṃ pacchābhattaṃ piṇḍapātaṭṭhikantānaṃ upaṭṭhānasālāyaṃ sannisinnānaṃ sannipatitānaṃ ayamantarākathā udapādi – ‘ko nu kho, āvuso, imesaṃ dvinnaṃ rājūnaṃ mahaddhanataro vā mahābhogataro vā mahākosataro vā mahāvijitataro vā mahāvāhanataro vā mahabbalataro vā mahiddhikataro vā mahānubhāvataro vā rājā vā māgadho seniyo bimbisāro, rājā vā pasenadi kosalo’ti? Ayaṃ kho no, bhante, antarākathā vippakatā, atha bhagavā anuppatto”ti.

“Na khvetam, bhikkhave, tumhākaṃ patirūpaṃ kulaputtānaṃ saddhā agārasmā anagāriyaṃ pabbajitānaṃ yaṃ tumhe evarūpiṃ kathaṃ katheyyātha. Sannipatitānaṃ vo, bhikkhave, dvayaṃ karaṇīyaṃ – dhammī vā kathā ariyo vā tuṅhībhāvo”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yañca kāmasukhaṃ loke, yañcidaṃ diviyaṃ sukhaṃ;
Taṇhakkhayaasukhassete, kalam nāgghanti soḷasi”nti. dutiyam;

3. Daṇḍasuttaṃ

13. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulā kumārakā antarā ca sāvatthiṃ antarā ca jetavanaṃ ahiṃ daṇḍena hananti. Atha kho bhagavā pubbaṇhasamayaṃ nivāsetvā pattacivaramādāya sāvatthiṃ piṇḍāya pāvīsi. Addasā kho bhagavā sambahule kumārake antarā ca sāvatthiṃ antarā ca jetavanaṃ ahiṃ daṇḍena hanante.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Sukhakāmāni bhūtāni, yo daṇḍena vihiṃsati;
Attano sukhamesāno, pecca so na labhate sukhaṃ.

“Sukhakāmāni bhūtāni, yo daṇḍena na hiṃsati;

Attano sukhamesāno, pecca so labhate sukha’’nti. tatiyaṃ;

4. Sakkārasuttaṃ

14. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā sakkato hoti garukato mānito pūjito apacito, lābhī cīvarapiṇḍapātāsenāsanagilānapaccayabhesajjaparikkhārānaṃ. Bhikkhusaṅghopi sakkato hoti garukato mānito pūjito apacito, lābhī cīvarapiṇḍapātāsenāsanagilānapaccayabhesajjaparikkhārānaṃ. Aññatitthiyā pana paribbājakā asakkatā honti agarukatā amānitā [na apacitā (syā. pī.)] apūjitā anapacitā, na lābhino cīvarapiṇḍapātāsenāsanagilānapaccayabhesajjaparikkhārānaṃ. Atha kho te aññatitthiyā paribbājakā bhagavato sakkāraṃ asahamānā bhikkhusaṅghassa ca gāme ca araṇṇe ca bhikkhū disvā asabbhāhi pharusāhi vācāhi akkosanti paribhāsanti rosentī vihesenti.

Atha kho sambahulā bhikkhū yena bhagavā tenupasaṅkamissa; upasaṅkamtivā bhagavantaṃ abhivādetvā ekamantaṃ nisīdimssa. Ekamantaṃ nisinnā kho te bhikkhū bhagavantaṃ etadavocum – ‘‘etarahi, bhante, bhagavā sakkato garukato mānito pūjito apacito, lābhī cīvarapiṇḍapātāsenāsanagilānapaccayabhesajjaparikkhārānaṃ. Bhikkhusaṅghopi sakkato garukato mānito pūjito apacito, lābhī cīvarapiṇḍapātāsenāsanagilānapaccayabhesajjaparikkhārānaṃ. Aññatitthiyā pana paribbājakā asakkatā agarukatā amānitā apūjitā anapacitā, na lābhino cīvarapiṇḍapātāsenāsanagilānapaccayabhesajjaparikkhārānaṃ. Atha kho te, bhante, aññatitthiyā paribbājakā bhagavato sakkāraṃ asahamānā bhikkhusaṅghassa ca gāme ca araṇṇe ca bhikkhū disvā asabbhāhi pharusāhi vācāhi akkosanti paribhāsanti rosentī vihesanti’’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

‘‘Gāme araṇṇe sukhadukkhaphuṭṭho,
Nevattato no parato dahetha;
Phusanti phassā upadhiṃ paṭicca,
Nirūpadhiṃ kena phuseyyu phassā’’ti. catutthaṃ;

5. Upāsakasuttaṃ

15. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro icchānaṅgalako upāsako sāvatthiṃ anuppatto hoti kenacideva karaṇīyena. Atha kho so upāsako sāvatthiyaṃ taṃ karaṇīyaṃ tīretvā yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdī. Ekamantaṃ nisinnaṃ kho taṃ upāsakaṃ bhagavā etadavoca – ‘‘cirassaṃ kho tvaṃ, upāsaka, imaṃ pariyāyamakāsi yadidaṃ idhāgamanāyā’’ti.

‘‘Cīrapaṭikāhaṃ, bhante, bhagavantaṃ dassanāya upasaṅkamtukāmo, api cāhaṃ kehici kehici kiccakaraṇīyehi byāvaṭo. Evāhaṃ nāsakkhiṃ bhagavantaṃ dassanāya upasaṅkamtu’’nti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

‘‘Sukhaṃ vata tassa na hoti kiñci,
Saṅkhātadhammassa bahussutassa;
Sakiñcanaṃ passa vihaññamānaṃ,
Jano janasmimṃ paṭibandharūpo’’ti. pañcamaṃ;

6. Gabbhinīsuttaṃ

16. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa

ārāme. Tena kho pana samayena aññatarassa paribbājakassa daharamāṇavikā pajāpati hoti gabbhinī upavijaññā. Atha kho sā paribbājikā taṃ paribbājakam etadavoca – “gaccha tvam, brāhmaṇa, telam āhara, yaṃ me vijātāya bhavissati”ti.

Evaṃ vutte, so paribbājako taṃ paribbājikam etadavoca – “kuto panāham, bhoti [bhotiyā (syā. pī. ka.)], telam āharāmi”ti? Dutiyampi kho sā paribbājikā taṃ paribbājakam etadavoca – “gaccha tvam, brāhmaṇa, telam āhara, yaṃ me vijātāya bhavissati”ti. Dutiyampi kho so paribbājiko taṃ paribbājikam etadavoca – “kuto panāham, bhoti, telam āharāmi”ti? Tatiyampi kho sā paribbājikā taṃ paribbājakam etadavoca – “gaccha tvam, brāhmaṇa, telam āhara, yaṃ me vijātāya bhavissati”ti.

Tena kho pana samayena rañño pasenadissa kosalassa koṭṭhāgāre samaṇassa vā brāhmaṇassa vā sappissa vā telassa vā yāvadattham pātuṃ dīyati [diyyati (sī. ka.)], no nīharitum.

Atha kho tassa paribbājakassa etadahosi – “rañño kho pana pasenadissa kosalassa koṭṭhāgāre samaṇassa vā brāhmaṇassa vā sappissa vā telassa vā yāvadattham pātuṃ dīyati, no nīharitum. Yaṃnūnāham rañño pasenadissa kosalassa koṭṭhāgāram gantvā telassa yāvadattham pivitvā gharam āgantvā ucchadditvāna [uggiritvāna (sī. syā. pī.), ucchaditvā (sī. syā. aṭṭha.), ucchadditvāna (ka.)] dadeyyam, yaṃ imissā vijātāya bhavissati”ti.

Atha kho so paribbājako rañño pasenadissa kosalassa koṭṭhāgāram gantvā telassa yāvadattham pivitvā gharam āgantvā neva sakkoti uddham kātuṃ, na pana adho. So dukkhāhi tībāhi [tippāhi (syā.)] kharāhi kaṭukāhi vedanāhi phuṭṭho āvaṭṭati parivaṭṭati.

Atha kho bhagavā pubbaṇhasamayam nivāsetvā pattacīvaramādāya sāvattim piṇḍāya pāvisi. Addasā kho bhagavā taṃ paribbājakam dukkhāhi tībāhi kharāhi kaṭukāhi vedanāhi phuṭṭham āvaṭṭamānam parivaṭṭamānam.

Atha kho bhagavā etamattham viditvā tāyam velāyam imaṃ udānam udānesi –

“Sukhino vata ye akiñcanā,
Vedaguno hi janā akiñcanā;
Sakiñcanam passa vihaññamānam,
Jano janasmim paṭibandhacitto” [paṭibaddhacitto (syā.), paṭibandharupo (?)] ti. chaṭṭham;

7. Ekaputtakasuttam

17. Evaṃ me sutam – ekaṃ samayam bhagavā sāvattiyam viharati jetavane anāthapiṇḍikassa ārāme. Tena kho pana samayena aññatarassa upāsakassa ekaputtako piyo manāpo kālaṅkato hoti.

Atha kho sambahulā upāsakā allavatthā allakesā divā divassa yena bhagavā tenupasaṅkamimṣu; upasaṅkamitvā bhagavantam abhivādetvā ekamantam nisīdimṣu. Ekamantam nisinne kho te upāsake bhagavā etadavoca – “kiṃ nu kho tumhe, upāsakā, allavatthā allakesā idhūpasaṅkamantā divā divassā”ti?

Evaṃ vutte, so upāsako bhagavantam etadavoca – “mayham kho, bhante, ekaputtako piyo manāpo kālaṅkato. Tena mayam allavatthā allakesā idhūpasaṅkamantā divā divassā”ti.

Atha kho bhagavā etamattham viditvā tāyam velāyam imaṃ udānam udānesi –

“Piyarūpassādagadhitāse [piyarūpassātagadhitāse (sī. pī.)],
Devakāyā puthu manussā ca;

Aghāvino parijunnā,
Maccurājassa vasaṃ gacchanti.

“Ye ve divā ca ratto ca,
Appamattā jahanti piyarūpaṃ;
Te ve khaṇanti aghamūlaṃ,
Maccuno āmisaṃ durativatta”nti. sattamaṃ;

8. Suppavāsāsuttaṃ

18. Evaṃ me suttaṃ – ekaṃ samayaṃ bhagavā kuṇḍikāyaṃ [kuṇḍiyāyaṃ (sī. syā. pī.)] viharati kuṇḍadhānavane [kuṇḍiṭṭhānavane (syā. pī.)]. Tena kho pana samayena suppavāsā kolyadhītā satta vassāni gabbhaṃ dhāreti. Sattāhaṃ mūḷhagabbhā sā dukkhāhi tikkhāhi kharāhi kaṭukāhi vedanāhi phuṭṭhā tīhi vitakkehi adhiṃvāseti – “sammāsambuddho vata so bhagavā yo imassa evarūpassa dukkhassa pahānāya dhammaṃ deseti; suppaṭipanno vata tassa bhagavato sāvakaṃgho yo imassa evarūpassa dukkhassa pahānāya paṭipanno; susukhaṃ vata taṃ nibbānaṃ yatthidaṃ evarūpaṃ dukkhaṃ na saṃvijjati”ti.

Atha kho suppavāsā kolyadhītā sāmikaṃ āmantesi – “ehi tvamaṃ, ayyaputta, yena bhagavā tenupasaṅkama; upasaṅkamitvā mama vacanena bhagavato pāde sirasā vandāhi; appābādhaṃ appātaṅkaṃ lahuṭṭhānaṃ balaṃ phāsuvihāraṃ pucca – ‘suppavāsā, bhante, kolyadhītā bhagavato pāde sirasā vandati; appābādhaṃ appātaṅkaṃ lahuṭṭhānaṃ balaṃ phāsuvihāraṃ puccati’ti. Evaṃca vadehi – ‘suppavāsā, bhante, kolyadhītā satta vassāni gabbhaṃ dhāreti. Sattāhaṃ mūḷhagabbhā sā dukkhāhi tikkhāhi kharāhi kaṭukāhi vedanāhi phuṭṭhā tīhi vitakkehi adhiṃvāseti – sammāsambuddho vata so bhagavā yo imassa evarūpassa dukkhassa pahānāya dhammaṃ deseti; suppaṭipanno vata tassa bhagavato sāvakaṃgho yo imassa evarūpassa dukkhassa pahānāya paṭipanno; susukhaṃ vata taṃ nibbānaṃ yatthidaṃ evarūpaṃ dukkhaṃ na saṃvijjati”ti.

“Parama”nti kho so kolyaputto suppavāsāya kolyadhītāya paṭissutvā yena bhagavā tenupasaṅkami; upasaṅkamitvā bhagavantaṃ abhiṃvādetvā ekamantaṃ nisīdi. Ekamantaṃ nisinna kho kolyaputto bhagavantaṃ etadavoca – “suppavāsā, bhante, kolyadhītā bhagavato pāde sirasā vandati, appābādhaṃ appātaṅkaṃ lahuṭṭhānaṃ balaṃ phāsuvihāraṃ puccati; evaṃca vadeti – ‘suppavāsā, bhante, kolyadhītā satta vassāni gabbhaṃ dhāreti. Sattāhaṃ mūḷhagabbhā sā dukkhāhi tikkhāhi kharāhi kaṭukāhi vedanāhi phuṭṭhā tīhi vitakkehi adhiṃvāseti – sammāsambuddho vata so bhagavā yo imassa evarūpassa dukkhassa pahānāya dhammaṃ deseti; suppaṭipanno vata tassa bhagavato sāvakaṃgho yo imassa evarūpassa dukkhassa pahānāya paṭipanno; susukhaṃ vata taṃ nibbānaṃ yatthidaṃ evarūpaṃ dukkhaṃ na saṃvijjati”ti.

“Sukhinī hotu suppavāsā kolyadhītā; arogaṃ arogaṃ puttaṃ vijāyatū”ti. Saha vacanā ca pana bhagavato suppavāsā kolyadhītā sukhinī arogaṃ arogaṃ puttaṃ vijāyati.

“Evaṃ, bhante”ti kho so kolyaputto bhagavato bhāsitaṃ abhinanditvā anumoditvā utṭhāyāsanaṃ bhagavantaṃ abhiṃvādetvā padakkhiṇaṃ katvā yena sakaṃ gharaṃ tena paccāyāsi. Addasā kho so kolyaputto suppavāsā kolyadhītaraṃ sukhiniṃ arogaṃ arogaṃ puttaṃ vijātaṃ. Disvānassa etadahosi – “acchariyaṃ vata, bho, abbhutaṃ vata, bho, tathāgatassa mahiddhikā mahānubhāvatā, yatra hi nāmaṃ suppavāsā kolyadhītā saha vacanā ca pana [saha vacanā pana (pī.), saha vacanā (?)] bhagavato sukhinī arogaṃ arogaṃ puttaṃ vijāyissati”ti! Attamaṃ pamudito pītisomanassajāto aho.

Atha kho suppavāsā kolyadhītā sāmikaṃ āmantesi – “ehi tvamaṃ, ayyaputta, yena bhagavā tenupasaṅkama; upasaṅkamitvā mama vacanena bhagavato pāde sirasā vandāhi – ‘suppavāsā, bhante, kolyadhītā bhagavato pāde sirasā vandati’ti; evaṃca vadehi – ‘suppavāsā, bhante, kolyadhītā satta

vassāni gabbhaṃ dhāreti. Sattāhaṃ mūḷhagabbhā sā etarahi sukhinī arogā arogaṃ puttaṃ vijātā. Sā sattāhaṃ buddhappamukhaṃ bhikkhusaṅghaṃ bhattena nimanteti. Adhivāsetu kira, bhante, bhagavā suppvāsāya koliyadhītāya satta bhattāni saddhiṃ bhikkhusaṅghenā”’ti.

“Parama”’nti kho so koliyaputto suppvāsāya koliyadhītāya paṭissutvā yena bhagavā tenupasaṅkama; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so koliyaputto bhagavantaṃ etadavoca –

“Suppvāsā, bhante, koliyadhītā bhagavato pāde sirasā vandati; evañca vadeti – ‘suppvāsā, bhante, koliyadhītā satta vassāni gabbhaṃ dhāreti. Sattāhaṃ mūḷhagabbhā sā etarahi sukhinī arogā arogaṃ puttaṃ vijātā. Sā sattāhaṃ buddhappamukhaṃ bhikkhusaṅghaṃ bhattena nimanteti. Adhivāsetu kira, bhante, bhagavā suppvāsāya koliyadhītāya satta bhattāni saddhiṃ bhikkhusaṅghenā”’ti.

Tena kho pana samayena aññatarena upāsakena buddhappamukho bhikkhusaṅgho svātanāya bhattena nimantito hoti. So ca upāsako āyasmato mahāmoggallānassa [mahāmoggallānassa (ka.)] upaṭṭhāko hoti. Atha kho bhagavā āyasmantaṃ mahāmoggallānaṃ āmantesi – ‘ehi tvaṃ, moggallāna, yena so upāsako tenupasaṅkama; upasaṅkamitvā taṃ upāsakaṃ evaṃ vadehi – ‘suppvāsā, āvuso, koliyadhītā satta vassāni gabbhaṃ dhāresi. Sattāhaṃ mūḷhagabbhā sā etarahi sukhinī arogā arogaṃ puttaṃ vijātā. Sā sattāhaṃ buddhappamukhaṃ bhikkhusaṅghaṃ bhattena nimanteti. Karotu suppvāsā koliyadhītā satta bhattāni, pacchā tvaṃ karissasī”’ti [karissasīti saññāpehi (ka.)]. Tuyheso upaṭṭhāko”’ti.

“Evaṃ, bhante”’ti kho āyasmā mahāmoggallāno bhagavato paṭissutvā yena so upāsako tenupasaṅkama; upasaṅkamitvā taṃ upāsakaṃ etadavoca – ‘suppvāsā, āvuso, koliyadhītā satta vassāni gabbhaṃ dhāreti. Sattāhaṃ mūḷhagabbhā sā etarahi sukhinī arogā arogaṃ puttaṃ vijātā. Sā sattāhaṃ buddhappamukhaṃ bhikkhusaṅghaṃ bhattena nimanteti. Karotu suppvāsā koliyadhītā satta bhattāni, pacchā tvaṃ karissasī”’ti.

“Sace me, bhante, ayyo mahāmoggallāno tiṇṇaṃ dhammānaṃ pāṭibhogo – bhogānañca jīvitassa ca saddhāya ca, karotu suppvāsā koliyadhītā satta bhattāni, pacchāhaṃ karissāmī”’ti. “Dvinnaṃ kho te ahaṃ [dvinnaṃ kho tesam (pī.), dvinnaṃ kho nesam (ka.)], āvuso, dhammānaṃ pāṭibhogo – bhogānañca jīvitassa ca. Saddhāya pana tvaṃyeva pāṭibhogo”’ti.

“Sace me, bhante, ayyo mahāmoggallāno dvinnaṃ dhammānaṃ pāṭibhogo – bhogānañca jīvitassa ca, karotu suppvāsā koliyadhītā satta bhattāni, pacchāhaṃ karissāmī”’ti.

Atha kho āyasmā mahāmoggallāno taṃ upāsakaṃ saññāpetvā yena bhagavā tenupasaṅkama; upasaṅkamitvā bhagavantaṃ etadavoca – ‘saññatto [saññāto (syā.)], bhante, so upāsako mayā; karotu suppvāsā koliyadhītā satta bhattāni, pacchā so karissasī”’ti.

Atha kho suppvāsā koliyadhītā sattāhaṃ buddhappamukhaṃ bhikkhusaṅghaṃ paṇītena khādanīyena bhojanīyena sahatthā santappesi sampavāresi, tañca dāraṃ bhagavantaṃ vandāpesi sabbañca bhikkhusaṅghaṃ.

Atha kho āyasmā sārīputto taṃ dāraṃ etadavoca – ‘kacci te, dāra, khamanīyaṃ, kacci yāpanīyaṃ, kacci na kiñci dukkha”’nti? “Kuto me, bhante sārīputta, khamanīyaṃ, kuto yāpanīyaṃ! Satta me vassāni lohitakumbhiyaṃ vuttānī”’ti.

Atha kho suppvāsā koliyadhītā – ‘putto me dhammasenāpatinā saddhiṃ manteti”’ti attamaṇā pamuditā pītisomanassajātā ahoṣi. Atha kho bhagavā (suppvāsāṃ koliyadhītaraṃ attamaṇaṃ pamuditāṃ pītisomanassajātaṃ viditvā [divvā (sī.)]) [() natthi iṅgalisapotthake] suppvāsāṃ koliyadhītaraṃ etadavoca – ‘iccheyyāsi tvaṃ, suppvāse, aññampi evarūpaṃ putta”’nti?

“Iccheyyāmaḥaṃ, bhagavā, aññānipi evarūpāni satta puttānī”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Asātaṃ sātārūpena, piyarūpena appiyaṃ;
Dukkhaṃ sukhasa rūpena, pamattamativattatī”ti. aṭṭhamamaṃ;

9. Visākhāsuttaṃ

19. Evaṃ me suttaṃ – ekaṃ samayaṃ bhagavā sāvatthiyaṃ viharati pubbārāme migāramātupāsāde. Tena kho pana samayena visākhāya migāramātuyā kocideva attho raññe pasenadimhi kosale paṭibaddho [paṭibandho (pī. ka.)] hoti. Taṃ rājā pasenadi kosalo na yathādhippāyaṃ tīreti.

Atha kho visākhā migāramātā divā divassa [divādivasseva (syā.), divādivasseyeva (pī.), divā divassayeva (ka.)] yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho visākhāya migāramātaraṃ bhagavā etadavoca – “handa kuto nu tvaṃ, visākhe, āgacchasi divā divassā”ti? “Idha me, bhante, kocideva attho raññe pasenadimhi kosale paṭibaddho; taṃ rājā pasenadi kosalo na yathādhippāyaṃ tīreti”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Sabbamaṃ paravasamaṃ dukkhaṃ, sabbamaṃ issariyaṃ sukhaṃ;
Sādhāraṇe vihaññanti, yogā hi duratikkamā”ti. navamaṃ;

10. Bhaddiyasuttaṃ

20. Evaṃ me suttaṃ – ekaṃ samayaṃ bhagavā anupiyāyaṃ viharati ambavane. Tena kho pana samayena āyasmā bhaddiyo kāḷīgodhāya putto araññagatopi rukkhamaḷagatopi suññāgāragatopi abhikkhaṇaṃ udānaṃ udānesi – “aho sukhaṃ, aho sukha”nti!

Assosumaṃ kho sambahulā bhikkhū āyasmato bhaddiyassa kāḷīgodhāya puttassa araññagatassapi rukkhamaḷagatassapi suññāgāragatassapi abhikkhaṇaṃ udānaṃ udānentassa – “aho sukhaṃ, aho sukha”nti! Sutvāna nesaṃ etadahosi – “nissamsayaṃ kho, āvuso, āyasmā bhaddiyo kāḷīgodhāya putto anabhirato brahmacariyaṃ carati, yaṃsa pubbe agāriyabhūtassa [agārikabhūtassa (syā.)] rajjasukhaṃ, so tamanussaramāno araññagatopi rukkhamaḷagatopi suññāgāragatopi abhikkhaṇaṃ udānaṃ udānesi – ‘aho sukhaṃ, aho sukha’”nti!

Atha kho sambahulā bhikkhū yena bhagavā tenupasaṅkamissa; upasaṅkamitvā bhagavantaṃ abhivādetvā ekamantaṃ nisīdissa. Ekamantaṃ nisinnā kho te bhikkhū bhagavantaṃ etadavocuma – “āyasmā, bhante, bhaddiyo kāḷīgodhāya putto araññagatopi rukkhamaḷagatopi suññāgāragatopi abhikkhaṇaṃ udānaṃ udānesi – ‘aho sukhaṃ, aho sukha’nti! Nissamsayaṃ kho, bhante, āyasmā bhaddiyo kāḷīgodhāya putto anabhirato brahmacariyaṃ carati. Yaṃsa pubbe agāriyabhūtassa rajjasukhaṃ, so tamanussaramāno araññagatopi rukkhamaḷagatopi suññāgāragatopi abhikkhaṇaṃ udānaṃ udānesi – ‘aho sukhaṃ, aho sukha’”nti!

Atha kho bhagavā aññataraṃ bhikkhuma āmantesi – “ehi tvaṃ, bhikkhu, mama vacanena bhaddiyaṃ bhikkhuma āmantehi – ‘sathā taṃ, āvuso bhaddiya, āmanteti’”ti.

“Evaṃ, bhante”ti kho so bhikkhu bhagavato paṭissutvā yenāyasmā bhaddiyo kāḷīgodhāya putto tenupasaṅkami; upasaṅkamitvā bhaddiyaṃ kāḷīgodhāya puttaṃ etadavoca – “sathā taṃ, āvuso bhaddiya, āmanteti”ti. “Evamāvuso”ti kho āyasmā bhaddiyo kāḷīgodhāya putto tassa bhikkhuno

paṭissutvā yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinnaṃ kho āyasmantaṃ bhaddiyaṃ kāḷīgodhāya puttaṃ bhagavā etadavoca –

“Saccam kira tvam, bhaddiya, araṇṇagatopi rukkhamūlagatopi suṇṇāgāragatopi abhikkhaṇaṃ udānaṃ udānesi – ‘aho sukhaṃ, aho sukha’”nti! “Evaṃ, bhante”ti.

“Kiṃ pana [kam pana (syā pī.)] tvam, bhaddiya, atthavasam sampassamāno araṇṇagatopi rukkhamūlagatopi suṇṇāgāragatopi abhikkhaṇaṃ udānaṃ udānesi – ‘aho sukhaṃ, aho sukha’”nti!
 “Pubbe me, bhante, agāriyabhūtaṃ rajjaṃ kārentassa antopi antepure rakkhā susaṃvihitā ahoṣi, bahipi antepure rakkhā susaṃvihitā ahoṣi, antopi nagare rakkhā susaṃvihitā ahoṣi, bahipi nagare rakkhā susaṃvihitā ahoṣi, antopi janapade rakkhā susaṃvihitā ahoṣi, bahipi janapade rakkhā susaṃvihitā ahoṣi. So kho ahaṃ, bhante, evaṃ rakkhito gopito santo bhīto ubbiggo ussaṅkī utrāsī vihāsim. Etarahi kho panāhaṃ, bhante, araṇṇagatopi rukkhamūlagatopi suṇṇāgāragatopi eko [ekako (syā. pī.)] abhīto anubbiggo anussaṅkī anutrāsī appossukko pannalomo paradattavutto [paradavutto (ka. sī. syā. pī.)], migabhūtena cetasā viharāmi. Imaṃ [idaṃ (sī. ka.)] kho ahaṃ, bhante, atthavasam sampassamāno araṇṇagatopi rukkhamūlagatopi suṇṇāgāragatopi abhikkhaṇaṃ udānaṃ udānesi [udānemi (ka.)] – ‘aho sukhaṃ, aho sukha’”nti!

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yassantarato na santi kopā,
 Itibhavābhavataṇca vītivatto;
 Taṃ vigatabhayaṃ sukhiṃ asokaṃ,
 Devā nānubhavanti dassanāyā”ti. dasamaṃ;

Mucalindavaggo dutiyo niṭṭhito.

Tassuddānaṃ –

Mucalindo rājā daṇḍena, sakkāro upāsakena ca;
 Gabbhinī ekaputto ca, suppavāsā visākhā ca;
 Kāḷīgodhāya bhaddiyoti.

3. Nandavaggo

1. Kammavipākajasuttaṃ

21. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena aññataro bhikkhu bhagavato avidūre nisinnaṃ hoti pallaṅkaṃ ābhujitvā ujum kāyaṃ paṇidhāya purāṇakammavipākajaṃ dukkhaṃ tibbaṃ kharaṃ kaṭukaṃ vedanaṃ adhivāsento sato sampajāno avihaṇṇamāno.

Addasā kho bhagavā taṃ bhikkhuṃ avidūre nisinnaṃ pallaṅkaṃ ābhujitvā ujum kāyaṃ paṇidhāya purāṇakammavipākajaṃ dukkhaṃ tibbaṃ kharaṃ kaṭukaṃ vedanaṃ adhivāsentaṃ sataṃ sampajānaṃ avihaṇṇamaṇaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Sabbakammajahassa bhikkhuno,
 Dhunamānassa pure kataṃ rajaṃ;

Amamassa ðhitassa tādino,
Attho natthi janaṃ lapetave’’ti. paṭhamam;

2. Nandasuttam

22. Evaṃ me sutam – ekaṃ samayaṃ bhagavā sāvattthiyaṃ viharati jetavane anāthapiṇḍikassa ārāme. Tena kho pana samayena āyasmā nando bhagavato bhātā mātucchāputto sambahulānaṃ bhikkhūnaṃ evamāroceti – ‘‘anabhirato ahaṃ, āvuso, brahmacariyaṃ carāmi; na sakkomi brahmacariyaṃ sandhāretuṃ, sikkhaṃ paccakkhāya hīnāyāvattissāmī’’ti.

Atha kho aññataro bhikkhu yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – ‘‘āyasmā, bhante, nando bhagavato bhātā mātucchāputto sambahulānaṃ bhikkhūnaṃ evamāroceti – ‘anabhirato ahaṃ, āvuso, brahmacariyaṃ carāmi, na sakkomi brahmacariyaṃ sandhāretuṃ, sikkhaṃ paccakkhāya hīnāyāvattissāmī’’ti.

Atha kho bhagavā aññataram bhikkhuṃ āmantesi – ‘‘ehi tvam, bhikkhu, mama vacanena nandaṃ bhikkhuṃ āmantehi – ‘sathā taṃ, āvuso nanda, āmanteti’’ti. ‘‘Evaṃ, bhante’’ti kho so bhikkhu bhagavato paṭissutvā yenāyasmā nando tenupasaṅkami; upasaṅkamitvā āyasmantaṃ nandaṃ etadavoca – ‘‘sathā taṃ, āvuso nanda, āmanteti’’ti.

‘‘Evamāvuso’’ti kho āyasmā nando tassa bhikkhuno paṭissutvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ nandaṃ bhagavā etadavoca –

‘‘Saccaṃ kira tvam, nanda, sambahulānaṃ bhikkhūnaṃ evamārocesi – ‘anabhirato ahaṃ, āvuso, brahmacariyaṃ carāmi, na sakkomi brahmacariyaṃ sandhāretuṃ, sikkhaṃ paccakkhāya hīnāyāvattissāmī’’ti? ‘‘Evaṃ, bhante’’ti.

‘‘Kissa pana tvam, nanda, anabhirato brahmacariyaṃ carasi, na sakkosi brahmacariyaṃ sandhāretuṃ, sikkhaṃ paccakkhāya hīnāyāvattissasī’’ti? ‘‘Sākiyānī maṃ [mama (syā., aṭṭhakathā oloketabbā)], bhante, janapadakalyāṇī gharā nikkhamantassa [nikkhamantaṃ (aṭṭhakathāyaṃ pāṭhantaram)] upaḍḍhullikhitehi kesehi apaloketvā maṃ etadavoca – ‘tuvaṃ kho, ayyaputta, āgaccheyyāsī’’ti. So kho ahaṃ, bhante, tamanussaramāno anabhirato brahmacariyaṃ carāmi, na sakkomi brahmacariyaṃ sandhāretuṃ, sikkhaṃ paccakkhāya hīnāyāvattissāmī’’ti.

Atha kho bhagavā āyasmantaṃ nandaṃ bāhāyaṃ gahetvā – seyyathāpi nāma balavā puriso samiñjitaṃ [sammiñjitaṃ (sī. syā. kaṃ. pī.)] vā bāhaṃ pasāreyya, pasāritaṃ vā bāhaṃ samiñjeyya [sammiñjeyya (sī. syā. kaṃ. pī.)], evameva – jetavane antarahito devesu tāvatimsesu pāturahosi.

Tena kho pana samayena pañcamattāni accharāsātāni sakkassa devānamindassa upaṭṭhānaṃ āgatāni honti kakuṭapādāni. Atha kho bhagavā āyasmantaṃ nandaṃ āmantesi – ‘‘passasi no tvam, nanda, imāni pañca accharāsātāni kakuṭapādāni’’ti? ‘‘Evaṃ, bhante’’ti.

‘‘Taṃ kiṃ maññasi, nanda, katamā nu kho abhirūpatarā vā dassanīyatarā vā pāsādikatarā vā, sākiyānī vā janapadakalyāṇī, imāni vā pañca accharāsātāni kakuṭapādāni’’ti? ‘‘Seyyathāpi, bhante, paluṭṭhamakkaṭṭi kaṇṇanāsacchinnā, evameva kho, bhante, sākiyānī janapadakalyāṇī imesaṃ pañcannaṃ accharāsātānaṃ upanidhāya saṅkhyampi [saṅkhampi (sī.)] nopeti kalabhāgampi nopeti upanidhimpī nopeti. Atha kho imāni pañca accharāsātāni abhirūpatarāni ceva dassanīyatarāni ca pāsādikatarāni cā’’ti.

‘‘Abhirama, nanda, abhirama, nanda! Ahaṃ te pāṭibhogo pañcannaṃ accharāsātānaṃ paṭilābhāya

kakuṭapādāna’’nti. “Sace me, bhante, bhagavā pāṭibhogo pañcannaṃ accharāsātānaṃ paṭilābhāya kakuṭapādānaṃ, abhiraṃsāmaṃ, bhante, bhagavati brahmacariye’’ti [[bhagavā brahmacariyeti \(syā. pī.\)](#), [bhagavā brahmacariyanti \(ka.\)](#)].

Atha kho bhagavā āyasmantaṃ nandaṃ bāhāyaṃ gahetvā – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva – devesu tāvatimsesu antarahito jetavane pāturaḥosi.

Assosunṃ kho bhikkhū – “āyasmā kira nando bhagavato bhātā mātucchāputto accharānaṃ hetu brahmacariyaṃ carati; bhagavā kirassa pāṭibhogo pañcannaṃ accharāsātānaṃ paṭilābhāya kakuṭapādāna’’nti.

Atha kho āyasmato nandassa sahāyakā bhikkhū āyasmantaṃ nandaṃ bhatakavādena ca upakkitakavādena ca samudācaranti – “bhatako kirāyasmā nando upakkitako kirāyasmā nando accharānaṃ hetu brahmacariyaṃ carati; bhagavā kirassa pāṭibhogo pañcannaṃ accharāsātānaṃ paṭilābhāya kakuṭapādāna’’nti.

Atha kho āyasmā nando sahāyakānaṃ bhikkhūnaṃ bhatakavādena ca upakkitakavādena ca aṭṭiyamāno harāyamāno jigucchamāno eko vūpakaṭṭho appamatto ātāpī pahitatto viharanto nacirasseva – yassathāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayāṃ abhiññā sacchikatvā upasampajja vihāsi. “Khīṇā jāti, vusitaṃ brahmacariyaṃ, kataṃ karaṇiyaṃ, nāparaṃ itthattāyā’’ti abbhaññāsi. Aññataro kho pañāyasmā nando arahataṃ ahoṣi.

Atha kho aññatarā devatā abhikkantāya rattiyā abhikkantavaṇṇā kevalakappaṃ jetavanaṃ obhāsetvā yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ aṭṭhāsi. Ekamantaṃ ṭhitā kho sā devatā bhagavantaṃ etadavoca – “āyasmā, bhante, nando bhagavato bhātā mātucchāputto āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharatī’’ti. Bhagavatopi kho ñānaṃ udapādi – “nando āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharatī’’ti.

Atha kho āyasmā nando tassā rattiyā accayena yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmā nando bhagavantaṃ etadavoca – “yaṃ me, bhante, bhagavā pāṭibhogo pañcannaṃ accharāsātānaṃ paṭilābhāya kakuṭapādānaṃ, muñcāmaṃ, bhante, bhagavantaṃ etasmā paṭissavā’’ti. “Mayāpi kho tvaṃ, nanda [[kho te nanda \(sī. syā. pī.\)](#), [kho nanda \(ka.\)](#)], cetasā ceto paricca vidito – ‘nando āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharatī’’ti. Devatāpi me etamatthaṃ ārocesi – ‘āyasmā, bhante, nando bhagavato bhātā mātucchāputto āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharatī’’ti. Yadeva kho te, nanda, anupādāya āsavehi cittaṃ vimuttaṃ, athāhaṃ mutto etasmā paṭissavā’’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yassa nittiṇṇo paṅko,
Maddito kāmakaṇṭako;
Mohakkhayaṃ anupatto,
Sukhadukkesu na vedhatī sa bhikkhū’’ti. dutiyaṃ;

3. Yasojaṣuttam

23. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena yasojappamukhāni pañcamattāni bhikkhusatāni sāvatthiṃ anuppattāni honti bhagavantam dassanāya. Tedha kho āgantukā bhikkhū nevāsikehi bhikkhūhi saddhiṃ paṭisammodamānā senāsanāni paññāpayamānā pattacīvarāni paṭisāmayamānā uccāsaddā mahāsaddā [[uccāsaddamahāsaddā \(ka.\)](#)] ahesuṃ.

Atha kho bhagavā āyasmantaṃ ānandaṃ āmantesi – “ke panete, ānanda, uccāsaddā mahāsaddā kevaṭṭā maññe macchavilope”ti? “Etāni, bhante, yasojappamukhāni pañcamattāni bhikkhusatāni sāvatthiṃ anuppattāni bhagavantam dassanāya. Tete āgantukā bhikkhū nevāsikehi bhikkhūhi saddhiṃ paṭisammodamānā senāsanāni paññāpayamānā pattacīvarāni paṭisāmayamānā uccāsaddā mahāsaddā”ti. “Tenahānanda, mama vacanena te bhikkhū āmantehi – ‘satthā āyasmante āmanteti’”ti.

“Evaṃ, bhante”ti kho āyasmā ānando bhagavato paṭissutvā yena te bhikkhū tenupasaṅkami; upasaṅkamtivā te bhikkhū etadavoca – “satthā āyasmante āmanteti”ti. “Evamāvuso”ti kho te bhikkhū āyasmato ānandassa paṭissutvā yena bhagavā tenupasaṅkamimṃsu; upasaṅkamtivā bhagavantam abhivādetvā ekamantaṃ nisīdimṃsu. Ekamantaṃ nisinne kho te bhikkhū bhagavā etadavoca –

“Kiṃ nu tumhe, bhikkhave, uccāsaddā mahāsaddā, kevaṭṭā maññe macchavilope”ti? Evaṃ vutte, āyasmā yasojo bhagavantam etadavoca – “imāni, bhante, pañcamattāni bhikkhusatāni sāvatthiṃ anuppattāni bhagavantam dassanāya. Teme āgantukā bhikkhū nevāsikehi bhikkhūhi saddhiṃ paṭisammodamānā senāsanāni paññāpayamānā pattacīvarāni paṭisāmayamānā uccāsaddā mahāsaddā”ti. “Gacchatha, bhikkhave, paṇāmemi vo [[vo paṇāmemi \(sabbattha\) ma. ni. 2.157 passitabbam](#)]; na vo mama santike vatthabba”nti.

“Evaṃ, bhante”ti kho te bhikkhū bhagavato paṭissutvā utthāyāsanaṃ bhagavantam abhivādetvā padakkhiṇam katvā senāsanam saṃsāmetvā [[paṭisaṃsāmetvā \(syā.\)](#)] pattacīvaramādāya yena vajjī tena cārikaṃ pakkamimṃsu. Vajjisu anupubbena cārikaṃ caramānā yena vaggumudā nadī tenupasaṅkamimṃsu; upasaṅkamtivā vaggumudāya nadiyā tīre paṇṇakuṭiyo karitvā vassam upagacchimṃsu.

Atha kho āyasmā yasojo vassūpagato [[vassūpagate \(ka.\)](#)] bhikkhū āmantesi – “bhagavatā mayaṃ, āvuso, paṇāmitā atthakāmena hitesinā, anukampakena anukampaṃ upādāya. Handa mayaṃ, āvuso, tathā vihāram kappema yathā no viharataṃ bhagavā attamano assā”ti. “Evamāvuso”ti kho te bhikkhū āyasmato yasojassa paccassosuṃ. Atha kho te bhikkhū vūpakaṭṭhā appamattā ātāpino pahitattā viharantā tenevantaravassena sabbeva tisso vijjā sacchākaṃsu.

Atha kho bhagavā sāvatthiyaṃ yathābhirantaṃ viharitvā yena vesālī tena cārikaṃ pakkāmi. Anupubbena cārikaṃ caramāno yena vesālī tadavasari. Tatra sudaṃ bhagavā vesāliyaṃ viharati mahāvane kūṭāgārasālāyaṃ.

Atha kho bhagavā vaggumudātīriyaṃ bhikkhūnaṃ cetasaṃ cetō paricca manasi karitvā āyasmantaṃ ānandaṃ āmantesi – “ālokajātā viya me, ānanda, esā disā, obhāsajātā viya me, ānanda, esā disā; yassaṃ disāyaṃ [[yāyaṃ \(ka.\)](#)] vaggumudātīriyā bhikkhū viharanti. Gantaṃ appaṭikūlāsi me manasi kātuṃ. Pahiṇeyyāsi tvaṃ, ānanda, vaggumudātīriyaṃ bhikkhūnaṃ santike dūtaṃ – ‘satthā āyasmante āmanteti, satthā āyasmantānaṃ dassanakāmo’”ti.

“Evaṃ, bhante”ti kho āyasmā ānando bhagavato paṭissutvā yena aññataro bhikkhu tenupasaṅkami; upasaṅkamtivā taṃ bhikkhuṃ etadavoca – “ehi tvaṃ, āvuso, yena vaggumudātīriyā bhikkhū tenupasaṅkama; upasaṅkamtivā vaggumudātīriye bhikkhū evaṃ vadehi – ‘satthā āyasmante āmanteti, satthā āyasmantānaṃ dassanakāmo’”ti.

“Evamāvuso”ti kho so bhikkhu āyasmato ānandassa paṭissutvā – seyyathāpi nāma balavā puriso

samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva – mahāvane kūṭāgārasālāyaṃ antarahito vaggumudāya nadiyā tīre tesam bhikkhūnaṃ purato pāturaḥosi. Atha kho so bhikkhu vaggumudātīriye bhikkhū etadavoca – “satthā āyasmante āmanteti, satthā āyasmantaṇaṃ dassanakāmo”ti.

“Evamāvuso”ti kho te bhikkhū tassa bhikkhuno paṭissutvā senāsanam saṃsāmetvā pattacīvaramādāya – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva – vaggumudāya nadiyā tīre antarahitā mahāvane kūṭāgārasālāyaṃ bhagavato sammukhe pāturaḥesuṃ. Tena kho pana samayena bhagavā āneñjena samādhinā nisinno hoti. Atha kho tesam bhikkhūnaṃ etadahosi – “katamena nu kho bhagavā vihārena etarahi viharatī”ti? Atha kho tesam bhikkhūnaṃ etadahosi – “āneñjena kho bhagavā vihārena etarahi viharatī”ti. Sabbeva āneñjasamādhinā nisīdīmsu.

Atha kho āyasmā ānando abhikkantāya rattiyā, nikkhante paṭhame yāme, uṭṭhāyāsanaṃ ekamsaṃ uttarāsaṅgaṃ [cīvaram (sabbattha)] karitvā yena bhagavā tenañjalim paṇāmetvā bhagavantaṃ etadavoca – “abhikkantā, bhante, ratti; nikkhanto paṭhamo yāmo; cīranisinnā āgantukā bhikkhū; paṭisammodatu, bhante, bhagavā āgantukehi bhikkhūhī”ti. Evaṃ vutte, bhagavā tuṅhī ahoṣi.

Dutiyampi kho āyasmā ānando abhikkantāya rattiyā, nikkhante majjhime yāme, uṭṭhāyāsanaṃ ekamsaṃ uttarāsaṅgaṃ karitvā yena bhagavā tenañjalim paṇāmetvā bhagavantaṃ etadavoca – “abhikkantā, bhante, ratti; nikkhanto majjhimo yāmo; cīranisinnā āgantukā bhikkhū; paṭisammodatu, bhante, bhagavā āgantukehi bhikkhūhī”ti. Dutiyampi kho bhagavā tuṅhī ahoṣi.

Tatīyampi kho āyasmā ānando abhikkantāya rattiyā, nikkhante pacchime yāme, uddhaste aruṇe, nandimukhiyā rattiyā uṭṭhāyāsanaṃ ekamsaṃ uttarāsaṅgaṃ karitvā yena bhagavā tenañjalim paṇāmetvā bhagavantaṃ etadavoca – “abhikkantā, bhante, ratti; nikkhanto pacchimo yāmo; uddhasto aruṇo; nandimukhī ratti; cīranisinnā āgantukā bhikkhū; paṭisammodatu, bhante, bhagavā, āgantukehi bhikkhūhī”ti.

Atha kho bhagavā tamhā samādhimhā vuṭṭhahitvā āyasmantaṃ ānandaṃ āmantesi – “sace kho tvam, ānanda, jāneyyāsi ettakampi te nappaṭibhāseyya [nappaṭibheyya (?)]. Ahañca, ānanda, imāni ca pañca bhikkhusatāni sabbeva āneñjasamādhinā nisīdīmhā”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yassa jito kāmakaṇṭako,
Akkoso ca vadho ca bandhanañca;
Pabbatova [pabbato viya (sī. syā. pī.)] so ṭhito anejo,
Sukhadukkesu na vedhatī sa bhikkhū”ti. tatiyaṃ;

4. Sāriputtasuttaṃ

24. Evaṃ me suttaṃ – ekaṃ samayaṃ bhagavā sāvatthiyaṃ viharatī jetavane anāthapiṇḍikassa ārāme. Tena kho pana samayena āyasmā sāriputto bhagavato avidūre nisinno hoti pallaṅkaṃ ābhujitvā ujum kāyaṃ paṇidhāya parimukhaṃ satim upaṭṭhapetvā. Addasā kho bhagavā āyasmantaṃ sāriputtaṃ avidūre nisinnaṃ pallaṅkaṃ ābhujitvā ujum kāyaṃ paṇidhāya parimukhaṃ satim upaṭṭhapetvā.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yathāpi pabbato selo, acalo suppatiṭṭhito;
Evaṃ mohakkhayā bhikkhu, pabbatova na vedhatī”ti. catutthaṃ;

5. Mahāmogallānasuttaṃ

25. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā mahāmogallāno bhagavato avidūre nisinno hoti pallaṅkaṃ ābhujitvā ujum kāyaṃ paṇidhāya kāyagatāya satiyā ajjhattaṃ sūpaṭṭhitāya. Addasā kho bhagavā āyasmantaṃ mahāmogallānaṃ avidūre nisinnaṃ pallaṅkaṃ ābhujitvā ujum kāyaṃ paṇidhāya kāyagatāya satiyā ajjhattaṃ sūpaṭṭhitāya.

Atha kho bhagavā etamattaṃ viditvā tāyaṃ velāyaṃ imaṃ udānaṃ udānesi –

“Sati kāyagatā upaṭṭhitā,
Chasu phassāyatanesu saṃvuto;
Satataṃ bhikkhu samāhito,
Jaññā nibbānamattano”ti. pañcamamaṃ;

6. Pilindavacchasuttaṃ

26. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā pilindavaccho [pilindivaccho (sī.)] bhikkhū vasalavādena samudācarati. Atha kho sambahulā bhikkhū yena bhagavā tenupasaṅkamimṃsu; upasaṅkamitvā bhagavantaṃ abhivādetvā ekamantaṃ nisīdimṃsu. Ekamantaṃ nisinnā kho te bhikkhū bhagavantaṃ etadavocum – “āyasmā, bhante, pilindavaccho bhikkhū vasalavādena samudācaratī”ti.

Atha kho bhagavā aññataraṃ bhikkhum āmantesi – “ehi tvaṃ, bhikkhu, mama vacanena pilindavacchaṃ bhikkhum āmantehi – ‘sattā taṃ, āvuso pilindavaccha [vaccha (syā.)], āmantetī”ti. “Evaṃ, bhante”ti kho so bhikkhu bhagavato paṭissutvā yenāyasmā pilindavaccho tenupasaṅkami; upasaṅkamitvā āyasmantaṃ pilindavacchaṃ etadavoca – “sattā taṃ, āvuso pilindavaccha, āmantetī”ti.

“Evamāvuso”ti kho āyasmā pilindavaccho tassa bhikkhuno paṭissutvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ pilindavacchaṃ bhagavā etadavoca – “saccaṃ kira tvaṃ, vaccha, bhikkhū vasalavādena samudācarasī”ti? “Evaṃ, bhante”ti.

Atha kho bhagavā āyasmato pilindavacchassa pubbenivāsaṃ manasi karitvā bhikkhū āmantesi – “mā kho tumhe, bhikkhave, vacchassa bhikkhuno ujjhāyittha. Na, bhikkhave, vaccho dosantaro bhikkhū vasalavādena samudācarati. Vacchassa, bhikkhave, bhikkhuno pañca jātisatāni abbokiṇṇāni brāhmaṇakule paccājātāni. So tassa vasalavādo dīgharattaṃ samudāciṇṇo [ajjhāciṇṇo (syā. pī. ka. aṭṭhakathāyaṃ pāṭhantaṃ)]. Tenāyaṃ vaccho bhikkhū vasalavādena samudācaratī”ti.

Atha kho bhagavā etamattaṃ viditvā tāyaṃ velāyaṃ imaṃ udānaṃ udānesi –

“Yamhī na māyā vasatī na māno,
Yo vītalobho amamo nirāso;
Panuṇṇakodho [paṇunnakodho (pī.)] abhinibbutatto,
So brāhmaṇo so samaṇo sa bhikkhū”ti. chaṭṭhamaṃ;

7. Sakkudānasuttaṃ

27. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā mahākassapo pippaliguhāyaṃ viharati, sattāhaṃ ekapallaṅkena nisinno hoti aññataraṃ [nisinno aññataraṃ (syā. ka.)] samādhim samāpajjitvā. Atha kho āyasmā mahākassapo tassa

sattāhassa accayena tamhā samādhimhā vuṭṭhāsi. Atha kho āyasmato mahākassapassa tamhā samādhimhā vuṭṭhitassa etadahosi – “yaṃnūnāhaṃ rājagahaṃ piṇḍāya paviseyya”nti.

Tena kho pana samayena pañcamattāni devatāsatanī ussukkaṃ āpannāni honti āyasmato mahākassapassa piṇḍapātaṭṭhābhāya. Atha kho āyasmā mahākassapo tāni pañcamattāni devatāsatanī paṭikkhipitvā pubbaṅhasamayaṃ nivāsetvā pattacīvaramādāya rājagahaṃ piṇḍāya pāvīsi.

Tena kho pana samayena sakko devānamindo āyasmato mahākassapassa piṇḍapātaṃ dātukāmo hoti. Pesakāraṇaṃ abhinimminivā tantaṃ vināti. Sujā [sujātā (syā. pī. ka.)] asurakaññā tasaraṃ pūreti. Atha kho āyasmā mahākassapo rājagahe sapaḍānaṃ piṇḍāya caramāno yena sakkassa devānamindassa nivesanaṃ tenupasaṅkami. Addasā kho sakko devānamindo āyasmantaṃ mahākassapaṃ dūratova āgacchantaṃ. Disvāna gharā nikkhamitvā paccugantvā hatthato pattaṃ gahetvā gharaṃ pavisitvā [pavisetvā (ka.)] ghaṭṭiyā odanaṃ uddharitvā pattaṃ pūretvā āyasmato mahākassapassa adāsī. So ahosi piṇḍapāto anekasūpo anekabyañjano anekarasabyañjano [anekasūparasabyañjano (sī. pī.)]. Atha kho āyasmato mahākassapassa etadahosi – “ko nu kho ayaṃ satto yassāyaṃ evarūpo iddhānubhāvo”ti? Atha kho āyasmato mahākassapassa etadahosi – “sakko kho ayaṃ devānamindo”ti. Iti viditvā sakkaṃ devānamindaṃ etadavoca – “kataṃ kho te idaṃ, kosiya; mā [māssu (sī. syā.)] punapi evarūpamakāsī”ti. “Amhākampi, bhante kassapa, puññaena attho; amhākampi puññaena karaṇīya”nti.

Atha kho sakko devānamindo āyasmantaṃ mahākassapaṃ abhivādetvā padakkhiṇaṃ katvā vehāsaṃ abbhuggantvā ākāse antalikkhe tikkhattuṃ udānaṃ udānesi – “aho dānaṃ paramadānaṃ [paramaṃ dānaṃ (pī. ka.)] kassape suppatiṭṭhitaṃ! Aho dānaṃ paramadānaṃ kassape suppatiṭṭhitaṃ!! Aho dānaṃ paramadānaṃ kassape suppatiṭṭhita”nti!!! Assosi kho bhagavā dibbāya sotadhātuyā visuddhāya atikkantamānusikāya sakkassa devānamindassa vehāsaṃ abbhuggantvā ākāse antalikkhe tikkhattuṃ udānaṃ udānentassa – “aho dānaṃ paramadānaṃ kassape suppatiṭṭhitaṃ! Aho dānaṃ paramadānaṃ kassape suppatiṭṭhitaṃ!! Aho dānaṃ paramadānaṃ kassape suppatiṭṭhita”nti!!!

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Piṇḍapātikassa bhikkhuno,
Attabharassa anaññaṃposino;
Devā pihayanti tādino,
Upasantassa sadā satīmato”ti. sattamaṃ;

8. Piṇḍapātikasuttaṃ

28. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulānaṃ bhikkhūnaṃ pacchābhattaṃ piṇḍapātaṭṭhāntānaṃ karerimaṇḍalamāle sannisinnānaṃ sannipatitānaṃ ayamantarākathā udapādi –

“Piṇḍapātikā, āvuso, bhikkhu piṇḍāya caranto labhati kālena kālaṃ manāpīke cakkhunā rūpe passituṃ, labhati kālena kālaṃ manāpīke sotena sadde sotuṃ, labhati kālena kālaṃ manāpīke ghānena gandhe ghāyituṃ, labhati kālena kālaṃ manāpīke jivhāya rase sāyituṃ, labhati kālena kālaṃ manāpīke kāyena phoṭṭhabbe phusituṃ. Piṇḍapātikā, āvuso, bhikkhu sakkato garukato mānito pūjito apacito piṇḍāya carati. Handāvuso, mayampi piṇḍapātikā homa. Mayampi lacchāma kālena kālaṃ manāpīke cakkhunā rūpe passituṃ, mayampi lacchāma kālena kālaṃ manāpīke sotena sadde sotuṃ, mayampi lacchāma kālena kālaṃ manāpīke ghānena gandhe ghāyituṃ, mayampi lacchāma kālena kālaṃ manāpīke jivhāya rase sāyituṃ, mayampi lacchāma kālena kālaṃ manāpīke kāyena phoṭṭhabbe phusituṃ; mayampi sakkatā garukatā mānitā pūjitā apacitā piṇḍāya carissāmā”ti. Ayañcarahi tesāṃ bhikkhūnaṃ antarākathā hoti vipakātā.

Atha kho bhagavā sāyanhasamayam paṭisallānā vuṭṭhito yena karerimaṅḍalamāḷo tenupasaṅkami; upasaṅkamitvā paññatte āsane nisīdi. Nisajja kho bhagavā bhikkhū āmantesi – “kāya nuttha, bhikkhave, etarahi kathāya sannisinnā, kā ca pana vo antarākathā vippakatā”ti?

“Idha, bhante, amhākaṃ pacchābhattaṃ piṇḍapāṭapaṭikkantānaṃ karerimaṅḍalamāḷe sannisinnānaṃ sannipatitānaṃ ayamantarākathā udapādi –

‘Piṇḍapātiko, āvuso, bhikkhu piṇḍāya caranto labhati kālena kālam manāpīke cakkhunā rūpe passitum, labhati kālena kālam manāpīke sotena sadde sotum, labhati kālena kālam manāpīke ghānena gandhe ghāyitum, labhati kālena kālam manāpīke jivhāya rase sāyitum, labhati kālena kālam manāpīke kāyena phoṭṭhabbe phusitum. Piṇḍapātiko, āvuso, bhikkhu sakkato garukato mānito pūjito apacito piṇḍāya carati. Handāvuso, mayampi piṇḍapātikā homa. Mayampi lacchāma kālena kālam manāpīke cakkhunā rūpe passitum...pe... kāyena phoṭṭhabbe phusitum. Mayampi sakkatā garukatā mānitā pūjitā apacitā piṇḍāya carissāmā’ti. Ayam kho no, bhante, antarākathā vippakatā, atha bhagavā anuppatto’ti.

“Na khvetam, bhikkhave, tumhākaṃ patirūpaṃ kulaputtānaṃ saddhā agārasmā anagāriyaṃ pabbajitānaṃ yaṃ tumhe evarūpiṃ katham katheyyātha. Sannipatitānaṃ vo, bhikkhave, dvayaṃ karaṇīyaṃ – dhammī vā kathā ariyo vā tuṅhībhāvo’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Piṇḍapātikassa bhikkhuno,
Attabharassa anaññaposino;
Devā pihayanti tādino,
No ce saddasilokanissito’ti. aṭṭhamam;

9. Sippasuttaṃ

29. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulānaṃ bhikkhūnaṃ pacchābhattaṃ piṇḍapāṭapaṭikkantānaṃ maṅḍalamāḷe sannisinnānaṃ sannipatitānaṃ ayamantarākathā udapādi – “ko nu kho, āvuso, sippaṃ jānāti? Ko kiṃ sippaṃ sikkhi? Kataraṃ sippaṃ sippānaṃ agga’nti?

Tatthe kacce evamāhaṃsu – “hatthisippaṃ sippānaṃ agga’nti. Ekacce evamāhaṃsu – “assasippaṃ sippānaṃ agga’nti. Ekacce evamāhaṃsu – “rathasippaṃ sippānaṃ agga’nti. Ekacce evamāhaṃsu – “dhanusippaṃ sippānaṃ agga’nti. Ekacce evamāhaṃsu – “tharusippaṃ sippānaṃ agga’nti. Ekacce evamāhaṃsu – “muddāsippaṃ sippānaṃ agga’nti. Ekacce evamāhaṃsu – “gaṇanāsippaṃ sippānaṃ agga’nti. Ekacce evamāhaṃsu – “saṅkhānasippaṃ sippānaṃ agga’nti. Ekacce evamāhaṃsu – “lekhāsippaṃ sippānaṃ agga’nti. Ekacce evamāhaṃsu – “kāveyyasippaṃ [kābyasippaṃ (syā.)] sippānaṃ agga’nti. Ekacce evamāhaṃsu – “lokāyatasippaṃ sippānaṃ agga’nti. Ekacce evamāhaṃsu – “khattavijjāsippaṃ sippānaṃ agga’nti. Ayañcarahi tesam bhikkhūnaṃ antarākathā hoti vippakatā.

Atha kho bhagavā sāyanhasamayam paṭisallānā vuṭṭhito yena maṅḍalamāḷo tenupasaṅkami; upasaṅkamitvā paññatte āsane nisīdi. Nisajja kho bhagavā bhikkhū āmantesi – “kāya nuttha, bhikkhave, etarahi kathāya sannisinnā, kā ca pana vo antarākathā vippakatā”ti?

“Idha, bhante, amhākaṃ pacchābhattaṃ piṇḍapāṭapaṭikkantānaṃ maṅḍalamāḷe sannisinnānaṃ ayamantarākathā udapādi – “ko nu kho, āvuso, sippaṃ jānāti? Ko kiṃ sippaṃ sikkhi? Kataraṃ sippaṃ sippānaṃ agga’nti?

“Tatthe kacce evamāhaṃsu – ‘hatthisippaṃ sippānaṃ agga’nti. Ekacce evamāhaṃsu – ‘assasippaṃ sippānaṃ agga’nti; ekacce evamāhaṃsu – ‘rathasippaṃ sippānaṃ agga’nti; ekacce evamāhaṃsu – ‘dhanusippaṃ sippānaṃ agga’nti; ekacce evamāhaṃsu – ‘tharusippaṃ sippānaṃ agga’nti, ekacce evamāhaṃsu – ‘muddāsippaṃ sippānaṃ agga’nti ekacce evamāhaṃsu – ‘gaṇanāsippaṃ sippānaṃ agga’nti; ekacce evamāhaṃsu – ‘saṅkhānasippaṃ sippānaṃ agga’nti; ekacce evamāhaṃsu – ‘lekhāsippaṃ sippānaṃ agga’nti; ekacce evamāhaṃsu – ‘kāveyyasippaṃ sippānaṃ agga’nti; ekacce evamāhaṃsu – ‘lokāyatasippaṃ sippānaṃ agga’nti; ekacce evamāhaṃsu – ‘khattavijjāsippaṃ sippānaṃ agga’nti. Ayaṃ kho no, bhante, antarākathā hoti vippakatā, atha bhagavā anuppatto”ti.

“Na khvetam, bhikkhave, tumhākaṃ patirūpaṃ kulaputtānaṃ saddhā agārasmā anagāriyaṃ pabbajitānaṃ yaṃ tumhe evarūpiṃ kathaṃ katheyyātha. Sannipatitānaṃ vo, bhikkhave, dvayaṃ karaṇīyaṃ – dhammī vā kathā ariyo vā tuṅhībhāvo”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Asippajīvī lahu atthakāmo,
Yatindriyo sabbadhi vippamutto;
Anokasārī amamo nīrāso,
Hītvā mānaṃ ekacaro sa bhikkhū”ti. navamaṃ;

10. Lokasuttaṃ

30. Evaṃ me suttaṃ – ekaṃ samayaṃ bhagavā uruvelāyaṃ viharati najjā nerañjarāya tīre bodhirukkhamūle paṭhamābhisambuddho. Tena kho pana samayena bhagavā sattāhaṃ ekapallaṅkena nisinna hoti vimuttisukhapaṭisaṃvedī.

Atha kho bhagavā tassa sattāhassa accayena tamhā samādhimhā vuṭṭhahitvā buddhacakkhunā lokaṃ volokesi. Addasā kho bhagavā buddhacakkhunā volokento satte anekehi santāpehi santappamāne, anekehi ca pariḷāhehi pariḷāyhamāne – rāgajehipi, dosajehipi, mohajehipi [[mohajehipīti \(sabbattha\)](#)].

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Ayaṃ loko santāpajāto,
Phassapareto rogaṃ vadati attato;
Yena yena hi maññati [[yena hi maññati \(syā. pī.\)](#)],
Tato taṃ hoti aññathā.

“Aññathābhāvī bhavasatto loko,
Bhavapareto bhavamevābhinandati;
Yadabhinandati taṃ bhayaṃ,
Yassa bhāyati taṃ dukkhaṃ;
Bhavavippahānāya kho panidaṃ brahmacariyaṃ vussati”.

“Ye hi keci samaṇā vā brāhmaṇā vā bhavena bhavassa vippamokkhamāhaṃsu, sabbe te avippamuttā bhavasmā’ti vadāmi. ‘Ye vā pana keci samaṇā vā brāhmaṇā vā vibhavana bhavassa nissaraṇamāhaṃsu, sabbe te anissaṭā bhavasmā’ti vadāmi.

“Upadhiñhi paṭicca dukkhamidaṃ sambhoti, sabbupādānakkhayā natthi dukkhassa sambhavo. Lokamimaṃ passa; puthū avijjāya paretā bhūtā bhūtaratā aparimuttā; ye hi keci bhavā sabbadhi sabbatthatāya sabbe te bhavā aniccā dukkhā vipariṇāmadhammā”ti.

“Evametam yathābhūtam, sammappaññāya passato;
Bhavatanhā pahīyati, vibhavam nābhinandati.

“Sabbaso taṇhānaṃ khayā,
Asesavirāganirodho nibbānaṃ;
Tassa nibbutassa bhikkhuno,
Anupādā [anupādānā (sī.)] punabbhavo na hoti;
Abhibhūto māro vijitasāṅgāmo,
Upaccagā sabbabhavāni tādī’ti. dasamaṃ;

Nandavaggo tatiyo niṭṭhito.

Tassuddānaṃ –

Kammaṃ nando yasojo ca, sārīputto ca kolito;
Pilindo [pilindī (sī.)] kassapo piṇḍo, sippaṃ lokena te dasāti.

4. Meghiyavaggo

1. Meghiyasuttam

31. Evaṃ me sutam – ekaṃ samayaṃ bhagavā cālikāyaṃ viharati cālike pabbate. Tena kho pana samayena āyasmā meghiyo bhagavato upaṭṭhāko hoti. Atha kho āyasmā meghiyo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ aṭṭhāsi. Ekamantaṃ ṭhito kho āyasmā meghiyo bhagavantaṃ etadavoca – “icchāmaṃ, bhante, jantugāmaṃ piṇḍāya pavisitu’nti. “Yassadāni tvaṃ, meghiya, kālaṃ maññasī’”ti.

Atha kho āyasmā meghiyo pubbaṅhasamayaṃ nivāsetvā pattacīvaramādāya jantugāmaṃ piṇḍāya pāvīsi. Jantugāme piṇḍāya caritvā pacchābhataṃ piṇḍapātaṭṭhikanto yena kimikāḷāya nadiyā tīraṃ tenupasaṅkami. [upasaṅkamitvā (sabbattha) a. ni. 9.3 passitabbam] Addasā kho āyasmā meghiyo [upasaṅkamitvā (sabbattha) a. ni. 9.3 passitabbam] kimikāḷāya nadiyā tīre jaṅghāvihāraṃ [jaṅghāvihāraṃ (ka.)] anucaṅkamamāno anuvicaramāno [anuvicaramāno addasā kho (sī. syā. pī.), anuvicaramāno addasa (ka.)] ambavanaṃ pāsādikaṃ manuññaṃ ramaṇīyaṃ. Disvānassa etadahosi – “pāsādikaṃ vatidaṃ ambavanaṃ manuññaṃ [idaṃ padaṃ videsapotthakesu natthi, aṅguttarepi] ramaṇīyaṃ. Alaṃ vatidaṃ kulaputtassa padhānatthikassa padhānāya. Sace maṃ bhagavā anujāneyya, āgaccheyyāhaṃ imaṃ ambavanaṃ padhānāyā’”ti.

Atha kho āyasmā meghiyo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā meghiyo bhagavantaṃ etadavoca –

“Idhāhaṃ, bhante, pubbaṅhasamayaṃ nivāsetvā pattacīvaramādāya jantugāmaṃ piṇḍāya pāvīsiṃ. Jantugāme piṇḍāya caritvā pacchābhataṃ piṇḍapātaṭṭhikanto yena kimikāḷāya nadiyā tīraṃ tenupasaṅkamiṃ [upasaṅkamitvā (sabbattha)]. Addasaṃ kho ahaṃ, bhante [upasaṅkamitvā (sabbattha)], kimikāḷāya nadiyā tīre jaṅghāvihāraṃ anucaṅkamamāno anuvicaramāno [anuvicaramāno addasaṃ (sabbattha)] ambavanaṃ pāsādikaṃ manuññaṃ ramaṇīyaṃ. Disvāna me etadahosi – ‘pāsādikaṃ vatidaṃ ambavanaṃ manuññaṃ ramaṇīyaṃ. Alaṃ vatidaṃ kulaputtassa padhānatthikassa padhānāya. Sace maṃ bhagavā anujāneyya, āgaccheyyāhaṃ imaṃ ambavanaṃ padhānāyā’ti. Sace maṃ, bhante, bhagavā anujānāti [anujāneyya (a. ni. 9.3)], gaccheyyāhaṃ taṃ ambavanaṃ padhānāyā’”ti.

Evaṃ vutte, bhagavā āyasmantaṃ meghiyaṃ etadavoca – “āgamehi tāva, meghiya, ekakamhi

[ekakamhā (sī. pī.), ekakomhi (syā.)] tāva, yāva aññopi koci bhikkhu āgacchatī’ ti.

Dutiyampi kho āyasmā meghiyo bhagavantam etadavoca – ‘bhagavato, bhante, natthi kiñci uttari [uttarim (sī. syā. kam. pī.)] karaṇīyam, natthi katassa vā paticayo. Mayham kho pana, bhante, atthi uttari karaṇīyam, atthi katassa paticayo. Sace maṃ bhagavā anujānāti, gaccheyyāham taṃ ambavanam padhānāyā’ ti. Dutiyampi kho bhagavā āyasmantam meghiyaṃ etadavoca – ‘āgamehi tāva, meghiya, ekakamhi tāva, yāva aññopi koci bhikkhu āgacchatī’ ti.

Tatiyampi kho āyasmā meghiyo bhagavantam etadavoca – ‘bhagavato, bhante, natthi kiñci uttari karaṇīyam, natthi katassa vā paticayo. Mayham kho pana, bhante, atthi uttari karaṇīyam, atthi katassa paticayo. Sace maṃ bhagavā anujānāti, gaccheyyāham taṃ ambavanam padhānāyā’ ti. ‘Padhānanti kho, meghiya, vadamānam kinti vadeyyāma? Yassadāni tvaṃ, meghiya, kālam maññasi’ ti.

Atha kho āyasmā meghiyo uttāyāsanaṃ bhagavantam abhivādetvā padakkhiṇam katvā yena taṃ ambavanam tenupasaṅkami; upasaṅkamtivā taṃ ambavanam ajjhogāhetvā [ajjhogāhetvā (sī. syā. pī.)] aññatarasmiṃ rukkhamūle divāvihāraṃ nisīdi. Atha kho āyasmato meghiyaṃ tasmiṃ ambavane viharantassa yebhuyyena tayo pāpakā akusalā vitakkā samudācaranti, seyyathidaṃ – kāmavitakko, byāpādavitakko, vihiṃsāvitakko [vitakkoti (sī. pī. ka.)].

Atha kho āyasmato meghiyaṃ etadahosi – ‘acchariyam vata bho, abbhutam vata bho! Saddhāya ca vatamhā agāasmā anagāriyam pabbajitā. Atha ca panimehi tīhi pāpakehi akusalehi vitakkehi anvāsattā, seyyathidaṃ – kāmavitakkena, byāpādavitakkena, vihiṃsāvitakkena’.

Atha kho āyasmā meghiyo sāyanhasamayam paṭisallānā vuṭṭhito yena bhagavā tenupasaṅkami; upasaṅkamtivā bhagavantam abhivādetvā ekamantam nisīdi. Ekamantam nisino kho āyasmā meghiyo bhagavantam etadavoca – ‘idha mayham, bhante, tasmiṃ ambavane viharantassa yebhuyyena tayo pāpakā akusalā vitakkā samudācaranti, seyyathidaṃ – kāmavitakko, byāpādavitakko, vihiṃsāvitakko. Tassa mayham, bhante, etadahosi – ‘acchariyam vata, bho, abbhutam vata, bho! Saddhāya ca vatamhā agāasmā anagāriyam pabbajitā. Atha ca panimehi tīhi pāpakehi akusalehi vitakkehi anvāsattā, seyyathidaṃ – kāmavitakkena, byāpādavitakkena, vihiṃsāvitakkena’.

‘Aparipakkāya, meghiya, cetovimuttīyā pañca dhammā paripākāya saṃvattanti. Katame pañca?

‘Idha, meghiya, bhikkhu kalyāṇamitto hoti kalyāṇasahāyo kalyāṇasampavaṅko. Aparipakkāya, meghiya, cetovimuttīyā ayaṃ paṭhamo dhammo paripākāya saṃvattati.

‘Puna caparam, meghiya, bhikkhu sīlavā hoti, pātimokkhasaṃvarasaṃvuto viharati ācāragocarasampanno, aṇumattesu vajjesu bhayadassāvī, samādāya sikkhati sikkhāpadesu. Aparipakkāya, meghiya, cetovimuttīyā ayaṃ dutiyo dhammo paripākāya saṃvattati.

‘Puna caparam, meghiya, bhikkhu yāyam kathā abhisallekhikā cetovivaraṇasappāyā ekantanibbidāya virāgāya nirodhāya upasamāya abhiññāya sambodhāya nibbānāya saṃvattati, seyyathidaṃ – appicchakathā, santuṭṭhikathā, pavivekakathā, asaṃsaggakathā, vīriyārambhakathā, sīlakathā, samādhikathā, paññākathā, vimuttikathā, vimuttiñāṇadassanakathā; evarūpāya kathāya nikāmalābhī hoti akicchālābhī akasīrālābhī. Aparipākāya, meghiya, cetovimuttīyā ayaṃ tatiyo dhammo paripākāya saṃvattati.

‘Puna caparam, meghiya, bhikkhu āradhāvīriyo viharati, akusalānam dhammānam pahānāya, kusālānam dhammānam upasampadāya [uppādāya (syā.)], thāmaṃ vā daḷhaparakkamo anikkhittadhuro kusalesu dhammesu. Aparipakkāya, meghiya, cetovimuttīyā ayaṃ catuttho dhammo paripākāya saṃvattati.

“Puna caparam, meghiya, bhikkhu paññavā hoti udayatthagāminiyā paññāya samannāgato ariyāya nibbedhikāya sammā dukkhakkhayagāminiyā. Aparipakkāya, meghiya, cetovimuttiyā ayaṃ pañcama dhammo paripākāya saṃvattati. Aparipakkāya, meghiya, cetovimuttiyā ime pañca dhammā paripākāya saṃvattanti.

“Kalyānamittassetam, meghiya, bhikkhuno pāṭikaṅkham kalyāṇasahāyassa kalyāṇasampavaṅkassa yaṃ sīlavā bhavissati, pātimokkhasaṃvarasaṃvuto viharissati, ācāragocarasaṃpanno, aṇumattesu vajjesu bhayadassāvī, samādāya sikkhissati sikkhāpadesu.

“Kalyānamittassetam, meghiya, bhikkhuno pāṭikaṅkham kalyāṇasahāyassa kalyāṇasampavaṅkassa yaṃ yāyaṃ kathā abhisallekhikā cetovivaraṇasappāyā ekantanibbidāya virāgāya nirodhāya upasamāya abhiññāya sambodhāya nibbānāya saṃvattati, seyyathidaṃ – appicchakathā, santuṭṭhikathā, pavivekakathā, asaṃsaggakathā, vīriyārambhakathā, sīlakathā, samādhikathā, paññākathā, vimuttikathā, vimuttiñāṇadassanakathā; evarūpāya kathāya nikāmalābhī bhavissati akicchālābhī akasiralābhī.

“Kalyānamittassetam, meghiya, bhikkhuno pāṭikaṅkham kalyāṇasahāyassa kalyāṇasampavaṅkassa yaṃ āradhaviṇiyo viharissati akusalānaṃ dhammānaṃ pahānāya, kusalānaṃ dhammānaṃ upasampadāya, thāmaṃvā daḥaparakkamo anikkhattadhuro kusalesu dhammesu.

“Kalyānamittassetam, meghiya, bhikkhuno pāṭikaṅkham kalyāṇasahāyassa kalyāṇasampavaṅkassa yaṃ paññavā bhavissati, udayatthagāminiyā paññāya samannāgato ariyāya nibbedhikāya sammā dukkhakkhayagāminiyā.

“Tena ca pana, meghiya, bhikkhunā imesu pañcasu dhammesu patitṭhāya cattāro dhammā uttari bhāvetabbā – asubhā bhāvetabbā rāgassa pahānāya, mettā bhāvetabbā byāpādassa pahānāya, ānāpānassati bhāvetabbā vitakkupacchedāya, aniccaaññā bhāvetabbā asmimānasamugghātāya. Aniccaaññino hi, meghiya, anattasaññā saññhāti, anattasaññī asmimānasamugghātāya pāpuṇāti diṭṭheva dhamme nibbāna”nti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Khuddā vitakkā sukhumā vitakkā,
Anugatā [anuggatā (sī. ka. aṭṭhakathāyaṃ pāṭhantaram)] manaso uppilāvā [ubbilāpā (sī. syā. pī.)];
Ete avidvā manaso vitakke,
Hurā hurā dhāvati bhantacitto.

“Ete ca vidvā manaso vitakke,
Ātāpiyo saṃvaratī safīmā;
Anugate manaso uppilāve,
Asesamete pajahāsi buddho”ti. paṭhamam;

2. Uddhatasuttaṃ

32. Evaṃ me suttaṃ – ekaṃ samayaṃ bhagavā kusiṇārāyaṃ viharati upavattane mallānaṃ sālavane. Tena kho pana samayena sambahulā bhikkhū bhagavato avidūre araññakuṭikāyaṃ viharanti uddhatā unnaḷā capalā mukharā vikiṇṇavācā muṭṭhassatino asampajānā asamāhitā vibbhantacittā pākatindriyā.

Addasā kho bhagavā te sambahule bhikkhū avidūre araññakuṭikāyaṃ viharante uddhate unnaḷe capale mukhare vikiṇṇavāce muṭṭhassatino asampajāne asamāhite vibbhantacitte pākatindriye.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Arakkhitena kāyena [cittena (nettiyaṃ)], micchādiṭṭhihatena [micchādiṭṭhigatena (bahūsu)]
ca;
Thinamiddhā [thīnamiddhā (sī. syā. kaṃ. pī.)] bhībhūtena, vasaṃ mārasa gacchati.

“Tasmā rakkhitaṭṭhassa, sammāsaṅkappagocaro;
Sammādiṭṭhipurekkhāro, ñatvāna udayabbayaṃ;
Thīnamiddhābhībhū bhikkhu, sabbā duggatiyo jahe”ti. dutiyaṃ;

3. Gopālakasuttaṃ

33. Evaṃ me suttaṃ – ekaṃ samayaṃ bhagavā kosalesu cārikaṃ carati mahatā bhikkhusaṅghena saddhiṃ. Atha kho bhagavā maggā okkamma yena aññataraṃ rukkhamaṃ tenupasaṅkami; upasaṅkamitvā paññatte āsane nisīdi.

Atha kho aññataro gopālako yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho taṃ gopālakaṃ bhagavā dhammiyā kathāya sandassesī samādapesi [samādāpesi (?)] samuttejesī sampahaṃsesī.

Atha kho so gopālako bhagavatā dhammiyā kathāya sandassito samādapito [samādipito (?)] samuttejito sampahaṃsito bhagavantaṃ etadavoca – “adhivāsetu me, bhante, bhagavā svātanāya bhattaṃ saddhiṃ bhikkhusaṅghenā”ti. Adhivāsesī bhagavā tuṅhībhāvena. Atha kho so gopālako bhagavato adhivāsaṃ viditvā uṭṭhāyāsanaṃ bhagavantaṃ abhivādetvā padakkhiṇaṃ katvā pakkāmi.

Atha kho so gopālako tassā rattiyā accayena sake nivesane pahūtaṃ appodakapāyasaṃ [appodakapāyāsaṃ (sabbattha)] paṭiyādāpetvā navaṅca sappiṃ bhagavato kālaṃ ārocesi – “kālo, bhante, niṭṭhitaṃ bhatta”nti. Atha kho bhagavā pubbaṅhasamayaṃ nivāsetvā pattacīvaramādāya saddhiṃ bhikkhusaṅghena yena tassa gopālakassa nivesanaṃ tenupasaṅkami; upasaṅkamitvā paññatte āsane nisīdi. Atha kho so gopālako buddhappamukhaṃ bhikkhusaṅghaṃ appodakapāyasena [appodakapāyāsaṃ ca (syā. pī.)] navena ca sappinā sahatthā santappesi sampavāresi. Atha kho so gopālako bhagavantaṃ bhuttāviṃ onītapattapāṇiṃ aññataraṃ nīcaṃ āsanaṃ gahetvā ekamantaṃ nisīdi. Ekamantaṃ nisinnaṃ kho taṃ gopālakaṃ bhagavā dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanaṃ pakkāmi. Atha kho acirapakkantassa bhagavato taṃ gopālakaṃ aññataro puriso sīmantarikāya jīvitā voropesī.

Atha kho sambahulā bhikkhū yena bhagavā tenupasaṅkamissa; upasaṅkamitvā bhagavantaṃ abhivādetvā ekamantaṃ nisīdiṃsu. Ekamantaṃ nisinnā kho te bhikkhū bhagavantaṃ etadavocaṃ – “yena, bhante, gopālakena ajja buddhappamukho bhikkhusaṅgho appodakapāyasena navena ca sappinā sahatthā santappito sampavārito so kira, bhante, gopālako aññatarena purisena sīmantarikāya jīvitā voropito”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Diso disaṃ yaṃ taṃ kayirā, verī vā pana verinaṃ;
Micchāpaṇihitaṃ cittaṃ, pāpiyo naṃ tato kare”ti. tatiyaṃ;

4. Yakkhapahārasuttaṃ

34. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā ca sārīputto āyasmā ca mahāmoggallāno kapotakandarāyaṃ viharanti. Tena

kho pana samayena āyasmā sārīputto juṅhāya rattiyā navoropitehi kesehi abbhokāse nisinnō hoti aññatarāṃ samādhīṃ samāpajjitvā.

Tena kho pana samayena dve yakkhā sahāyakā uttarāya disāya dakkhiṇaṃ disaṃ gacchanti kenacideva karaṇīyena. Addasaṃsu kho te yakkhā āyasmantaṃ sārīputtaṃ juṅhāya rattiyā navoropitehi kesehi abbhokāse nisinnaṃ. Disvāna eko yakkho dutiyaṃ yakkhaṃ etadavoca – “paṭibhāti maṃ, samma, imassa samaṇassa sīse pahāraṃ dātu”nti. Evaṃ vutte, so yakkho taṃ yakkhaṃ etadavoca – “alaṃ, samma, mā samaṇaṃ āsādesi. Uḷāro so, samma, samaṇo mahiddhiko mahānubhāvo”ti.

Dutiyaṃpi kho so yakkho taṃ yakkhaṃ etadavoca – “paṭibhāti maṃ, samma, imassa samaṇassa sīse pahāraṃ dātu”nti. Dutiyaṃpi kho so yakkho taṃ yakkhaṃ etadavoca – “alaṃ, samma, mā samaṇaṃ āsādesi. Uḷāro so, samma, samaṇo mahiddhiko mahānubhāvo”ti. Tatiyaṃpi kho so yakkho taṃ yakkhaṃ etadavoca – “paṭibhāti maṃ, samma, imassa samaṇassa sīse pahāraṃ dātu”nti. Tatiyaṃpi kho so yakkho taṃ yakkhaṃ etadavoca – “alaṃ, samma, mā samaṇaṃ āsādesi. Uḷāro so, samma, samaṇo mahiddhiko mahānubhāvo”ti.

Atha kho so yakkho taṃ yakkhaṃ anādiyitvā āyasmato sārīputtattherassa sīse pahāraṃ adāsi. Tāva mahā pahāro ahoṣi, api tena pahārena sattarātanaṃ vā aḍḍhaṭṭhamarātanaṃ vā nāgaṃ osādeyya, mahantaṃ vā pabbatakūṭaṃ padāleyya. Atha ca pana so yakkho ‘ḍayhāmi ḍayhāmi’ti vatvā tattheva mahānirayaṃ apatāsi [avatthāsi (ka. sī.)].

Addasā kho āyasmā mahāmogallāno dibbena cakkhunā visuddhena atikkantaṃ mānusakena tena yakkhena āyasmato sārīputtattherassa sīse pahāraṃ dīyamānaṃ. Disvā yena āyasmā sārīputto tenupasaṅkami; upasaṅkamitvā āyasmantaṃ sārīputtaṃ etadavoca – “kacci te, āvuso, khamanīyaṃ, kacci yāpanīyaṃ, kacci na kiñci dukkha”nti? “Khamanīyaṃ me, āvuso moggallāna, yāpanīyaṃ me, āvuso moggallāna; api ca me sīsaṃ thokaṃ dukkha”nti.

“Acchariyaṃ, āvuso sārīputta, abbhutaṃ, āvuso sārīputta! Yāva [yaṃ tvam (sī. ka.), yaṃ (syā.)] mahiddhiko āyasmā sārīputto mahānubhāvo! Idha te, āvuso sārīputta, aññataro yakkho sīse pahāraṃ adāsi. Tāva mahā pahāro ahoṣi, api tena pahārena sattarātanaṃ vā aḍḍhaṭṭhamarātanaṃ vā nāgaṃ osādeyya, mahantaṃ vā pabbatakūṭaṃ padāleyya, atha ca paṇāyasmā sārīputto evamāha – ‘khamanīyaṃ me, āvuso moggallāna, yāpanīyaṃ me, āvuso moggallāna; api ca me sīsaṃ thokaṃ dukkha’”nti.

“Acchariyaṃ, āvuso moggallāna, abbhutaṃ, āvuso moggallāna! Yāva [yaṃ (syā.)] mahiddhiko āyasmā mahāmogallāno mahānubhāvo yatra hi nāma yakkhampi passissati! Mayaṃ panetarahi paṃsupisācakampi na passāmā”ti.

Assosi kho bhagavā dibbāya sotadhātuyā visuddhāya atikkantaṃ mānusikāya tesāṃ ubhinnaṃ mahānāgānaṃ imaṃ evarūpaṃ kathāsallāpaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yassa selūpamaṃ cittaṃ, ṭhitaṃ nānupakampati;
Virattaṃ rajanīyesu, kopaneyye na kuppati;
Yassevaṃ bhāvitaṃ cittaṃ, kuto taṃ dukkhamessatī”ti. catutthaṃ;

5. Nāgasuttaṃ

35. Evaṃ me suttaṃ – ekaṃ samayaṃ bhagavā kosambiyaṃ viharati ghoṣitārāme. Tena kho pana samayena bhagavā ākiṅṇo viharati bhikkhūhi bhikkhūnīhi upāsakehi upāsikāhi rājūhi rājamahāmattehi titthiyehi titthiyasāvakehi. Ākiṅṇo dukkhaṃ na phāsu viharati. Atha kho bhagavato etadahosi – “ahaṃ

kho etarahi ākiṇṇo viharāmi bhikkhūhi bhikkhūnīhi upāsakehi upāsikāhi rājūhi rājamahāmattehi titthiyehi titthiyasāvakehi. Ākiṇṇo dukkhaṃ na phāsu viharāmi. Yaṃnūnāhaṃ eko gaṇasmā vūpakaṭṭho vihareyya”nti.

Atha kho bhagavā pubbaṅhasamayam nivāsetvā pattacīvaramādāya kosambim piṇḍāya pāvīsi. Kosambiyam piṇḍāya caritvā pacchābhattam piṇḍapātapaṭikkanto sāmam senāsanam samsāmetvā pattacīvaramādāya anāmantetvā upaṭṭhākaṃ anapaloketvā bhikkhusaṅgham eko adutiyo yena pālīleyyakam tena cārikam pakkāmi. Anupubbena cārikam caramāno yena pālīleyyakam tadavasari. Tatra sudam bhagavā pālīleyyake viharati rakkhitavanasaṅḍe bhaddasālamūle.

Aññataropi kho hatthināgo ākiṇṇo viharati hatthīhi hatthinīhi hatthikalabhehi hatthicchāpehi. Chinnaggāni ceva tiṇāni khādanti, obhaggobhaggañcassa sākḥābhaṅgam khādanti, āvilāni ca pānīyāni pivati, ogāhā cassa uttiṇṇassa hatthinīyo kāyam upanighamsantiyo gacchanti. Ākiṇṇo dukkhaṃ na phāsu viharati. Atha kho tassa hatthināgassa etadahosi – “ahaṃ kho etarahi ākiṇṇo viharāmi hatthīhi hatthinīhi hatthikalabhehi hatthicchāpehi, chinnaggāni ceva tiṇāni khādāmi, obhaggobhaggañca me sākḥābhaṅgam khādanti, āvilāni ca pānīyāni pivāmi, ogāhā ca me uttiṇṇassa hatthinīyo kāyam upanighamsantiyo gacchanti, ākiṇṇo dukkhaṃ na phāsu viharāmi. Yaṃnūnāhaṃ eko gaṇasmā vūpakaṭṭho vihareyya”nti.

Atha kho so hatthināgo yūthā apakkamma yena pālīleyyakam rakkhitavanasaṅḍo bhaddasālamūlam yena bhagavā tenupasaṅkamī. Tatra sudam [upasānkamitvā tatra sudam (syā. pī. ka.)] so hatthināgo yasmiṃ padese bhagavā viharati tam padesam [appaharitañca karoti, soṇḍāya (bahūsu)] appaharitam karoti, soṇḍāya ca [appaharitañca karoti, soṇḍāya (bahūsu)] bhagavato pānīyam paribhojanīyam upaṭṭhāpeti [upaṭṭhāpeti (sī. syā. kam. pī.)].

Atha kho bhagavato rahogatassa paṭisallīnassa evam cetaso parivitakko udapādi – “ahaṃ kho pubbe ākiṇṇo vihāsim bhikkhūhi bhikkhūnīhi upāsakehi upāsikāhi rājūhi rājamahāmattehi titthiyehi titthiyasāvakehi, ākiṇṇo dukkhaṃ na phāsu vihāsim. Somhi etarahi anākiṇṇo viharāmi bhikkhūhi bhikkhūnīhi upāsakehi upāsikāhi rājūhi rājamahāmattehi titthiyehi titthiyasāvakehi, anākiṇṇo sukham phāsu viharāmi”ti.

Tassapi kho hatthināgassa evam cetaso parivitakko udapādi – “ahaṃ kho pubbe ākiṇṇo vihāsim hatthīhi hatthinīhi hatthikalabhehi hatthicchāpehi, chinnaggāni ceva tiṇāni khādiṃ, obhaggobhaggañca me sākḥābhaṅgam khādiṃsu, āvilāni ca pānīyāni apāyim, ogāhā ca me uttiṇṇassa hatthinīyo kāyam upanighamsantiyo agamamsu, ākiṇṇo dukkhaṃ na phāsu vihāsim. Somhi etarahi anākiṇṇo viharāmi hatthīhi hatthinīhi hatthikalabhehi hatthicchāpehi, acchinnaggāni ceva tiṇāni khādāmi, obhaggobhaggañca me sākḥābhaṅgam na khādanti, anāvilāni ca pānīyāni pivāmi, ogāhā ca me uttiṇṇassa hatthinīyo na kāyam upanighamsantiyo gacchanti, anākiṇṇo sukham phāsu viharāmi”ti.

Atha kho bhagavā attano ca pavivekam veditvā tassa ca hatthināgassa cetasā cetoparivitakkamaññāya tāyam velāyam imam udānam udānesi –

“Etam [evam (ka.)] nāgassa nāgena, īsādantassa hatthino;
Sameti cittam cittena, yadeko ramatī mano”ti. pañcamam;

6. Piṇḍolasuttam

36. Evam me sutam – ekam samayam bhagavā sāvatthiyam viharati jetavane anāthapiṇḍikassa ārāme. Tena kho pana samayena āyasmā piṇḍolabhāradvājo bhagavato avidūre nisinnō hoti pallaṅkam ābhujitvā ujum kāyam paṇidhāya āraññiko piṇḍapātiko paṃsukūliko tecīvariko appiccho santuṭṭho pavivitto asaṃsaṭṭho āradhāvīriyo [āraddhāvīriyo (sī. syā. kam. pī.)] dhutavādo adhicittamanuyutto.

Addasā kho bhagavā āyasmantaṃ piṇḍolabhāradvājaṃ avidūre nisinnaṃ pallaṅkaṃ ābhujitvā ujum kāyaṃ paṇidhāya āraññikaṃ piṇḍapātikaṃ paṃsukūlikaṃ tecīvarikaṃ appicchaṃ santuṭṭhaṃ pavivittaṃ asaṃsaṭṭhaṃ āraddhavīriyaṃ dhutavādaṃ adhicittamanuyuttaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Anūpavādo anūpaghāto [anupavādo anupaghāto (syā. pī. ka.)], pātimokkhe ca saṃvaro;
Mattaññutā ca bhattasmiṃ, pantañca sayanāsaṇaṃ;
Adhicitte ca āyogo, etaṃ buddhāna sāsana’’nti. chaṭṭhaṃ;

7. Sāriputtasuttaṃ

37. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā sāriputto bhagavato avidūre nisinnaṃ hoti pallaṅkaṃ ābhujitvā ujum kāyaṃ paṇidhāya appiccho santuṭṭho pavivitto asaṃsaṭṭho āraddhavīriyo adhicittamanuyutto.

Addasā kho bhagavā āyasmantaṃ sāriputtaṃ avidūre nisinnaṃ pallaṅkaṃ ābhujitvā ujum kāyaṃ paṇidhāya appicchaṃ santuṭṭhaṃ pavivittaṃ asaṃsaṭṭhaṃ āraddhavīriyaṃ adhicittamanuyuttaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Adhicetaso appamajjato,
Munino monapathesu sikkhato;
Sokā na bhavanti tādino,
Upasantassa sadā satīmato’’ti. sattaṃ;

8. Sundarīsuttaṃ

38. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā sakkato hoti garukato mānito pūjito apacito lābhī cīvarapiṇḍapātasenāsanagilānapaccayabhesajjaparikkhārānaṃ. Bhikkhusaṅghopi sakkato hoti garukato mānito pūjito apacito lābhī cīvarapiṇḍapātasenāsanagilānapaccayabhesajjaparikkhārānaṃ. Aññatitthiyā pana paribbājakā asakkatā honti agarukatā amānitā apūjitā anapacitā na lābhino cīvarapiṇḍapātasenāsanagilānapaccayabhesajjaparikkhārānaṃ.

Atha kho te aññatitthiyā paribbājakā bhagavato sakkāraṃ asahamānā bhikkhusaṅghassa ca yena sundarī paribbājikā tenupasaṅkamissa; upasaṅkamitvā sundarī paribbājikaṃ etadavocum – “ussahasi tvaṃ, bhagini, ñātīnaṃ atthaṃ kātu’’nti? “Kyāhaṃ, ayyā, karomi? Kiṃ mayā na sakkā [kiṃ mayā sakkā (syā. pī.)] kātuṃ? Jīvitampi me pariccattaṃ ñātīnaṃ atthāyā’’ti.

“Tena hi, bhagini, abhikkhaṇaṃ jetavanaṃ gacchāhi’’ti. “Evaṃ, ayyā’’ti kho sundarī paribbājikā tesam aññatitthiyānaṃ paribbājakānaṃ paṭissutvā abhikkhaṇaṃ jetavanaṃ agamāsi.

Yadā te aññissu aññatitthiyā paribbājakā – “voditṭhā kho sundarī paribbājikā bahujaṇena abhikkhaṇaṃ jetavanaṃ gacchati’’ti [gacchatīti (sī. syā. kaṃ. pī.)]. Atha naṃ jīvitā voropetvā tattheva jetavanassa parikhākūpe nikkhipitvā [nikhanitvā (sī. syā. pī.)] yena rājā pasenadi kosalo tenupasaṅkamissa; upasaṅkamitvā rājānaṃ pasenadiṃ kosalaṃ etadavocum – “yā sā, mahārāja, sundarī paribbājikā; sā no na dissati’’ti. “Kattha pana tumhe āsaṅkathā’’ti? “Jetavane, mahārājā’’ti. “Tena hi jetavanaṃ vicinathā’’ti.

Atha kho te aññatitthiyā paribbājakā jetavanaṃ vicinitvā yathānikkhittaṃ parikhākūpā uddharitvā

mañcakaṃ āropetvā sāvattthiṃ pavesetvā rathiyāya rathiyaṃ siṅghāṭakena siṅghāṭakaṃ
upasaṅkamitvā manusse ujjhāpesuṃ –

“Passathāyyā samaṇānaṃ sakyaputtiyānaṃ kammaṃ! Alajjino ime samaṇā sakyaputtiyā dussilā
pāpadhammā musāvādino abrahmacārino. Ime hi nāma dhammacārino samacārino brahmacārino
saccavādino sīlavanto kalyāṇadhammā paṭijānissanti! Natthi imesaṃ sāmaññaṃ, natthi imesaṃ
brahmaññaṃ. Naṭṭhaṃ imesaṃ sāmaññaṃ, naṭṭhaṃ imesaṃ brahmaññaṃ. Kuto imesaṃ sāmaññaṃ,
kuto imesaṃ brahmaññaṃ? Apagatā ime sāmañña, apagatā ime brahmañña. Kathañhi nāma puriso
purisakiccaṃ karitvā itthiṃ jīvitā voropessatī”ti!

Tena kho pana samayena sāvattthiyaṃ manussā bhikkhū disvā asabbhāhi pharusāhi vācāhi
akkosanti paribhāsanti rosanti vihesanti –

“Alajjino ime samaṇā sakyaputtiyā dussilā pāpadhammā musāvādino abrahmacārino. Ime hi nāma
dhammacārino samacārino brahmacārino saccavādino sīlavanto kalyāṇadhammā paṭijānissanti! Natthi
imesaṃ sāmaññaṃ, natthi imesaṃ brahmaññaṃ. Naṭṭhaṃ imesaṃ sāmaññaṃ, naṭṭhaṃ imesaṃ
brahmaññaṃ. Kuto imesaṃ sāmaññaṃ, kuto imesaṃ brahmaññaṃ? Apagatā ime sāmañña, apagatā ime
brahmañña. Kathañhi nāma puriso purisakiccaṃ karitvā itthiṃ jīvitā voropessatī”ti!

Atha kho sambahulā bhikkhū pubbaṅhasamayaṃ nivāsetvā pattacīvaramādāya sāvattthiṃ piṇḍāya
pāvīsimsu. Sāvattthiyaṃ piṇḍāya caritvā pacchābhattaṃ piṇḍapātapaṭikkantā yena bhagavā
tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdīmsu. Ekamantaṃ
nisinnā kho te bhikkhū bhagavantaṃ etadavocuṃ –

“Etarahi, bhante, sāvattthiyaṃ manussā bhikkhū disvā asabbhāhi pharusāhi vācāhi akkosanti
paribhāsanti rosanti vihesanti – ‘alajjino ime samaṇā sakyaputtiyā dussilā pāpadhammā musāvādino
abrahmacārino. Ime hi nāma dhammacārino samacārino brahmacārino saccavādino sīlavanto
kalyāṇadhammā paṭijānissanti. Natthi imesaṃ sāmaññaṃ, natthi imesaṃ brahmaññaṃ. Naṭṭhaṃ imesaṃ
sāmaññaṃ, naṭṭhaṃ imesaṃ brahmaññaṃ. Kuto imesaṃ sāmaññaṃ, kuto imesaṃ brahmaññaṃ?
Apagatā ime sāmañña, apagatā ime brahmañña. Kathañhi nāma puriso purisakiccaṃ karitvā itthiṃ jīvitā
voropessatī”ti!

“Neso, bhikkhave, saddo ciraṃ bhavissati sattāhameva bhavissati. Sattāhassa accayena
antaradhāyissati. Tena hi, bhikkhave, ye manussā bhikkhū disvā asabbhāhi pharusāhi vācāhi akkosanti
paribhāsanti rosanti vihesanti, te tumhe imāya gāthāya paṭicodetha –

“Abhūtavādī nirayaṃ upeti,
Yo vāpi [yo cāpi (sī. pī. ka.)] katvā na karomi cāha;
Ubhopi te pecca samā bhavanti,
Nihīnakammā manujā paratthā”ti.

Atha kho te bhikkhū bhagavato santike imaṃ gāthaṃ pariyāpuṇitvā ye manussā bhikkhū disvā
asabbhāhi pharusāhi vācāhi akkosanti paribhāsanti rosanti vihesanti te imāya gāthāya paṭicodenti –

“Abhūtavādī nirayaṃ upeti,
Yo vāpi katvā na karomicāha;
Ubhopi te pecca samā bhavanti,
Nihīnakammā manujā paratthā”ti.

Manussānaṃ etadahosi – “akārakā ime samaṇā sakyaputtiyā. Nayimehi kataṃ. Sapantime samaṇā
sakyaputtiyā”ti. Neva so saddo ciraṃ ahosi. Sattāhameva ahosi. Sattāhassa accayena antaradhāyi.

Atha kho sambahulā bhikkhū yena bhagavā tenupasaṅkamim̐su; upasaṅkamitvā bhagavantam̐ abhivādetvā ekamantaṃ nisīdim̐su. Ekamantaṃ nisinnā kho te bhikkhū bhagavato etadavocum̐ –

“Acchariyaṃ, bhante, abbhutaṃ, bhante! Yāva subhāsitaṃ cidaṃ bhante bhagavatā – ‘neso, bhikkhave, saddo ciraṃ bhavissati. Sattāhameva bhavissati. Sattāhassa accayena antaradhāyissati’ ti. Antarahito so, bhante, saddo’ ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Tudanti vācāya janā asaṅṅatā,
Sarehi saṅgāmagataṃva kuṅjaraṃ;
Sutvāna vākyam̐ pharusam̐ udīritaṃ,
Adhivāsaya bhikkhu aduṭṭhacitto’ ti. aṭṭhamam̐;

9. Upasenasuttaṃ

39. Evaṃ me sutam̐ – ekaṃ samayaṃ bhagavā rājagahe viharati veḷuvane kalandakanivāpe. Atha kho āyasmato upasenassa vaṅgantaputtassa rahogatassa paṭisallīnassa evaṃ cetaso parivitaṅko udapādi – “lābhā vata me, suladdham̐ vata me, satthā ca me bhagavā arahaṃ sammāsambuddho; svākkhāte camhi dhammavinaye agārasmā anagāriyam̐ pabbajito; sabrahmacārino ca me sīlavanto kalyāṇadhammā; sīlesu camhi paripūrakārī; susamāhito camhi ekaggacitto; arahā camhi khīṇāsavo; mahiddhiko camhi mahānubhāvo. Bhaddakaṃ me jīvitam̐, bhaddakaṃ maraṇa’ ti.

Atha kho bhagavā āyasmato upasenassa vaṅgantaputtassa cetasā cetoparivitaṅkamaññāya tāyaṃ velāyaṃ imaṃ udānaṃ udānesi –

“Yaṃ jīvitam̐ na tapati, maraṇante na socati;
Sa ve diṭṭhapado dhīro, sokamajjhe na socati.

“Ucchinnabhavataṇhassa, santacittassa bhikkhuno;
Vikkhīṇo jātisamsāro, natthi tassa punabbhavo’ ti. navamam̐;

10. Sāriputtaupasamasuttaṃ

40. Evaṃ me sutam̐ – ekaṃ samayaṃ bhagavā sāvatthiyam̐ viharati jetavane anāthapiṇḍikassa ārāme. Tena kho pana samayena āyasmā sāriputto bhagavato avidūre nisinnō hoti pallaṅkam̐ ābhujitvā ujum̐ kāyaṃ paṇidhāya attano upasamaṃ paccavekkhamāno.

Addasā kho bhagavā āyasmantaṃ sāriputtam̐ avidūre nisinnaṃ pallaṅkam̐ ābhujitvā ujum̐ kāyaṃ paṇidhāya attano upasamaṃ paccavekkhamānaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Upasantasantacittassa, netticchinnassa bhikkhuno;
Vikkhīṇo jātisamsāro, mutto so mārabandhanā’ ti. dasamam̐;

Meghiyavaggo catuttho niṭṭhito.

Tassuddānaṃ –

Meghiyo uddhatā gopālo, yakkho [juṇhā (sī. syā. pī.), juṇhaṃ (ka.)] nāgena pañcamam;
Piṇḍolo sārīputto ca, sundarī bhavati aṭṭhamam;
Upaseno vaṅgantaputto, sārīputto ca te dasāti.

5. Soṇavaggo [mahāvagga (aṭṭhakathāya sameti)]

1. Piyatarasuttam

41. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena rājā pasenadi kosalo mallikāya deviyā saddhiṃ uparipāsādavaragato hoti. Atha kho rājā pasenadi kosalo mallikaṃ devīyaṃ etadavoca – “atthi nu kho te, mallike, kocañño attanā piyataro”ti?

“Natthi kho me, mahārāja, kocañño attanā piyataro. Tuyhaṃ pana, mahārāja, atthañño koci attanā piyataro”ti? “Mayhampi kho, mallike, natthañño koci attanā piyataro”ti.

Atha kho rājā pasenadi kosalo pāsādā orohitvā yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Ekamantaṃ nisinna kho rājā pasenadi kosalo bhagavantam etadavoca –

“Idhāhaṃ, bhante, mallikāya deviyā saddhiṃ uparipāsādavaragato mallikaṃ devīyaṃ etadavocaṃ – ‘atthi nu kho te, mallike, kocañño attanā piyataro’ti? Evaṃ vutte, mallikā devīyaṃ etadavoca – ‘natthi kho me, mahārāja, kocañño attanā piyataro. Tuyhaṃ pana, mahārāja, atthañño koci attanā piyataro’ti? Evaṃ vutte, ahaṃ, bhante, mallikaṃ devīyaṃ etadavocaṃ – ‘mayhampi kho, mallike, natthañño koci attanā piyataro’”ti.

Atha kho bhagavā etamattham viditvā tāyaṃ velāyaṃ imaṃ udānaṃ udānesi –

“Sabbā disā anuparigamma cetasā,
Nevajjhagā piyataramattanā kvaci;
Evaṃ piyo puthu attā paresam,
Tasmā na hiṃse paramattakāmo”ti. paṭhamam;

2. Appāyukasuttam

42. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Atha kho āyasmā ānando sāyanhasamayam paṭisallānā [paṭisallānā (sī.)] vuṭṭhito yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Ekamantaṃ nisinna kho āyasmā ānando bhagavantam etadavoca – “acchariyaṃ, bhante, abbhutaṃ, bhante! Yāva appāyukā hi, bhante, bhagavato mātā ahoṣi, sattāhajāte bhagavati bhagavato mātā kalamakāsi, tusitaṃ kāyaṃ upapajjī”ti.

“Evametam, ānanda [evametam ānanda evametam ānanda (syā.)], appāyukā hi, ānanda, bodhisattamātaro honti. Sattāhajātesu bodhisattesu bodhisattamātaro kalam karonti, tusitaṃ kāyaṃ upapajjantī”ti.

Atha kho bhagavā etamattham viditvā tāyaṃ velāyaṃ imaṃ udānaṃ udānesi –

“Ye keci bhūtā bhavissanti ye vāpi,
Sabbe gamissanti pahāya deham;

Taṃ sabbajāṇiṃ kusalo veditvā,
Ātāpiyo brahmacariyaṃ careyyā’’ti. dutiyaṃ;

3. Suppabuddhakuṭṭhisuttaṃ

43. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena rājagahe suppabuddho nāma kuṭṭhī ahosi – manussadaliddo, manussakapaṇo, manussavarāko. Tena kho pana samayena bhagavā mahatīyā parisāya parivuto dhammaṃ desento nisinnō hoti.

Addasā kho suppabuddho kuṭṭhī taṃ mahājanakāyaṃ dūratova sannipatitaṃ. Disvānassa etadahosi – ‘‘nissaṃsayāṃ kho ettha kiñci khādanīyaṃ vā bhojanīyaṃ vā bhājīyati [bhājīyissati (sī.)]. Yaṃnūnāhaṃ yena so mahājanakāyo tenupasaṅkameyyaṃ. Appeva nāmettha kiñci khādanīyaṃ vā bhojanīyaṃ vā labheyya’’nti.

Atha kho suppabuddho kuṭṭhī yena so mahājanakāyo tenupasaṅkami. Addasā kho suppabuddho kuṭṭhī bhagavantaṃ mahatīyā parisāya parivutaṃ dhammaṃ desentaṃ nisinnaṃ. Disvānassa etadahosi – ‘‘na kho ettha kiñci khādanīyaṃ vā bhojanīyaṃ vā bhājīyati. Samaṇo ayaṃ gotamo parisati dhammaṃ deseti. Yaṃnūnāhampi dhammaṃ suṇeyya’’nti. Tattheva ekamantaṃ nisīdi – ‘‘ahampi dhammaṃ sossāmi’’ti.

Atha kho bhagavā sabbāvantaṃ pariyaṃ cetasā ceto paricca manasākāsi ‘‘ko nu kho idha bhabbo dhammaṃ viññātu’’nti? Addasā kho bhagavā suppabuddhaṃ kuṭṭhiṃ tassaṃ parisāyaṃ nisinnaṃ. Disvānassa etadahosi – ‘‘ayaṃ kho idha bhabbo dhammaṃ viññātu’’nti. Suppabuddhaṃ kuṭṭhiṃ ārabha ānupubbim kathaṃ [ānupubbikathaṃ (sī.), anupubbikathaṃ (syā. pī. ka.)] kathesi, seyyathidaṃ – dānakathaṃ sīlakathaṃ saggakathaṃ; kāmānaṃ ādīnavaṃ okāraṃ saṅkilesaṃ; nekkhamme [nekkhamme ca (sī. syā. pī.)] ānisaṃsaṃ pakāsesi. Yadā bhagavā aññāsi suppabuddhaṃ kuṭṭhiṃ kallacittaṃ muducittaṃ vinīvaraṇacittaṃ udaggacittaṃ pasannacittaṃ, atha yā buddhānaṃ sāmukkaṃsīkā dhammadesanā taṃ pakāsesi – dukkhaṃ, samudayaṃ, nirodhaṃ, maggaṃ. Seyyathāpi nāma suddhaṃ vatthaṃ apagatakāḷakaṃ sammadeva rajanaṃ paṭiggaṇheyya, evameva suppabuddhassa kuṭṭhissa tasmīmyeva āsane virajaṃ vītamalaṃ dhammacakkhuṃ udapādi – ‘‘yaṃ kiñci samudayadhammaṃ sabbaṃ taṃ nirodhadhamma’’nti.

Atha kho suppabuddho kuṭṭhī ditṭhadhammo pattadhammo veditadhammo pariyogāḷhadhammo tiṇṇavicikiccho vigatakathaṃkatho vesārajjappatto aparappaccayo satthu sāsane uṭṭhāyāsanaṃ yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnō kho suppabuddho kuṭṭhī bhagavantaṃ etadavoca –

‘‘Abhikkantaṃ, bhante, abhikkataṃ, bhante! Seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya, mūḷhassa vā maggaṃ ācikkheyya, andhakāre vā telapajjotaṃ dhāreyya – cakkhumanto rūpāni dakkhantīti; evamevaṃ bhagavatā anekapariyāyena dhammo pakāsito. Esāhaṃ, bhante, bhagavantaṃ saraṇaṃ gacchāmi dhammaṃca bhikkhusaṅghaṃca. Upāsakaṃ maṃ bhagavā dhāretu ajjatagge pāṇupetaṃ saraṇaṃ gata’’nti.

Atha kho suppabuddho kuṭṭhī bhagavatā dhammiyā kathāya sandassito samādapito samuttejito sampahaṃsito bhagavato bhāsitaṃ abhinanditvā anumoditvā uṭṭhāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho acirapakkantaṃ suppabuddhaṃ kuṭṭhiṃ gāvī taruṇavacchā adhipatitvā jīvītā voropesi.

Atha kho sambahulā bhikkhū yena bhagavā tenupasaṅkamīsu; upasaṅkamtivā bhagavantaṃ abhivādetvā ekamantaṃ nisīdīsu. Ekamantaṃ nisinnā kho te bhikkhū bhagavantaṃ etadavocum – ‘‘yo

so, bhante, suppbuddho nāma kuṭṭhī bhagavatā dhammiyā kathāya sandassito samādapito samuttejito sampahaṃsito, so kālaṅkato. Tassa kā gati, ko abhisamparāyo’’ti?

“Paṇḍito, bhikkhave, suppbuddho kuṭṭhī; paccapādi dhammassānudhammaṃ; na ca maṃ dhammādhikaraṇaṃ vihesesi. Suppbuddho, bhikkhave, kuṭṭhī tiṇṇaṃ saṃyojanānaṃ parikkhayā sotāpanno avinipātadhammo niyato sambodhiparāyaṇo’’ti.

Evam vutte, aññataro bhikkhu bhagavantaṃ etadavoca – “ko nu kho, bhante, hetu, ko paccayo yena suppbuddho kuṭṭhī ahosi – manussadaliddo, manussakapaṇo, manussavarāko’’ti?

“Bhūtapubbaṃ, bhikkhave, suppbuddho kuṭṭhī imasmiṃyeva rājagahe seṭṭhiputto ahosi. So uyyānabhūmiṃ niyyanto addasa tagarasikhim̐ [taggarasikhim̐ (ka.)] paccakabuddhaṃ nagaraṃ piṇḍāya pavisaṃtaṃ. Disvānassa etadahosi – ‘kvāyaṃ kuṭṭhī kuṭṭhicīvarena vicarati’’ti? Niṭṭhubhitvā apasabyato [apabyāmato (syā. saṃ. ni. 1.255)] karitvā pakkāmi. So tassa kammaṃ vipākena bahūni vassasatāni bahūni vassasahassāni bahūni vassasatasahassāni niraye paccittha. Tasseva kammaṃ vipākāvesena imasmiṃyeva rājagahe kuṭṭhī ahosi manussadaliddo, manussakapaṇo, manussavarāko. So tathāgatappaveditaṃ dhammavinayaṃ āgamma saddhaṃ samādiyi sīlaṃ samādiyi suttaṃ samādiyi cāgaṃ samādiyi paññaṃ samādiyi. So tathāgatappaveditaṃ dhammavinayaṃ āgamma saddhaṃ samādiyitvā sīlaṃ samādiyitvā suttaṃ samādiyitvā cāgaṃ samādiyitvā paññaṃ samādiyitvā kāyassa bhedaṃ paraṃ maraṇā sugatiṃ saggāṃ lokāṃ upapanno devānaṃ tāvatimsānaṃ sahaṃyataṃ. So tattha aññe deve atirocati vaṇṇena ceva yasaṃ cā’’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Cakkhumā visamānīva, vijjamāne parakkame;
Paṇḍito jīvalokasmiṃ, pāpāni parivajjaye’’ti. tatiyaṃ;

4. Kumārakasuttaṃ

44. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulā kumārakā antarā ca sāvatthim̐ antarā ca jetavanaṃ macchake bādhenti.

Atha kho bhagavā pubbaṃhasamayaṃ nivāsetvā pattacīvaramādāya sāvatthim̐ piṇḍāya pāvīsi. Addasā kho bhagavā te sambahule kumārake antarā ca sāvatthim̐ antarā ca jetavanaṃ macchake bādhente. Disvāna yena te kumārakā tenupasaṅkami; upasaṅkamitvā te kumārake etadavoca – “bhāyatha vo, tumhe kumārakā, dukkhassa, appiyaṃ vo dukkha’’nti? “Evaṃ, bhante, bhāyāma mayaṃ, bhante, dukkhassa, appiyaṃ no dukkha’’nti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Sace bhāyatha dukkhassa, sace vo dukkhamappiyaṃ;
Mākattha pāpakaṃ kammaṃ, āvi vā yadi vā raho.

“Sace ca pāpakaṃ kammaṃ, karissatha karoṭṭha vā;
Na vo dukkhā pamutyatthi, upeccapi [upaccapi (ka.), uppaccapi (?), uppatitvāpi iti attho] palāyata’’nti. catutthaṃ;

5. Uposathasuttaṃ

45. Evaṃ me suttaṃ – ekaṃ samayaṃ bhagavā sāvatthiyaṃ viharati pubbārāme migāramātupāsāde.

Tena kho pana samayena bhagavā tadahuposathe bhikkhusaṅghaparivuto nisinno hoti.

Atha kho āyasmā ānando abhikkantāya rattiyā, nikkhante paṭhame yāme, uṭṭhāyāsanaṃ ekamsaṃ uttarāsaṅgaṃ [cīvaram (sabbattha)] karitvā yena bhagavā tenañjaliṃ paṇāmetvā bhagavantaṃ etadavoca – “abhikkantā, bhante, ratti; nikkhanto paṭhamo yāmo; ciranisinno bhikkhusaṅgho; uddisatu, bhante, bhagavā bhikkhūnaṃ pātimokkha”nti. Evaṃ vutte, bhagavā tuṅhī ahoṣi.

Dutiyampi kho āyasmā ānando abhikkantāya rattiyā, nikkhante majjhime yāme, uṭṭhāyāsanaṃ ekamsaṃ uttarāsaṅgaṃ karitvā yena bhagavā tenañjaliṃ paṇāmetvā bhagavantaṃ etadavoca – “abhikkantā, bhante, ratti; nikkhanto majjhimo yāmo; ciranisinno bhikkhusaṅgho; uddisatu, bhante, bhagavā bhikkhūnaṃ pātimokkha”nti. Dutiyampi kho bhagavā tuṅhī ahoṣi.

Tatiyampi kho āyasmā ānando abhikkantāya rattiyā, nikkhante pacchime yāme, uddhaste aruṇe, nandimukhiyā rattiyā uṭṭhāyāsanaṃ ekamsaṃ uttarāsaṅgaṃ karitvā yena bhagavā tenañjaliṃ paṇāmetvā bhagavantaṃ etadavoca – “abhikkantā, bhante, ratti; nikkhanto pacchimo yāmo; uddhasto aruṇo; nandimukhī ratti; ciranisinno bhikkhusaṅgho; uddisatu, bhante, bhagavā bhikkhūnaṃ pātimokkha”nti. “Aparisuddhā, ānanda, parisā”ti.

Atha kho āyasmato mahāmoggallānassa etadahosi – “kaṃ nu kho bhagavā puggalaṃ sandhāya evamāha – ‘aparisuddhā, ānanda, parisā’ti? Atha kho āyasmā mahāmoggallāno sabbāvantaṃ bhikkhusaṅghaṃ cetasā ceto paricca manasākāsi. Addasā kho āyasmā mahāmoggallāno taṃ puggalaṃ dussīlaṃ pāpadhammaṃ asuciṃ saṅkassarasamācāraṃ paṭicchannakammantaṃ asamaṇaṃ samaṇapaṭiññaṃ abrahmacāriṃ brahmacāripaṭiññaṃ antopūtiṃ avassutaṃ kasambujātaṃ majjhe bhikkhusaṅghassa nisinnaṃ. Disvāna uṭṭhāyāsanaṃ yena so puggalo tenupasaṅkami; upasaṅkamtivā taṃ puggalaṃ etadavoca – “uṭṭhehi, āvuso, diṭṭhosi bhagavatā; natthi te bhikkhūhi saddhiṃ saṃvāso”ti. Evaṃ vutte [atha kho (sabbattha), cūḷava. 383; a. ni. 8.20 passitabbaṃ], so puggalo tuṅhī ahoṣi.

Dutiyampi kho āyasmā mahāmoggallāno taṃ puggalaṃ etadavoca – “uṭṭhehi, āvuso, diṭṭhosi bhagavatā; natthi te bhikkhūhi saddhiṃ saṃvāso”ti. Dutiyampi kho...pe... tatiyampi kho so puggalo tuṅhī ahoṣi.

Atha kho āyasmā mahāmoggallāno taṃ puggalaṃ bāhāyaṃ gahetvā bahidvārakoṭṭhakā nikkhāmetvā sūciḅhaṭikaṃ datvā yena bhagavā tenupasaṅkami; upasaṅkamtivā bhagavantaṃ etadavoca – “nikkhāmito, bhante, so puggalo mayā. Parisuddhā parisā. Uddisatu, bhante, bhagavā bhikkhūnaṃ pātimokkha”nti. “Acchariyaṃ, moggallāna, abbhutaṃ, moggallāna! Yāva bāhāgahaṇāpi nāma so moghapuriso āgamaṣṭi”ti!

Atha kho bhagavā bhikkhū āmantesi – “na dānāhaṃ, bhikkhave, ito paraṃ [na dānāhaṃ bhikkhave ajjatagge (a. ni. 8.20)] uposathaṃ karissāmi, pātimokkhaṃ uddisissāmi. Tumheva dāni, bhikkhave, ito paraṃ uposathaṃ kareyyātha, pātimokkhaṃ uddiseyyātha. Aṭṭhānametaṃ, bhikkhave, anavakāso yaṃ tathāgato aparisuddhāya parisāya uposathaṃ kareyya, pātimokkhaṃ uddiseyya.

“Aṭṭhime, bhikkhave, mahāsamudde acchariyā abbhutā dhammā, ye disvā disvā asurā mahāsamudde abhiraṃanti. Katame aṭṭha?

“Mahāsamuddo, bhikkhave, anupubbaninno anupubbapoṇo anupubbapabbhāro, na āyatakeneva papāto. Yampi [yaṃ (sī. syā. ka.)], bhikkhave, mahāsamuddo anupubbaninno anupubbapoṇo anupubbapabbhāro na āyatakeneva papāto; ayaṃ, bhikkhave, mahāsamudde paṭhamo acchariyō abbhuto dhammo, yaṃ disvā disvā asurā mahāsamudde abhiraṃanti.

“Puna caparaṃ, bhikkhave, mahāsamuddo ṭhitadhammo velaṃ nātivattati. Yampi, bhikkhave,

mahāsamuddo t̥hitadhammo velaṃ nātivattati; yaṃ, bhikkhave [ayampi (sabbattha)], mahāsamudde dutiyo acchariyo abbhuto dhammo, yaṃ disvā disvā asurā mahāsamudde abhiramanti.

“Puna caparaṃ, bhikkhave, mahāsamuddo na matena kuṇapena saṃvasati. Yaṃ hoti mahāsamudde mataṃ kuṇapaṃ taṃ khippameva [khippaññeva (sī.), khippamyeva (ka.)] tīraṃ vāheti, thalaṃ ussāreti. Yampi, bhikkhave, mahāsamuddo na matena kuṇapena saṃvasati, yaṃ hoti mahāsamudde mataṃ kuṇapaṃ taṃ khippameva tīraṃ vāheti thalaṃ ussāreti; yaṃ, bhikkhave, mahāsamudde tatiyo acchariyo abbhuto dhammo, yaṃ disvā disvā asurā mahāsamudde abhiramanti.

“Puna caparaṃ, bhikkhave, yā kāci mahānadiyo, seyyathidaṃ – gaṅgā yamunā aciravatī sarabhū mahī, tā mahāsamuddaṃ patvā [pattā (syā. pī. ka.)] jahanti purimāni nāmagottāni; ‘mahāsamuddo’ tveva saṅkhaṃ gacchanti. Yampi, bhikkhave, yā kāci mahānadiyo, seyyathidaṃ – gaṅgā yamunā aciravatī sarabhū mahī tā mahāsamuddaṃ patvā jahanti purimāni nāmagottāni, ‘mahāsamuddo’ tveva saṅkhaṃ gacchanti; yaṃ, bhikkhave, mahāsamudde catuttho acchariyo abbhuto dhammo, yaṃ disvā disvā asurā mahāsamudde abhiramanti.

“Puna caparaṃ, bhikkhave, yā ca loke savantiyo mahāsamuddaṃ appenti, yā ca antalikkhā dhārā papatanti, na tena mahāsamuddassa ūnattaṃ vā pūrattaṃ vā paññāyati. Yampi, bhikkhave, yā ca loke savantiyo mahāsamuddaṃ appenti, yā ca antalikkhā dhārā papatanti, na tena mahāsamuddassa ūnattaṃ vā pūrattaṃ vā paññāyati; yaṃ, bhikkhave, mahāsamudde pañcama acchariyo abbhuto dhammo, yaṃ disvā disvā asurā mahāsamudde abhiramanti.

“Puna caparaṃ, bhikkhave, mahāsamuddo ekaraso loṇaraso. Yampi, bhikkhave, mahāsamuddo ekaraso loṇaraso; yaṃ, bhikkhave, mahāsamudde chaṭṭho acchariyo abbhuto dhammo, yaṃ disvā disvā asurā mahāsamudde abhiramanti.

“Puna caparaṃ, bhikkhave, mahāsamuddo bahuratano anekaratano. Tatrimāni ratanāni, seyyathidaṃ – muttā maṇi veḷuriyo saṅkho silā pavāḷaṃ rajataṃ jātarūpaṃ lohitaṅgo masāragallaṃ. Yampi, bhikkhave, mahāsamuddo bahuratano anekaratano, tatrimāni ratanāni, seyyathidaṃ – muttā maṇi veḷuriyo saṅkho silā pavāḷaṃ rajataṃ jātarūpaṃ lohitaṅgo [lohitaṅko (sī. pī.), lohitaṅko (?)] masāragallaṃ; yaṃ, bhikkhave, mahāsamudde sattama acchariyo abbhuto dhammo, yaṃ disvā disvā asurā mahāsamudde abhiramanti.

“Puna caparaṃ, bhikkhave, mahāsamuddo mahataṃ bhūtānaṃ āvāso. Tatrimāni bhūtā – timi timiṅgalo timitimiṅgalo [timi timiṅgalo timirapiṅgalo (sī. pī., a. ni. 8.19)] asurā nāgā gandhabbā. Santi mahāsamudde yojanasatikāpi attabhāvā, dviyojanasatikāpi attabhāvā, tiyojanasatikāpi attabhāvā, catuyojanasatikāpi attabhāvā, pañcayojanasatikāpi attabhāvā. Yampi, bhikkhave, mahāsamuddo mahataṃ bhūtānaṃ āvāso, tatrimāni bhūtā – timi timiṅgalo timitimiṅgalo asurā nāgā gandhabbā, santi mahāsamudde yojanasatikāpi attabhāvā dviyojanasatikāpi attabhāvā...pe... pañcayojanasatikāpi attabhāvā; yaṃ, bhikkhave, mahāsamudde aṭṭhama acchariyo abbhuto dhammo, yaṃ disvā disvā asurā mahāsamudde abhiramanti. Ime kho, bhikkhave, aṭṭha mahāsamudde acchariyā abbhutā dhammā ye disvā disvā asurā mahāsamudde abhiramanti.

“Evameva kho, bhikkhave, imasmiṃ dhammavinaye aṭṭha acchariyā abbhutā dhammā, ye disvā disvā bhikkhū imasmiṃ dhammavinaye abhiramanti. Katame aṭṭha?

“Seyyathāpi, bhikkhave, mahāsamuddo anupubbaninno anupubbapoṇo anupubbapabbhāro, na āyatakeneva papāto; evameva kho, bhikkhave, imasmiṃ dhammavinaye anupubbasicchā anupubbakiriyaṃ anupubbapaṭipadā, na āyatakeneva aññāpaṭivedho. Yampi, bhikkhave, imasmiṃ dhammavinaye anupubbasicchā anupubbakiriyaṃ anupubbapaṭipadā, na āyatakeneva aññāpaṭivedho; yaṃ, bhikkhave, imasmiṃ dhammavinaye paṭhama acchariyo abbhuto dhammo, yaṃ disvā disvā

bhikkhū imasmiṃ dhammavinaye abhiramanti.

“Seyyathāpi, bhikkhave, mahāsamuddo ʘhitadhammo velaṃ nātivattati; evameva kho, bhikkhave, yaṃ mayā sāvakānaṃ sikkhāpadaṃ paññattaṃ taṃ mama sāvakā jīvitahetupi nātikkamanti. Yampi, bhikkhave, mayā sāvakānaṃ sikkhāpadaṃ paññattaṃ taṃ mama sāvakā jīvitahetupi nātikkamanti; ayam, bhikkhave, imasmiṃ dhammavinaye dutiyo acchariyo abbhuto dhammo, yaṃ disvā disvā bhikkhū imasmiṃ dhammavinaye abhiramanti.

“Seyyathāpi, bhikkhave, mahāsamuddo na matena kuṇapena saṃvasati; yaṃ hoti mahāsamudde mataṃ kuṇapaṃ taṃ khippameva tīraṃ vāheti, thalaṃ ussareti; evameva kho, bhikkhave, yo so puggalo dussīlo pāpadhammo asuci saṅkassarasamācāro paṭicchannakammanto assamaṇo samaṇapaṭiṇṇo abrahmacārī brahmacāripaṭiṇṇo antopūti avassuto kasambujāto, na tena saṅgho saṃvasati; atha kho naṃ khippameva sannipatitvā ukkhipati. Kiñcāpi so hoti majjhe bhikkhusaṅghassa nisinno, atha kho so ārakāva saṅghamhā, saṅgho ca tena. Yampi, bhikkhave, yo so puggalo dussīlo pāpadhammo asuci saṅkassarasamācāro paṭicchannakammanto assamaṇo samaṇapaṭiṇṇo abrahmacārī brahmacāripaṭiṇṇo antopūti avassuto kasambujāto, na tena saṅgho saṃvasati; khippameva naṃ sannipatitvā ukkhipati. Kiñcāpi so hoti majjhe bhikkhusaṅghassa nisinno, atha kho so ārakāva saṅghamhā, saṅgho ca tena; ayam, bhikkhave, imasmiṃ dhammavinaye tatiyo acchariyo abbhuto dhammo, yaṃ disvā disvā bhikkhū imasmiṃ dhammavinaye abhiramanti.

“Seyyathāpi, bhikkhave, yā kāci mahānadiyo, seyyathidaṃ – gaṅgā yamunā aciravatī sarabhū mahī tā mahāsamuddaṃ patvā jahanti purimāni nāmagottāni, ‘mahāsamuddo’ tveva saṅkhaṃ gacchanti; evameva kho, bhikkhave, cattāro vaṇṇā – khattiyā, brāhmaṇā, vessā, suddā te tathāgatappavedite dhammavinaye agārasmā anagāriyaṃ pabbajitvā [pabbajitā (ka. sī.)] jahanti purimāni nāmagottāni, ‘samaṇā sakyaputtīyā’ tveva saṅkhaṃ gacchanti. Yampi, bhikkhave, cattāro vaṇṇā – khattiyā, brāhmaṇā, vessā, suddā te tathāgatappavedite dhammavinaye agārasmā anagāriyaṃ pabbajitvā jahanti purimāni nāmagottāni, ‘samaṇā sakyaputtīyā’ tveva saṅkhaṃ gacchanti; ayam, bhikkhave, imasmiṃ dhammavinaye catuttho acchariyo abbhuto dhammo, yaṃ disvā disvā bhikkhū imasmiṃ dhammavinaye abhiramanti.

“Seyyathāpi, bhikkhave, yā ca loke savantiyo mahāsamuddaṃ appenti, yā ca antalikkhā dhārā papatanti, na tena mahāsamuddassa ūnattaṃ vā pūrattaṃ vā paññāyati; evameva kho, bhikkhave, bahū cepi bhikkhū anupādisesāya nibbānadhātuyā parinibbāyanti, na tena nibbānadhātuyā ūnattaṃ vā pūrattaṃ vā paññāyati. Yampi, bhikkhave, bahū cepi bhikkhū anupādisesāya nibbānadhātuyā parinibbāyanti, na tena nibbānadhātuyā ūnattaṃ vā pūrattaṃ vā paññāyati; ayam, bhikkhave, imasmiṃ dhammavinaye pañcama acchariyo abbhuto dhammo, yaṃ disvā disvā bhikkhū imasmiṃ dhammavinaye abhiramanti.

“Seyyathāpi, bhikkhave, mahāsamuddo ekaraso loṇaraso; evameva kho, bhikkhave, ayam dhammavinayo ekaraso vimuttiraso. Yampi, bhikkhave, ayam dhammavinayo ekaraso vimuttiraso; ayam, bhikkhave, imasmiṃ dhammavinaye chaṭṭho acchariyo abbhuto dhammo, yaṃ disvā disvā bhikkhū imasmiṃ dhammavinaye abhiramanti.

“Seyyathāpi, bhikkhave, mahāsamuddo bahuratano anekaratano, tatrimāni ratanāni, seyyathidaṃ – muttā maṇi veḷuriyo saṅkho silā pavāḷaṃ rajataṃ jātarūpaṃ lohitaṅgo masāragallaṃ; evameva kho, bhikkhave, ayam dhammavinayo bahuratano anekaratano; tatrimāni ratanāni, seyyathidaṃ – cattāro satipaṭṭhānā, cattāro sammappadhānā, cattāro iddhipādā, pañcindriyāni, pañca balāni, satta bojjhaṅgā, ariyo aṭṭhaṅgiko maggo. Yampi, bhikkhave, ayam dhammavinayo bahuratano anekaratano, tatrimāni ratanāni, seyyathidaṃ – cattāro satipaṭṭhānā, cattāro sammappadhānā, cattāro iddhipādā, pañcindriyāni, pañca balāni, satta bojjhaṅgā, ariyo aṭṭhaṅgiko maggo; ayam, bhikkhave, imasmiṃ dhammavinaye sattamo acchariyo abbhuto dhammo, yaṃ disvā disvā bhikkhū imasmiṃ dhammavinaye abhiramanti.

“Seyyathāpi, bhikkhave, mahāsamuddo mahataṃ bhūtānaṃ āvāso, tatrimē bhūtā – timi timiṅgalo timitimiṅgalo asurā nāgā gandhabbā, santi mahāsamudde yojanasatikāpi attabhāvā dviyojanasatikāpi attabhāvā tiyojanasatikāpi attabhāvā catuyojanasatikāpi attabhāvā pañcayojanasatikāpi attabhāvā; evameva kho, bhikkhave, ayaṃ dhammavinayo mahataṃ bhūtānaṃ āvāso; tatrimē bhūtā – sotāpanno, sotāpattiphalasacchikiriyāya paṭipanno, sakadāgāmi, sakadāgāmi phalāsacchikiriyāya paṭipanno, anāgāmi, anāgāmi phalāsacchikiriyāya paṭipanno, arahā, arahattāya paṭipanno [arahattaphalāsacchikiriyāya (sī.)]. Yampi, bhikkhave, ayaṃ dhammavinayo mahataṃ bhūtānaṃ āvāso, tatrimē bhūtā – sotāpanno, sotāpattiphalāsacchikiriyāya paṭipanno, sakadāgāmi, sakadāgāmi phalāsacchikiriyāya paṭipanno, anāgāmi, anāgāmi phalāsacchikiriyāya paṭipanno, arahā, arahattāya paṭipanno; ayaṃ, bhikkhave, imasmiṃ dhammavinaye aṭṭhamo acchāriyo abbhuto dhammo, yaṃ disvā disvā bhikkhū imasmiṃ dhammavinaye abhīramanti. Ime kho, bhikkhave, imasmiṃ dhammavinaye aṭṭha acchāriyā abbhūtā dhammā, ye disvā disvā bhikkhū imasmiṃ dhammavinaye abhīramanti”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Channamativassati, vivaṭṭaṃ nātivassati;
Tasmā channaṃ vivaretha, evaṃ taṃ nātivassati”ti. pañcamaṃ;

6. Soṇasuttaṃ

46. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā mahākaccāno avantīsu viharati kuraraghare [kururaghare (syā. mahāva. 257), kulaghare (ka.)] pavatte pabbate. Tena kho pana samayena soṇo upāsako kuṭikaṇṇo āyasmato mahākaccānassa upaṭṭhāko hoti.

Atha kho soṇassa upāsakassa kuṭikaṇṇassa rahogatassa paṭisallīnassa evaṃ cetaso parivitaṅko udapādi – “yathā yathā kho ayyo mahākaccāno dhammaṃ deseti nayidaṃ sukaraṃ agāraṃ ajjhāvasatā ekantaparipuṇṇaṃ ekantaparissuddhaṃ saṅkhalikhiṭtaṃ brahmacariyaṃ carituṃ. Yaṃnūnāhaṃ kesamassuṃ ohāretvā kāśāyāni vatthāni acchādetvā agārasmā anagāriyaṃ pabbajeyya”nti.

Atha kho soṇo upāsako kuṭikaṇṇo yenāyasmā mahākaccāno tenupasaṅkami; upasaṅkamitvā āyasmantaṃ mahākaccānaṃ abhivādetvā ekamantaṃ nisīdi. Ekamantaṃ nisīno kho soṇo upāsako kuṭikaṇṇo āyasmantaṃ mahākaccānaṃ etadavoca –

“Idha mayhaṃ, bhante, rahogatassa paṭisallīnassa evaṃ cetaso parivitaṅko udapādi – ‘yathā yathā kho ayyo mahākaccāno dhammaṃ deseti nayidaṃ sukaraṃ agāraṃ ajjhāvasatā ekantaparipuṇṇaṃ ekantaparissuddhaṃ saṅkhalikhiṭtaṃ brahmacariyaṃ carituṃ. Yaṃnūnāhaṃ kesamassuṃ ohāretvā kāśāyāni vatthāni acchādetvā agārasmā anagāriyaṃ pabbajeyya’nti. Pabbājetu maṃ, bhante, ayyo mahākaccāno”ti.

Evaṃ vutte, āyasmā mahākaccāno soṇaṃ upāsakaṃ kuṭikaṇṇaṃ etadavoca – “dukkaraṃ kho, soṇa, yāvajīvaṃ ekabhattaṃ ekaseyyaṃ brahmacariyaṃ. Ingha tvamaṃ, soṇa, tattheva āgārikabhūto samāno buddhānaṃ sāsanaṃ anuyuñja kālayuttaṃ ekabhattaṃ ekaseyyaṃ brahmacariya”nti. Atha kho soṇassa upāsakassa kuṭikaṇṇassa yo ahosi pabbajjābhisaṅkhāro so paṭipassambhi.

Dutiyaṃpi kho...pe... dutiyaṃpi kho āyasmā mahākaccāno soṇaṃ upāsakaṃ kuṭikaṇṇaṃ etadavoca – “dukkaraṃ kho, soṇa, yāvajīvaṃ ekabhattaṃ ekaseyyaṃ brahmacariyaṃ. Ingha tvamaṃ, soṇa, tattheva āgārikabhūto samāno buddhānaṃ sāsanaṃ anuyuñja kālayuttaṃ ekabhattaṃ ekaseyyaṃ brahmacariya”nti. Dutiyaṃpi kho soṇassa upāsakassa kuṭikaṇṇassa yo ahosi pabbajjābhisaṅkhāro so paṭipassambhi.

Tatīyampi kho soṇassa upāsakassa kuṭīkaṇṇassa rahogatassa paṭisallīnassa evaṃ cetaso parivitaṅko udapādi – “yathā yathā kho ayyo mahākaccāno dhammaṃ deseti nayidaṃ sukaraṃ agāraṃ ajjhāvasatā ekantaparipuṇṇaṃ ekantaparīsuddhaṃ saṅkhalikhitaṃ brahmacariyaṃ carituṃ. Yaṃnūnāhaṃ kesamassuṃ ohāretvā kāśāyāni vatthāni acchādetvā agārasmā anagāriyaṃ pabbajeyya”nti. Tatīyampi kho soṇo upāsako kuṭīkaṇṇo yenāyasmā mahākaccāno tenupasaṅkami; upasaṅkamitvā āyasmantaṃ mahākaccānaṃ abhivādetvā ekamantaṃ nisīdi. Ekamantaṃ nisinna kho soṇo upāsako kuṭīkaṇṇo āyasmantaṃ mahākaccānaṃ etadavoca –

“Idha mayhaṃ, bhante, rahogatassa paṭisallīnassa evaṃ cetaso parivitaṅko udapādi – ‘yathā yathā kho ayyo mahākaccāno dhammaṃ deseti nayidaṃ sukaraṃ agāraṃ ajjhāvasatā ekantaparipuṇṇaṃ ekantaparīsuddhaṃ saṅkhalikhitaṃ brahmacariyaṃ carituṃ. Yaṃnūnāhaṃ kesamassuṃ ohāretvā kāśāyāni vatthāni acchādetvā agārasmā anagāriyaṃ pabbajeyya’nti. Pabbājetu maṃ, bhante, ayyo mahākaccāno”ti.

Atha kho āyasmā mahākaccāno soṇaṃ upāsakaṃ kuṭīkaṇṇaṃ pabbājesi. Tena kho pana samayena avantidakkhiṇāpatho [[avanti dakkhiṇāpatho \(sī.\)](#)] appabhikkhuko hoti. Atha kho āyasmā mahākaccāno tiṇṇaṃ vassānaṃ accayena kicchena kasirena tato tato dasavaggaṃ bhikkhusaṅghaṃ sannipātetvā āyasmantaṃ soṇaṃ upasampādesi.

Atha kho āyasmato soṇassa vassaṃvuṭṭhassa [[vassaṃvuṭṭhassa \(sī. syā. kaṃ. pī.\)](#)] rahogatassa paṭisallīnassa evaṃ cetaso parivitaṅko udapādi – “na kho me so bhagavā sammukhā diṭṭho, api ca sutoyeva me so bhagavā – ‘īdiso ca īdiso cā’ti. Sace maṃ upajjhāyo anujāneyya, gaccheyyāhaṃ taṃ bhagavantaṃ dassanāya arahantaṃ sammāsambuddha”nti.

Atha kho āyasmā soṇo sāyanhasamayā paṭisallānā vuṭṭhito yenāyasmā mahākaccāno tenupasaṅkami; upasaṅkamitvā āyasmantaṃ mahākaccānaṃ abhivādetvā ekamantaṃ nisīdi. Ekamantaṃ nisinna kho āyasmā soṇo āyasmantaṃ mahākaccānaṃ etadavoca –

“Idha mayhaṃ, bhante, rahogatassa paṭisallīnassa evaṃ cetaso parivitaṅko udapādi – ‘na kho me so bhagavā sammukhā diṭṭho, api ca sutoyeva me so bhagavā – īdiso ca īdiso cā’ti. Sace maṃ upajjhāyo anujāneyya, gaccheyyāhaṃ taṃ bhagavantaṃ dassanāya arahantaṃ sammāsambuddha”nti () [[gaccheyyāhaṃ bhante taṃ bhagavantaṃ dassanāya arahantaṃ sammāsambuddhaṃ, sace maṃ upajjhāyo anujānātīti \(mahāva. 257\)](#)].

“Sādhu sādhu, soṇa; gaccha tvam, soṇa, taṃ bhagavantaṃ dassanāya arahantaṃ sammāsambuddhaṃ [[samāsambuddhanti \(sabbattha\)](#)]. Dakkhissasi tvam, soṇa, taṃ bhagavantaṃ pāsādikaṃ pasādanīyaṃ santindriyaṃ santamānasaṃ uttamadamathasamathanuppattaṃ dantaṃ guttaṃ yatindriyaṃ nāgaṃ. Disvāna mama vacanena bhagavato pāde sirasā vandāhi, appābādhaṃ appātākaṃ lahuṭṭhānaṃ balaṃ phāsuvihāraṃ [[phāsuvihāraṇca \(sī.\)](#)] puccha – ‘upajjhāyo me, bhante, āyasmā mahākaccāno bhagavato pāde sirasā vandati, appābādhaṃ appātākaṃ lahuṭṭhānaṃ balaṃ phāsuvihāraṃ [[phāsuvihāraṇca \(sī.\)](#)] pucchati”ti.

“Evaṃ, bhante”ti kho āyasmā soṇo āyasmato mahākaccānassa bhāsitaṃ abhinanditvā anumoditvā uṭṭhāyāsanā āyasmantaṃ mahākaccānaṃ abhivādetvā padakkhiṇaṃ katvā senāsaṇaṃ saṃsāmetvā pattacīvaramādāya yena sāvatthi tena cārikaṃ pakkāmi. Anupubbena cārikaṃ caramāno yena sāvatthi jetavanaṃ anāthapiṇḍikassa āraṃho, yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinna kho āyasmā soṇo bhagavantaṃ etadavoca – “upajjhāyo me, bhante, āyasmā mahākaccāno bhagavato pāde sirasā vandati, appābādhaṃ appātākaṃ lahuṭṭhānaṃ balaṃ phāsuvihāraṃ [[phāsuvihāraṇca \(sī.\)](#)] pucchati”ti.

“Kacci, bhikkhu, khamaṇīyaṃ, kacci yāpanīyaṃ, kaccisi appakilamathena addhānaṃ āgato, na ca

piṇḍakena kilantosi’’ti? ‘‘Khamanīyaṃ bhagavā, yāpanīyaṃ bhagavā, appakilamathena cāhaṃ, bhante, addhānaṃ āgato, na piṇḍakena kilantomhi’’ti.

Atha kho bhagavā āyasmantaṃ ānandaṃ āmantesi – ‘‘imassānanda, āgantukassa bhikkhuno senāsanāṃ paññāpehi’’ti. Atha kho āyasmato ānandassa etadahosi – ‘‘yassa kho maṃ bhagavā āṇāpeti – ‘imassānanda, āgantukassa bhikkhuno senāsanāṃ paññāpehi’’ti, icchati bhagavā tena bhikkhunā saddhiṃ ekavihāre vatthum, icchati bhagavā āyasmatā soṇena saddhiṃ ekavihāre vatthu’’nti. Yasmiṃ vihāre bhagavā viharati, tasmīṃ vihāre āyasmato soṇassa senāsanāṃ paññāpesi.

Atha kho bhagavā bahudeva rattim abbhokāse nisajjāya vītināmetvā pāde pakkhāletvā vihāraṃ pāvīsi. Āyasmāpi kho soṇo bahudeva rattim abbhokāse nisajjāya vītināmetvā pāde pakkhāletvā vihāraṃ pāvīsi. Atha kho bhagavā rattiya paccūsasamayaṃ paccuṭṭhāya āyasmantaṃ soṇaṃ ajjhesi – ‘‘paṭibhātu taṃ bhikkhu dhammo bhāsitu’’nti.

‘‘Evaṃ, bhante’’ti kho āyasmā soṇo bhagavato paṭissutvā soḷasa aṭṭhakavaggikāni sabbāneva sarena abhaṇi. Atha kho bhagavā āyasmato soṇassa sarabhaññapariyosāne abbhanumodi – ‘‘sādhū sādhū, bhikkhu, suggahitāni te, bhikkhu, soḷasa aṭṭhakavaggikāni sumanasikatāni sūpadhāritāni, kalyāṇiyāsi [kalyāṇiyā ca (ka.), kalyāṇiyā cāsi (?)] vācāya samannāgato vissatṭhāya anelagaḷāya atthassa viññāpaniyā. Kati vassosi tvam, bhikkhū’’ti? ‘‘Ekavasso ahaṃ bhagavā’’ti. ‘‘Kissa pana tvam, bhikkhu, evaṃ ciraṃ akāsī’’ti? ‘‘Ciraṃ diṭṭho [ciradiṭṭho (sī.)] me, bhante, kāmesu ādīnavo; api ca sambādho gharāvāso bahukicco bahukaraṇīyo’’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

‘‘Disvā ādīnavaṃ loke, ñatvā dhammaṃ nirūpadhiṃ;
Ariyo na ramatī pāpe, pāpe na ramatī sucī’’ti. chaṭṭhaṃ;

7. Kaṅkhārevatasuttaṃ

47. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā kaṅkhārevato bhagavato avidūre nisinna hoti pallaṅkaṃ ābhujitvā ujum kāyaṃ paṇidhāya attano kaṅkhāvitaraṇavisuddhiṃ paccavekkhamāno.

Addasā kho bhagavā āyasmantaṃ kaṅkhārevataṃ avidūre nisinnaṃ pallaṅkaṃ ābhujitvā ujum kāyaṃ paṇidhāya attano kaṅkhāvitaraṇavisuddhiṃ paccavekkhamānaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

‘‘Yā kāci kaṅkhā idha vā huraṃ vā,
Sakavediyā vā paravediyā vā;
Ye jhāyino tā pajahanti sabbā,
Ātāpino brahmacariyaṃ carantā’’ti. sattamaṃ;

8. Saṅghabhedasuttaṃ

48. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā ānando tadahuposathe pubbaṅhasamayaṃ nivāsetvā pattacīvaramādāya rājagahaṃ piṇḍāya pāvīsi.

Addasā kho devadatto āyasmantaṃ ānandaṃ rājagahe piṇḍāya carantaṃ. Disvāna yenāyasmā ānando tenupasaṅkami; upasaṅkamitvā āyasmantaṃ ānandaṃ etadavoca – ‘‘ajjatagge dānāhaṃ, āvuso

ānanda, aññatreva bhagavatā aññatra bhikkhusaṅghā uposathaṃ karissāmi saṅghakammāni cā’’ti.

Atha kho āyasmā ānando rājagahe piṇḍāya caritvā pacchābhattaṃ piṇḍapātapaṭikkanto yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā ānando bhagavantaṃ etadavoca –

‘‘Idhāhaṃ, bhante, pubbaṅhasamayaṃ nivāsetvā pattacīvaramādāya rājagahaṃ piṇḍāya pāvīsi. Addasā kho maṃ, bhante, devadatto rājagahe piṇḍāya carantaṃ. Disvāna yenāhaṃ tenupasaṅkami; upasaṅkamitvā maṃ etadavoca – ‘ajjatagge dānāhaṃ, āvuso ānanda, aññatreva bhagavatā aññatra bhikkhusaṅghā uposathaṃ karissāmi saṅghakammāni cā’’ti. Ajja, bhante, devadatto saṅghaṃ bhindissati, uposathañca karissati saṅghakammāni cā’’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

‘‘Sukaraṃ sādhuṇā sādhu, sādhu pāpena dukkaraṃ [sukaraṃ sādhuṇā sādhuṃ, sādhuṃ pāpena dukkaraṃ (ka.)];
Pāpaṃ pāpena sukaraṃ, pāpamariyehi dukkara’’nti. aṭṭhamāṃ;

9. Sādhāyamānasuttaṃ

49. Evaṃ me suttaṃ – ekaṃ samayaṃ bhagavā kosalesu cārikaṃ carati mahatā bhikkhusaṅghena saddhiṃ. Tena kho pana samayena sambahulā māṇavakā bhagavato avidūre sādhāyamānarūpā [saddāyamānarūpā (syā. pī. aṭṭhakathāyaṃ pāṭhantaraṃ), pathāyamānarūpā (ka.), vadhāyamānarūpā (ka. sī., ka. aṭṭha.), saddhāyamānarūpā (?), saddhudhātuyā saddhudhātuyā vā siddhamidanti veditabbaṃ] atikkamanti. Addasā kho bhagavā sambahule māṇavake avidūre sādhāyamānarūpe atikkante.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

‘‘Parimuṭṭhā paṇḍitābhāsā, vācāgocarabhāṇino;
Yāvicchanti mukhāyāmaṃ, yena nītā na taṃ vidū’’ti. navamaṃ;

10. Cūḷapanthakasuttaṃ

50. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā cūḷapanthako [cullapanthako (sī.), cūḷapanthako (pī.)] bhagavato avidūre nisinno hoti pallaṅkaṃ ābhujitvā ujum kāyaṃ paṇidhāya parimukhaṃ satim upaṭṭhapetvā.

Addasā kho bhagavā āyasmantaṃ cūḷapanthakaṃ avidūre nisinnaṃ pallaṅkaṃ ābhujitvā ujum kāyaṃ paṇidhāya parimukhaṃ satim upaṭṭhapetvā.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

‘‘Ṭhitena kāyena ṭhitena cetasā,
Tiṭṭhaṃ nisinno uda vā sayāno;
Etaṃ [evaṃ (ka.)] satim bhikkhu adhiṭṭhahāno,
Labhetha pubbāpariyaṃ visesaṃ;
Laddhāna pubbāpariyaṃ visesaṃ,
Adassanaṃ maccurājassa gacche’’ti. dasamaṃ;

Soṇavaggo [soṇatheravaggo (syā. kaṃ. ka.) mahāvaggo (aṭṭhakathāya sameti)] pañcama niṭṭhito.

Tassuddānaṃ –

Piyo appāyukā kuṭṭhī, kumārakā uposatho;
Soṇo ca revato bhedo, sadhāya panthakena cāti.

6. Jaccandhavaggo

1. Āyusaṅkhārossajjanasuttaṃ

51. Evaṃ me suttaṃ – ekaṃ samayaṃ bhagavā vesāliyaṃ viharati mahāvane kūṭāgārasālāyaṃ. Atha kho bhagavā pubbaṅhasamayaṃ nivāsetvā pattacīvaramādāya vesāliyaṃ piṇḍāya pāvīsi. Vesāliyaṃ piṇḍāya caritvā pacchābhattaṃ piṇḍapātaṭṭhikanto āyasmantaṃ ānandaṃ āmantesi – “gaṇhāhi, ānanda, nisīdanaṃ. Yena cāpālaṃ [pāvālaṃ (syā.)] cetiyaṃ tenupasaṅkamissāma divāvihārāya”ti.

“Evaṃ, bhante”ti kho āyasmā ānando bhagavato paṭissutvā nisīdanaṃ ādāya bhagavantaṃ piṭṭhito piṭṭhito anubandhi. Atha kho bhagavā yena cāpālaṃ cetiyaṃ tenupasaṅkami; upasaṅkamitvā paññatte āsane nisīdi. Nisajja kho bhagavā āyasmantaṃ ānandaṃ āmantesi –

“Ramaṇīyā, ānanda, vesālī; ramaṇīyaṃ udenaṃ cetiyaṃ; ramaṇīyaṃ gotamakaṃ cetiyaṃ; ramaṇīyaṃ sattambaṃ cetiyaṃ; ramaṇīyaṃ bahuputtaṃ cetiyaṃ; ramaṇīyaṃ sārandaṃ cetiyaṃ; ramaṇīyaṃ cāpālaṃ cetiyaṃ. Yassa kassaci, ānanda, cattāro iddhipādā bhāvitā bahulīkatā yānikatā vatthukatā anuṭṭhitā paricitā susamāradhā, so ākaṅkhamāno () [(ānanda) (ka.)] kappamā vā tiṭṭheyya kappāvesaṃ vā. Tathāgatassa kho, ānanda, cattāro iddhipādā bhāvitā bahulīkatā yānikatā vatthukatā anuṭṭhitā paricitā susamāradhā. Ākaṅkhamāno, ānanda, tathāgato kappamā vā tiṭṭheyya kappāvesaṃ vā”ti.

Evampi kho āyasmā ānando bhagavatā oḷārike nimitte kayiramāne, oḷārike obhāse kayiramāne, nāsakkhi paṭivijjhitaṃ; na bhagavantaṃ yāci – “tiṭṭhatu, bhante, bhagavā kappamā; tiṭṭhatu sugato kappamā bahujaṇahitāya bahujaṇasukhāya lokānukampāya atthāya hitāya sukhāya devamanussāna”nti, yathā taṃ mārena pariyaṭṭhitacitto. Dutiyampi kho...pe... tatiyampi kho bhagavā āyasmantaṃ ānandaṃ āmantesi –

“Ramaṇīyā, ānanda, vesālī; ramaṇīyaṃ udenaṃ cetiyaṃ; ramaṇīyaṃ gotamakaṃ cetiyaṃ; ramaṇīyaṃ sattambaṃ cetiyaṃ; ramaṇīyaṃ bahuputtaṃ cetiyaṃ; ramaṇīyaṃ sārandaṃ cetiyaṃ; ramaṇīyaṃ cāpālaṃ cetiyaṃ. Yassa kassaci, ānanda, cattāro iddhipādā bhāvitā bahulīkatā yānikatā vatthukatā anuṭṭhitā paricitā susamāradhā, so ākaṅkhamāno kappamā vā tiṭṭheyya kappāvesaṃ vā. Tathāgatassa kho, ānanda, cattāro iddhipādā bhāvitā bahulīkatā yānikatā vatthukatā anuṭṭhitā paricitā susamāradhā. Ākaṅkhamāno, ānanda, tathāgato kappamā vā tiṭṭheyya kappāvesaṃ vā”ti.

Evampi kho āyasmā ānando bhagavatā oḷārike nimitte kayiramāne, oḷārike obhāse kayiramāne, nāsakkhi paṭivijjhitaṃ; na bhagavantaṃ yāci – “tiṭṭhatu, bhante, bhagavā kappamā; tiṭṭhatu sugato kappamā bahujaṇahitāya bahujaṇasukhāya lokānukampāya atthāya hitāya sukhāya devamanussāna”nti, yathā taṃ mārena pariyaṭṭhitacitto.

Atha kho bhagavā āyasmantaṃ ānandaṃ āmantesi – “gaccha tvamā, ānanda, yassadāni kālaṃ maññasi”ti. “Evaṃ, bhante”ti kho āyasmā ānando bhagavato paṭissutvā utṭhāyāsanaṃ bhagavantaṃ abhivādetvā padakkhiṇaṃ katvā avidūre aññatarasmiṃ rukkhamūle nisīdi.

Atha kho māro pāpimā, acirapakkante āyasmante ānande, yena bhagavā tenupasaṅkami; upasaṅkamitvā ekamantaṃ aṭṭhāsi. Ekamantaṃ ʈhito kho māro pāpimā bhagavantam etadavoca –

“Parinibbātu dāni, bhante, bhagavā; parinibbātu sugato; parinibbānakālo dāni, bhante, bhagavato. Bhāsītā kho panesā, bhante, bhagavatā vācā – ‘na tāvāhaṃ, pāpima, parinibbāyissāmi yāva me bhikkhū na sāvakā bhavissanti viyattā vinītā visāradā [[visāradā pattayogakhemā \(a. ni. 8.70\)](#)], [visāradappattā yogakhemā \(sī. pī. ka.\)](#)], [visāradappattā yogakhemakāmā \(syā.\)](#)] bahussutā dhammadharā dhammānudhammappaṭipannā sāmīcippaṭipannā anudhammacārino, sakaṃ ācariyakam ugghetvā ācikkhissanti desessanti paññapessanti paṭṭhapessanti vivarissanti vibhajissanti uttānīkarissanti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desessantī’ ti. Etarahi kho pana, bhante [[santi kho pana bhante etarahi \(sī. pī. sam. ni. 5.822\)](#)] bhikkhū bhagavato sāvakā viyattā vinītā visāradā bahussutā dhammadharā dhammānudhammappaṭipannā sāmīcippaṭipannā anudhammacārino sakaṃ ācariyakam ugghetvā ācikkhanti desenti paññapenti paṭṭhapenti vivaranti vibhajanti uttānīkaronti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desenti. Parinibbātu dāni, bhante, bhagavā; parinibbātu sugato; parinibbānakālo dāni, bhante, bhagavato.

“Bhāsītā kho panesā, bhante, bhagavatā vācā – ‘na tāvāhaṃ, pāpima, parinibbāyissāmi yāva me bhikkhuniyo na sāvīkā bhavissanti viyattā vinītā visāradā bahussutā dhammadharā dhammānudhammappaṭipannā sāmīcippaṭipannā anudhammacāriniyo sakaṃ ācariyakam ugghetvā ācikkhissanti desessanti paññapessanti paṭṭhapessanti vivarissanti vibhajissanti uttānīkarissanti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desessantī’ ti. Etarahi kho pana, bhante, bhikkhuniyo bhagavato sāvīkā viyattā vinītā visāradā bahussutā dhammadharā dhammānudhammappaṭipannā sāmīcippaṭipannā anudhammacāriniyo sakaṃ ācariyakam ugghetvā ācikkhanti desenti paññapenti paṭṭhapenti vivaranti vibhajanti uttānīkaronti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desenti. Parinibbātu dāni, bhante, bhagavā; parinibbātu sugato; parinibbānakālo dāni, bhante, bhagavato.

“Bhāsītā kho panesā, bhante, bhagavatā vācā – ‘na tāvāhaṃ, pāpima, parinibbāyissāmi yāva me upāsakā na sāvīkā bhavissanti viyattā vinītā visāradā bahussutā dhammadharā dhammānudhammappaṭipannā sāmīcippaṭipannā anudhammacārino sakaṃ ācariyakam ugghetvā ācikkhissanti desessanti paññapessanti paṭṭhapessanti vivarissanti vibhajissanti uttānīkarissanti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desessantī’ ti. Etarahi kho pana, bhante, upāsakā bhagavato sāvīkā viyattā vinītā visāradā bahussutā dhammadharā dhammānudhammappaṭipannā sāmīcippaṭipannā anudhammacārino sakaṃ ācariyakam ugghetvā ācikkhanti desenti paññapenti paṭṭhapenti vivaranti vibhajanti uttānīkaronti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desenti. Parinibbātu dāni, bhante, bhagavā; parinibbātu sugato; parinibbānakālo dāni, bhante, bhagavato.

“Bhāsītā kho panesā, bhante, bhagavatā vācā – ‘na tāvāhaṃ, pāpima, parinibbāyissāmi yāva me upāsīkā na sāvīkā bhavissanti viyattā vinītā visāradā bahussutā dhammadharā dhammānudhammappaṭipannā sāmīcippaṭipannā anudhammacāriniyo sakaṃ ācariyakam ugghetvā ācikkhissanti desessanti paññapessanti paṭṭhapessanti vivarissanti vibhajissanti uttānīkarissanti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desessantī’ ti. Etarahi kho pana, bhante, upāsīkā bhagavato sāvīkā viyattā vinītā visāradā bahussutā dhammadharā dhammānudhammappaṭipannā sāmīcippaṭipannā anudhammacāriniyo sakaṃ ācariyakam ugghetvā ācikkhanti desenti paññapenti paṭṭhapenti vivaranti vibhajanti uttānīkaronti uppannaṃ parappavādam sahadhammena suniggahitaṃ niggahetvā sappāṭihāriyam dhammaṃ desenti. Parinibbātu dāni, bhante, bhagavā; parinibbātu sugato; parinibbānakālo dāni, bhante, bhagavato.

“Bhāsītā kho panesā, bhante, bhagavatā vācā – ‘na tāvāhaṃ, pāpima, parinibbāyissāmi yāva me

idaṃ brahmacariyaṃ na iddhañceva bhavissati phītañca vitthārikaṃ bāhujaññaṃ puthubhūtaṃ yāva devamanussehi suppakāsita’nti. Etarahi kho pana, bhante [tayidaṃ bhante (saṃ. ni. 5.822)], bhagavato brahmacariyaṃ iddhañceva phītañca vitthārikaṃ bāhujaññaṃ puthubhūtaṃ yāva devamanussehi suppakāsitaṃ. Parinibbātu dāni, bhante, bhagavā; parinibbātu sugato; parinibbānakālo dāni, bhante, bhagavato’’ti.

Evam vutte, bhagavā māraṃ pāpimantaṃ etadavoca – “appossukko tvaṃ, pāpima, hohi. Na ciram tathāgatassa parinibbānaṃ bhavissati. Ito tiṇṇaṃ māsānaṃ accayena tathāgato parinibbāyissati’’ti.

Atha kho bhagavā cāpāle cetiye sato sampajāno āyusañkhāraṃ ossajji. Ossatthe ca bhagavatā āyusañkhāre mahābhūmicālo ahosi bhīṃsanako lomahaṃso, devadundubhiyo [devadudrabhiyo (ka.)] ca phaliṃsu.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Tulamātulañca sambhavaṃ,
Bhavasāñkhāramavassaji muni;
Ajjhatarato samāhito,
Abhindi kavacamivattasambhava’nti. paṭhamaṃ;

2. Sattajaṭilasuttaṃ

52. Evaṃ me suttaṃ – ekaṃ samayaṃ bhagavā sāvatthiyaṃ viharati pubbārāme migāramātupāsāde. Tena kho pana samayena bhagavā sāyanhasamayaṃ paṭisallānā vuṭṭhito bahidvārakoṭṭhake nisinno hoti. Atha kho rājā pasenadi kosalo yena bhagavā tenupasañkama; upasañkamitvā bhagavantaṃ abhivādetvā ekamantaṃ nisīdi.

Tena kho pana samayena satta ca jaṭilā, satta ca nigaṇṭhā, satta ca acelakā, satta ca ekasātakā, satta ca paribbājakā, parūḷhakacchanakhalomā khārivividhamādāya [khārivividhamādāya (ka. saṃ. ni. 1.122; dī. ni. 1.280)] bhagavato avidūre atikkamanti.

Addasā kho rājā pasenadi kosalo te satta ca jaṭile, satta ca nigaṇṭhe, satta ca acelake, satta ca ekasātake, satta ca paribbājake, parūḷhakacchanakhalome khārivividhamādāya bhagavato avidūre atikkamante. Disvāna utthāyāsanā ekaṃsaṃ uttarāsaṅgaṃ karitvā dakkhiṇajāṇumaṇḍalaṃ pathaviyaṃ [paṭhaviyaṃ (sī. syā. pī.)] nihantvā yena te satta ca jaṭilā, satta ca nigaṇṭhā, satta ca acelakā, satta ca ekasātakā, satta ca paribbājakā, tenaṅjalim paṇāmetvā tikkhattuṃ nāmaṃ sāvesi – “rājāhaṃ, bhante, pasenadi kosalo; rājāhaṃ, bhante, pasenadi kosalo; rājāhaṃ, bhante, pasenadi kosalo’’ti.

Atha kho rājā pasenadi kosalo acirapakkantesu tesu sattasu ca jaṭilesu, sattasu ca nigaṇṭhesu, sattasu ca acelakesu, sattasu ca ekasātakesu, sattasu ca paribbājakesu, yena bhagavā tenupasañkama; upasañkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho rājā pasenadi kosalo bhagavantaṃ etadavoca – “ye kho [ye ca kho (sī.), ye ca te (syā.), ye nu keci kho (pī.), ye te (saṃ. ni. 1.122), ye nu kho keci (?)] bhante, loke arahanto vā arahattamaggaṃ vā samāpannā ete tesam aññatare’’ti [aññatarāti (sī. ka.), aññataroti (syā. pī.)].

“Dujjānaṃ kho etaṃ, mahārāja, tayā gihinā kāmabhoginā puttasaṃbādhasayanaṃ ajjhāvasantena kāsikacandanaṃ paccanubhontena mālāgandhavilepanaṃ dhārayantena jātārūparajataṃ sādiyantena – ime vā arahanto, ime vā arahattamaggaṃ samāpannāti.

“Saṃvāsena kho, mahārāja, sīlaṃ veditabbaṃ. Tañca kho dīghena addhunā na ittaraṃ [na ittarena (syā. sī. syā. aṭṭha.)], manasikarotā no amanasikarotā, paññavatā no duppañña. Saṃvohārena kho,

mahārāja, soceyyaṃ veditabbaṃ. Tañca kho dīghena addhunā na ittaraṃ, manasikarotā no amanasikarotā, paññavatā no duppaññena. Āpadāsu kho, mahārāja, thāmo veditabbo. So ca kho dīghena addhunā na ittaraṃ, manasikarotā no amanasikarotā, paññavatā no duppaññena. Sākacchāya kho, mahārāja, paññā veditabbā. Sā ca kho dīghena addhunā na ittaraṃ, manasikarotā no amanasikarotā, paññavatā no duppaññenā”ti.

“Acchariyaṃ, bhante, abbhutaṃ, bhante! Yāva subhāsitaṃ cidaṃ [subhāsitamidaṃ (saṃ. ni. 1.122)], bhante, bhagavatā – ‘dujjānaṃ kho etaṃ, mahārāja, tayā gihinā puttasaṃbādhasayanaṃ ajjhāvasantena kāsikacandanaṃ paccanubhontena mālāgandhavilepanaṃ dhārayantena jātarūparajataṃ sādiyantena – ime vā arahanto, ime vā arahattamaggaṃ samāpannāti. Saṃvāsena kho, mahārāja, sīlaṃ veditabbaṃ...pe... sākacchāya kho, mahārāja, paññā veditabbā. Sā ca kho dīghena addhunā na ittaraṃ, manasikarotā no amanasikarotā, paññavatā no duppaññenā”ti.

“Ete, bhante, mama purisā corā [carā (saṃ. ni. 1.122)] ocarakā janapadaṃ ocaritvā gacchanti. Tehi paṭhamaṃ ociṇṇaṃ ahaṃ pacchā osārissāmi [otarissāmi (sī. syā. pī.), oyāyissāmi (sī. syā. aṭṭha.), osāpayissāmi (saṃ. ni. 1.122)]. Idāni te, bhante, taṃ rajojallaṃ pavāhetvā sunhātā suvilittā kappitakesamassū odātavattavasanaṃ pañcāhi kāmagaṇehi samappitā samaṅgibhūtā paricāressantī” [cāriyanti (syā.)] ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Na vāyameyya sabbattha, nāññassa puriso siyā;
Nāññaṃ nissāya jīveyya, dhammena na vaṇiṃ [vāṇiṃ (sī.), vaṇī (syā. pī.), vāṇijaṃ (ka.)]
care”ti. dutiyaṃ;

3. Paccavekkhaṇasuttaṃ

53. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā attano aneke pāpake akusale dhamme pahīne paccavekkhamāno nisinna hoti, aneke ca kusale dhamme bhāvanāpāripūriṃ gate.

Atha kho bhagavā [etamatthaṃ viditvā (sī. ka.)] attano aneke pāpake akusale dhamme pahīne viditvā aneke ca kusale dhamme bhāvanāpāripūriṃ gate [etamatthaṃ viditvā (sī. ka.)] tāyaṃ velāyaṃ imaṃ udānaṃ udānesi –

“Ahu pubbe tadā nāhu, nāhu pubbe tadā ahu;
Na cāhu na ca bhavissati, na cetaṛahi vijjati”ti. tatiyaṃ;

4. Paṭhamanānātitthiyasuttaṃ

54. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulā nānātitthiyasamaṇabrāhmaṇaparibbājakā sāvatthiyaṃ paṭivasanti nānādiṭṭhikā nānākhantikā nānārucikā nānādiṭṭhinissayanissitā.

Santeke samaṇabrāhmaṇā evaṃvādino evaṃdiṭṭhino – “sassato loko, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “asassato loko, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “antavā loko, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “anantavā loko, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “taṃ jīvaṃ taṃ sarīraṃ, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “aññaṃ jīvaṃ aññaṃ sarīraṃ, idameva saccaṃ

moghamañña’nti. Santeke samaṇabrāhmaṇā evaṃvādino evaṃdiṭṭhino – “hoti tathāgato paraṃ maraṇā, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “na hoti tathāgato paraṃ maraṇā, idameva saccam moghamañña’nti. Santeke samaṇabrāhmaṇā evaṃvādino evaṃdiṭṭhino – “hoti ca na ca hoti tathāgato paraṃ maraṇā, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “neva hoti na na hoti tathāgato paraṃ maraṇā, idameva saccam moghamañña’nti.

Te bhaṇḍanajātā kalahajātā vivādāpannā aññamaññaṃ mukhasattīhi vitudantā viharanti – “edisō dhammo, nedisō dhammo; nedisō dhammo, edisō dhammo”’ti.

Atha kho sambahulā bhikkhū pubbaṇhasamayaṃ nivāsetvā pattacīvaramādāya sāvattim piṇḍāya pāvimsu. Sāvattiyam piṇḍāya caritvā pacchābhattaṃ piṇḍapātaṭṭhikantā yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdimsu. Ekamantaṃ nisinnā kho te bhikkhū bhagavantaṃ etadavocum –

“Idha, bhante, sambahulā nānātitthiyasamaṇabrāhmaṇaparibbājakā sāvattiyam paṭivasanti nānādiṭṭhikā nānākantikā nānārucikā nānādiṭṭhinissayanissitā.

“Santeke samaṇabrāhmaṇā evaṃvādino evaṃdiṭṭhino – ‘sassato loko, idameva saccam moghamañña’nti...pe... te bhaṇḍanajātā kalahajātā vivādāpannā aññamaññaṃ mukhasattīhi vitudantā viharanti – ‘edisō dhammo, nedisō dhammo; nedisō dhammo, edisō dhammo’”’ti.

“Aññatitthiyā, bhikkhave, paribbājakā andhā acakkhukā; atthaṃ na jānanti, anattaṃ na jānanti, dhammaṃ na jānanti, adhammaṃ na jānanti. Te atthaṃ ajānantā anattaṃ ajānantā dhammaṃ ajānantā adhammaṃ ajānantā bhaṇḍanajātā kalahajātā vivādāpannā aññamaññaṃ mukhasattīhi vitudantā viharanti – ‘edisō dhammo, nedisō dhammo; nedisō dhammo, edisō dhammo’”’ti.

“Bhūtapubbaṃ, bhikkhave, imissāyeva sāvattiyā aññataro rājā ahoṣi. Atha kho, bhikkhave, so rājā aññataram purisaṃ āmantesi – ‘ehi tvam, ambho purisa, yāvatakā sāvattiyā jaccandhā te sabbe ekajjhaṃ sannipātehi’ti. ‘Evaṃ, devā’ti kho, bhikkhave, so puriso tassa rañño paṭissutvā yāvatakā sāvattiyā jaccandhā te sabbe gahetvā yena so rājā tenupasaṅkami; upasaṅkamitvā taṃ rājānaṃ etadavoca – ‘sannipātītā kho te, deva, yāvatakā sāvattiyā jaccandhā’ti. ‘Tena hi, bhāṇe, jaccandhānaṃ hatthim dassēhi’ti. ‘Evaṃ, devā’ti kho, bhikkhave, so puriso tassa rañño paṭissutvā jaccandhānaṃ hatthim dassesi.

“Ekaccānaṃ jaccandhānaṃ hatthissa sīsaṃ dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa kaṇṇaṃ dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa dantaṃ dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa soṇḍaṃ dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa kāyaṃ dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa pādaṃ dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa satthim [piṭṭhim (syā.)] dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa naṅguṭṭhaṃ dassesi – ‘edisō, jaccandhā, hatthī’ti. Ekaccānaṃ jaccandhānaṃ hatthissa vāladhiṃ dassesi – ‘edisō, jaccandhā, hatthī’”’ti.

“Atha kho, bhikkhave, so puriso jaccandhānaṃ hatthim dassetvā yena so rājā tenupasaṅkami; upasaṅkamitvā taṃ rājānaṃ etadavoca – ‘diṭṭho kho tehi, deva, jaccandhehi hatthī; yassa dāni kālaṃ maññasī’ti.

“Atha kho, bhikkhave, so rājā yena te jaccandhā tenupasaṅkami; upasaṅkamitvā te jaccandhe etadavoca – ‘diṭṭho vo, jaccandhā, hatthī’ti? ‘Evaṃ, deva, diṭṭho no hatthī’ti. ‘Vadetha, jaccandhā, kīdiso hatthī’ti?

“Yehi, bhikkhave, jaccandhehi hatthissa sīsam diṭṭhaṃ ahosi, te evamāhaṃsu – ‘edisō, deva, hatthī seyyathāpi kumbho’ti.

“Yehi, bhikkhave, jaccandhehi hatthissa kaṇṇo diṭṭho ahosi, te evamāhaṃsu – ‘edisō, deva, hatthī seyyathāpi suppo’ti.

“Yehi, bhikkhave, jaccandhehi hatthissa danto diṭṭho ahosi, te evamāhaṃsu – ‘edisō, deva, hatthī seyyathāpi khīlo’ti.

“Yehi, bhikkhave, jaccandhehi hatthissa soṇḍo diṭṭho ahosi, te evamāhaṃsu – ‘edisō, deva, hatthī seyyathāpi naṅgalīsā’ti.

“Yehi, bhikkhave, jaccandhehi hatthissa kāyo diṭṭho ahosi, te evamāhaṃsu – ‘edisō, deva, hatthī seyyathāpi koṭṭho’ti.

“Yehi, bhikkhave, jaccandhehi hatthissa pādo diṭṭho ahosi, te evamāhaṃsu – ‘edisō, deva, hatthī seyyathāpi thūṇo’ti.

“Yehi, bhikkhave, jaccandhehi hatthissa satthi diṭṭho [piṭṭhi diṭṭā (ka. sī. syā. pī.), satthi diṭṭhā (ka. sī.)] hosi, te evamāhaṃsu – ‘edisō, deva, hatthī seyyathāpi udukkhalo’ti.

“Yehi, bhikkhave, jaccandhehi hatthissa naṅguṭṭhaṃ diṭṭhaṃ ahosi, te evamāhaṃsu – ‘edisō, deva, hatthī seyyathāpi musalo’ti.

“Yehi, bhikkhave, jaccandhehi hatthissa vāladhi diṭṭho ahosi, te evamāhaṃsu – ‘edisō, deva, hatthī seyyathāpi sammajjanī’ti.

“Te ‘edisō hatthī, nediso hatthī; nediso hatthī, ediso hatthī’”ti aññamaññaṃ muṭṭhīhi saṃsumbhiṃsu [saṃyujjhiṃsu (ka. sī., syā. pī.)]. Tena ca pana, bhikkhave, so rājā attamano ahosi.

“Evameva kho, bhikkhave, aññatitthiyā paribbājakā andhā acakkhukā. Te atthaṃ na jānanti anattaṃ na jānanti, dhammaṃ na jānanti adhammaṃ na jānanti. Te atthaṃ ajānantā anattaṃ ajānantā, dhammaṃ ajānantā adhammaṃ ajānantā bhaṇḍanaajātā kalahajātā vivādāpannā aññamaññaṃ mukhasattīhi vitudantā viharanti – ‘edisō dhammo, nediso dhammo; nediso dhammo, ediso dhammo’”ti.

Atha kho bhagavā etamattaṃ viditvā tāyaṃ velāyaṃ imaṃ udānaṃ udānesi –

“Imesu kira sajjanti, eke samaṇabrāhmaṇā;
Viggayha naṃ vivadanti, janā ekaṅgadassino”ti. catutthaṃ;

5. Dutīyanānātitthiyasuttaṃ

55. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sambahulā nānātitthiyasamaṇabrāhmaṇaparibbājakā sāvatthiyaṃ paṭivasanti nānādiṭṭhikā nānākhantikā nānārucikā nānādiṭṭhinissayanissitā.

Santeke samaṇabrāhmaṇā evaṃvādino evaṃdiṭṭhino – “sassato attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “asassato attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sassato ca

asassato ca [sassato asassato (sī.)] attā ca loko ca, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “neva sassato nāsassato attā ca loko ca, idameva saccam moghamañña’nti. Santeke samaṇabrāhmaṇā evaṃvādino evaṃdiṭṭhino – “sayamkato attā ca loko ca, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “paramkato attā ca loko ca, idameva saccam moghamañña’nti. Santeke samaṇabrāhmaṇā evaṃvādino evaṃdiṭṭhino – “asayamkāro aparāmkāro [asayamkāro ca aparāmkāro ca (syā. pī.)] adhiccasamuppanno attā ca loko ca, idameva saccam moghamañña’nti. Santeke samaṇabrāhmaṇā evaṃvādino evaṃdiṭṭhino – “sassatam sukhadukkham attā ca loko ca, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “asassatam sukhadukkham attā ca loko ca, idameva saccam moghamañña’nti. Santeke samaṇabrāhmaṇā evaṃvādino evaṃdiṭṭhino – “sassatañca asassatañca [sassatam asassatam (sī.)] sukhadukkham attā ca loko ca, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “neva sassatam nāsassatam sukhadukkham attā ca loko ca, idameva saccam moghamañña’nti. Santeke samaṇabrāhmaṇā evaṃvādino evaṃdiṭṭhino – “sayamkatam sukhadukkham attā ca loko ca, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “paramkatam sukhadukkham attā ca loko ca, idameva saccam moghamañña’nti. Santeke samaṇabrāhmaṇā evaṃvādino evaṃdiṭṭhino – “sayamkatañca paramkatañca [sayamkatam paramkatam (sī.)] sukhadukkham attā ca loko ca, idameva saccam moghamañña’nti. Santi paneke samaṇabrāhmaṇā evaṃvādino evaṃdiṭṭhino – “asayamkāram aparāmkāram adhiccasamuppannam sukhadukkham attā ca loko ca, idameva saccam moghamañña’nti.

Te bhaṇḍanaajātā kalahajātā vivādāpannā aññamaññaṃ mukhasattīhi vitudantā viharanti – “edisso dhammo, nediso dhammo; nediso dhammo, ediso dhammo”’ti.

Atha kho sambahulā bhikkhū pubbaṇhasamayaṃ nivāsetvā pattacīvaramādāya sāvattim piṇḍāya pāvisimsu. Sāvattiyam piṇḍāya caritvā pacchābhattam piṇḍapātaṭikkantā yena bhagavā tenupasaṅkamimsu; upasaṅkamitvā bhagavantam abhivādetvā ekamantaṃ nisīdimsu. Ekamantaṃ nisinnā kho te bhikkhū bhagavantaṃ etadavocum –

“Idha, bhante, sambahulā nānātitthiyasamaṇabrāhmaṇaparibbājakā sāvattiyam paṭivasanti nānādiṭṭhikā nānākantikā nānārucikā nānādiṭṭhinissayanissitā.

“Santeke samaṇabrāhmaṇā evaṃvādino evaṃdiṭṭhino – ‘sassato attā ca loko ca, idameva saccam moghamañña’nti...pe... te bhaṇḍanaajātā kalahajātā vivādāpannā aññamaññaṃ mukhasattīhi vitudantā viharanti – ‘edisso dhammo, nediso dhammo; nediso dhammo, ediso dhammo’”’ti.

“Aññatitthiyā, bhikkhave, paribbājakā andhā acakkhukā; attham na jānanti anattam na jānanti, dhammam na jānanti adhammam na jānanti. Te attham ajānantā anattam ajānantā, dhammam ajānantā adhammam ajānantā bhaṇḍanaajātā kalahajātā vivādāpannā aññamaññaṃ mukhasattīhi vitudantā viharanti – ‘edisso dhammo, nediso dhammo; nediso dhammo, ediso dhammo’”’ti.

Atha kho bhagavā etamattham viditvā tāyaṃ velāyaṃ imaṃ udānaṃ udānesi –

“Imesu kira sajjanti, eke samaṇabrāhmaṇā;
Antarāva visīdanti, appatvāva tamogadha”’nti. pañcamaṃ;

6. Tatiyanānātitthiyasuttam

56. Evaṃ me sutam – ekaṃ samayaṃ bhagavā sāvattiyam viharati jetavane anāthapiṇḍikassa ārāme. Tena kho pana samayena sambahulā nānātitthiyasamaṇabrāhmaṇaparibbājakā sāvattiyam

paṭivasanti nānādiṭṭhikā nānākhanṭikā nānārucikā nānādiṭṭhinissayanissitā.

Santeke samaṇabrāhmaṇā evaṃvādino evaṃdiṭṭhino – “sassato attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “asassato attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sassato ca asassato ca attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “neva sassato nāsassato attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sayamkato attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “paramkato attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sayamkato ca paramkato ca attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “asayamkāro aparamkāro adhiccasamuppanno attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sassataṃ sukhadukkhaṃ attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “asassataṃ sukhadukkhaṃ attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sassatañca asassatañca sukhadukkhaṃ attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “neva sassataṃ nāsassataṃ sukhadukkhaṃ attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sayamkataṃ sukhadukkhaṃ attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “paramkataṃ sukhadukkhaṃ attā ca loko ca, idameva saccaṃ moghamañña”nti. Santeke samaṇabrāhmaṇā evaṃvādino evaṃdiṭṭhino – “sayamkatañca paramkatañca sukhadukkhaṃ attā ca loko ca, idameva saccaṃ moghamañña”nti. Santi paneke samaṇabrāhmaṇā evaṃvādino evaṃdiṭṭhino – “asayamkāraṃ aparamkāraṃ adhiccasamuppannaṃ sukhadukkhaṃ attā ca loko ca, idameva saccaṃ moghamañña”nti.

Te bhaṇḍanajātā kalahajātā vivādāpannā aññamaññaṃ mukhasattīhi vitudantā viharanti – “edisō dhammo, nedisō dhammo; nedisō dhammo, edisō dhammo”ti.

Atha kho sambahulā bhikkhū pubbaṇhasamayaṃ nivāsetvā pattacīvaramādāya sāvattihim piṇḍāya pāvīsimsu. Sāvattiyam piṇḍāya caritvā pacchābhattaṃ piṇḍapātapatikantā yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdimsu. Ekamantaṃ nisinnā kho te bhikkhū bhagavantaṃ etadavocum –

“Idha, bhante, sambahulā nānātitthiyasamaṇabrāhmaṇaparibbājakā sāvattiyam paṭivasanti nānādiṭṭhikā nānākhanṭikā nānārucikā nānādiṭṭhinissayanissitā.

“Santeke samaṇabrāhmaṇā evaṃvādino evaṃdiṭṭhino – ‘sassato attā ca loko ca, idameva saccaṃ moghamañña’nti ...pe... te bhaṇḍanajātā kalahajātā vivādāpannā aññamaññaṃ mukhasattīhi vitudantā viharanti – ‘edisō dhammo, nedisō dhammo; nedisō dhammo, edisō dhammo’”ti.

“Aññatitthiyā, bhikkhave, paribbājakā andhā acakkhukā. Te atthaṃ na jānanti anattaṃ na jānanti, dhammaṃ na jānanti adhammaṃ na jānanti. Te atthaṃ ajānantā anattaṃ ajānantā, dhammaṃ ajānantā adhammaṃ ajānantā bhaṇḍanajātā kalahajātā vivādāpannā aññamaññaṃ mukhasattīhi vitudantā viharanti – ‘edisō dhammo, nedisō dhammo; nedisō dhammo, edisō dhammo’”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Ahankārapasutāyaṃ pajā, paramkārupasaṃhitā;
Etadeke nābbhaññaṃsu, na naṃ sallanti addasum.

“Etañca sallaṃ paṭikacca [paṭigacca (sī. syā. kaṃ. pī.)] passato;
Ahaṃ karomīti na tassa hoti;
Paro karotīti na tassa hoti.

“Mānupetā ayaṃ pajā, mānaganthā mānavinibaddhā [mānavinibandhā (sī.)];
Diṭṭhīsu sārambhakathā, saṃsāraṃ nātivattatī”ti. chaṭṭhaṃ;

7. Subhūtisuttaṃ

57. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā subhūti bhagavato avidūre nisinno hoti pallaṅkaṃ ābhujitvā ujum kāyaṃ paṇidhāya avitakkaṃ samādhiṃ samāpajjitvā.

Addasā kho bhagavā āyasmantaṃ subhūtiṃ avidūre nisinnaṃ pallaṅkaṃ ābhujitvā ujum kāyaṃ paṇidhāya avitakkaṃ samādhiṃ samāpannaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yassa vitakkā vidhūpitā,
Ajjhattaṃ suvikappitā asesā;
Taṃ saṅgamicca arūpasaññī,
Catuyogātigato na jātu metī”ti [na jātimeṭīti (syā. pī. aṭṭha. pāṭhantaraṃ)]. sattamaṃ;

8. Gaṇikāsuttaṃ

58. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena rājagahe dve pūgā aññatarissā gaṇikāya sārattā honti paṭibaddhacittā; bhaṇḍanaajātā kalahajātā vivādāpannā aññamaññaṃ paṇīhipi upakkamanti, leḍḍūhipi upakkamanti, daṇḍehipi upakkamanti, satthehipi upakkamanti. Te tattha maraṇampi nigacchanti maraṇamattampi dukkhaṃ.

Atha kho sambahulā bhikkhū pubbaṅhasamayaṃ nivāsetvā pattacīvaramādāya rājagahaṃ piṇḍāya pāvisiṃsu. Rājagahe piṇḍāya caritvā pacchābhattaṃ piṇḍapātaṭikkantā yena bhagavā tenupasaṅkamīsu; upasaṅkamitvā bhagavantaṃ abhivādetvā ekamantaṃ nisīdiṃsu. Ekamantaṃ nisinnā kho te bhikkhū bhagavantaṃ etadavocum –

“Idha, bhante, rājagahe dve pūgā aññatarissā gaṇikāya sārattā paṭibaddhacittā; bhaṇḍanaajātā kalahajātā vivādāpannā aññamaññaṃ paṇīhipi upakkamanti, leḍḍūhipi upakkamanti, daṇḍehipi upakkamanti, satthehipi upakkamanti. Te tattha maraṇampi nigacchanti maraṇamattampi dukkha”nti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yañca pattaṃ yañca pattaṃ, ubhayametaṃ rajānukinṇaṃ, āturassānusikkhato. Ye ca sikkhāsārā silabbataṃ jīvitam brahmacariyaṃ upaṭṭhānasārā, ayameko anto. Ye ca evaṃvādino – ‘natthi kāmesu doso’ti, ayaṃ dutiyo anto. Iccete ubho antā kaṭasivaḍḍhanā, kaṭasiyo diṭṭhiṃ vaḍḍhenti. Etete ubho ante anabhiññāya olīyanti eke, atidhāvanti eke. Ye ca kho te abhiññāya tatra ca nāhesuṃ, tena ca nāmaññiṃsu, vaṭṭaṃ tesam natthi paññāpanāyā”ti. Aṭṭhamaṃ.

9. Upātidhāvantisuttaṃ

59. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa

ārāme. Tena kho pana samayena bhagavā rattandhakāratimisāyaṃ abbhokāse nisinno hoti telappadīpesu jhāyamānesu.

Tena kho pana samayena sambahulā adhipātakā tesu telappadīpesu āpātāparipātaṃ anayaṃ āpajjanti, byasanaṃ āpajjanti [natthi sīhaḷapottthake], anayabyasanaṃ āpajjanti [natthi sīhaḷapottthake]. Addasā kho bhagavā te sambahule adhipātake tesu telappadīpesu āpātāparipātaṃ anayaṃ āpajjante, byasanaṃ āpajjante, anayabyasanaṃ āpajjante.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Upātidhāvanti na sāraṃenti,
Navamaṃ navamaṃ bandhanaṃ brūhayanti;
Patanti pajjotamivādhipātakā [... dhipātā (sī. syā.)],
Ditthe sute ititheke nivittā”ti. navamaṃ;

10. Uppajantisuttaṃ

60. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Atha kho āyasmā ānando yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā ānando bhagavantaṃ etadvoca –

“Yāvakīvaṅca, bhante, tathāgatā loke nuppajjanti arahanto sammāsambuddhā tāva aññatitthiyā paribbājakā sakkatā honti garukatā mānitā pūjitā apacitā lābhino cīvarapiṇḍapātasenāsanagilānapaccayabhesajjaparikkhārānaṃ. Yato ca kho, bhante, tathāgatā loke uppajjanti arahanto sammāsambuddhā atha aññatitthiyā paribbājakā asakkatā honti agarukatā amānitā apūjitā anapacitā na lābhino cīvarapiṇḍapātasenāsanagilānapaccayabhesajjaparikkhārānaṃ. Bhagavā yeva [bhagavā ceva (syā.)] dāni, bhante, sakkato hoti garukato mānito pūjito apacito lābhī cīvarapiṇḍapātasenāsanagilānapaccayabhesajjaparikkhārānaṃ, bhikkhusaṅgho cā”ti.

“Evametamaṃ, ānanda, yāvakīvaṅca, ānanda, tathāgatā loke nuppajjanti arahanto sammāsambuddhā tāva aññatitthiyā paribbājakā sakkatā honti garukatā mānitā pūjitā apacitā lābhino cīvarapiṇḍapātasenāsanagilānapaccayabhesajjaparikkhārānaṃ. Yato ca kho, ānanda, tathāgatā loke uppajjanti arahanto sammāsambuddhā atha aññatitthiyā paribbājakā asakkatā honti agarukatā amānitā apūjitā anapacitā na lābhino cīvarapiṇḍapātasenāsanagilānapaccayabhesajjaparikkhārānaṃ. Tathāgatova [tathāgato ceva (syā.)] dāni sakkato hoti garukato mānito pūjito apacito lābhī cīvarapiṇḍapātasenāsanagilānapaccayabhesajjaparikkhārānaṃ, bhikkhusaṅgho cā”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Obhāsati tāva so kimi,
Yāva na unnamate [uggamati (sī.), unnamati (syā.)] pabhaṅkaro;
(Sa) [() natthi sī. syā. potthakesu] verocanamhi uggate,
Hatappabho hoti na cāpi bhāsati.

“Evaṃ obhāsitameva takkikānaṃ [titthiyānaṃ (sī. syā. pī.)],
Yāva sammāsambuddhā loke nuppajjanti;
Na takkikā sujjhanti na cāpi sāvakā,
Duddittā na dukkhā pamuccare”ti. dasamaṃ;

Tassuddānaṃ –

Āyujaṭilavekkhaṇā, tayo titthiyā subhūti;
Gaṇikā upāti navamo, uppajjanti ca te dasāti.

Jaccandhavaggo chaṭṭho niṭṭhito.

7. Cūlavaggo

1. Paṭhamalakunḍakabhaddiyasuttaṃ

61. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā sārīputto āyasmantaṃ lakunḍakabhaddiyaṃ anekapariyāyena dhammiyā kathāya sandasseti samādapeti [samādāpeti (?)] samuttejeti sampahaṃseti.

Atha kho āyasmato lakunḍakabhaddiyassa āyasmatā sārīputtena anekapariyāyena dhammiyā kathāya sandassiyamānassa samādapiyamānassa samuttejijyamānassa sampahaṃsiyamānassa anupādāya āsavehi cittaṃ vimucci.

Addasā kho bhagavā āyasmantaṃ lakunḍakabhaddiyaṃ āyasmatā sārīputtena anekapariyāyena dhammiyā kathāya sandassiyamānaṃ samādapiyamānaṃ samuttejijyamānaṃ sampahaṃsiyamānaṃ anupādāya āsavehi cittaṃ vimuttaṃ [vimuttacittaṃ (?)].

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Uddhaṃ adho sabbadhi vippamutto, ayaṃhamasmīti [ayamaḥasmīti (sī. syā. pī.)]
anānupassī;
Evaṃ vimutto udatāri oghaṃ, atinṇapubbaṃ apunabbhavāyā”ti. paṭhamaṃ;

2. Dutiyalakunḍakabhaddiyasuttaṃ

62. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā sārīputto āyasmantaṃ lakunḍakabhaddiyaṃ sekhaṃ [sekkhoti (syā.), sekhoti (pī.)] maññaṃāno bhīyyosomattāya anekapariyāyena dhammiyā kathāya sandasseti samādapeti samuttejeti sampahaṃseti.

Addasā kho bhagavā āyasmantaṃ sārīputtaṃ āyasmantaṃ lakunḍakabhaddiyaṃ sekhaṃ maññaṃānaṃ bhīyyosomattāya anekapariyāyena dhammiyā kathāya sandassentaṃ samādapentaṃ samuttejentaṃ sampahaṃsentaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Accechchi [acchejji (ka. sī.), acchijji (ka. sī. syā.), achijji (ka.)] vaṭṭaṃ byagā nirāsaṃ,
visukkhā saritā na sandati;
Chinnaṃ vaṭṭaṃ na vattati, esevanto dukkhassā”ti. dutiyaṃ;

3. Paṭhamasattasuttaṃ

63. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena sāvatthiyā manussā yebhuyyena kāmesu ativelaṃ sattā () [(honti) (bahūsu) aṭṭhakathāya saṃsandetabbaṃ] rattā gidhā gadhitā [gathitā (sī.)] mucchitā ajjhopannā sammattakajātā kāmesu viharanti.

Atha kho sambahulā bhikkhū pubbaṅhasamayaṃ nivāsetvā pattacīvaramādāya sāvattiyāṃ piṇḍāya pāvisiṃsu. Sāvattiyāṃ piṇḍāya caritvā pacchābhattaṃ piṇḍapātaṭikkantā yena bhagavā tenupasaṅkamisū; upasaṅkamitvā bhagavantaṃ abhivādetvā ekamantaṃ nisīdimūsu. Ekamantaṃ nisinnā kho te bhikkhū bhagavantaṃ etadavocū – “idha, bhante, sāvattiyā manussā yebhuyyena kāmesu ativelāṃ sattā rattā giddhā gadhitā mucchitā ajjhoppānā sammattakajātā kāmesu viharanti”’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Kāmesu sattā kāmasaṅgasattā,
Saṃyojane vajjamapassamānā;
Na hi jātu saṃyojanasaṅgasattā,
Oghaṃ tareyyuṃ vipulaṃ mahanta”’nti. tatiyaṃ;

4. Dutiyasattasuttaṃ

64. Evaṃ me sutā – ekaṃ samayaṃ bhagavā sāvattiyāṃ viharati jetavane anāthapiṇḍikassa ārāme. Tena kho pana samayena sāvattiyā manussā yebhuyyena kāmesu sattā () [(honti) (bahūsu) aṭṭhakathāya saṃsandetabbāṃ] rattā giddhā gadhitā mucchitā ajjhoppānā andhikatā sammattakajātā kāmesu viharanti.

Atha kho bhagavā pubbaṅhasamayaṃ nivāsetvā pattacīvaramādāya sāvattiyāṃ piṇḍāya pāvisi. Addasā kho bhagavā sāvattiyā te manusse yebhuyyena kāmesu satte ratte giddhe gadhite mucchite ajjhoppāne andhikate sammattakajāte kāmesu viharante.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Kāmandhā jālasaṅchannā, taṇhāchadanachādītā;
Pamattabandhunā baddhā, macchāva kumināmukhe;
Jarāmarāṇamanventi [jarāmarāṇaṃ gacchanti (sī. syā.)], vaccho khīrapakova mātara”’nti.
catutthaṃ;

5. Aparalakuṇḍakabhaddiyasuttaṃ

65. Evaṃ me sutā – ekaṃ samayaṃ bhagavā sāvattiyāṃ viharati jetavane anāthapiṇḍikassa ārāme. Tena kho pana samayena āyasmā lakuṇḍakabhaddiyo sambahulānaṃ bhikkhūnaṃ piṭṭhito piṭṭhito yena bhagavā tenupasaṅkami.

Addasā kho bhagavā āyasmantaṃ lakuṇḍakabhaddiyaṃ dūratova sambahulānaṃ bhikkhūnaṃ piṭṭhito piṭṭhito āgacchantaṃ dubbaṅgaṃ duddasikaṃ okoṭimakaṃ yebhuyyena bhikkhūnaṃ paribhūtarūpaṃ. Disvāna bhikkhū āmantesi –

“Passatha no tumhe, bhikkhave, etaṃ bhikkhuṃ dūratova sambahulānaṃ bhikkhūnaṃ piṭṭhito piṭṭhito āgacchantaṃ dubbaṅgaṃ duddasikaṃ okoṭimakaṃ yebhuyyena bhikkhūnaṃ paribhūtarūpa”’nti?
“Evaṃ, bhante”’ti.

“Eso, bhikkhave, bhikkhu mahiddhiko mahānubhāvo. Na ca sā samāpatti sulabharūpā yā tena bhikkhunā asamāpannapubbā. Yassa catthāya [yassatthāya (sī. ka.)] kulaputtā sammadeva agārasmā anagāriyaṃ pabbajanti tadanuttaraṃ brahmacariyapariyosānaṃ diṭṭheva dhamme sayāṃ abhiññā sacchikatvā upasampajja viharati”’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Nelaṅgo setapacchādo, ekāro vattatī ratho;
Anīghaṃ passa āyantam, chinnaṣoṭam abandhana”nti. pañcamam;

6. Taṇhāsaṅkhayasuttam

66. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā aññāsikoṇḍañño [aññātaṅḍañño (sabbattha)] bhagavato avidūre nisinno hoti pallaṅkaṃ ābhujitvā ujum kāyaṃ paṇidhāya taṇhāsaṅkhayavimuttim paccavekkhamāno.

Addasā kho bhagavā āyasmantaṃ aññāsikoṇḍaññaṃ avidūre nisinnaṃ pallaṅkaṃ ābhujitvā ujum kāyaṃ paṇidhāya taṇhāsaṅkhayavimuttim paccavekkhamānaṃ.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yassa mūlaṃ chamā natthi, paṇṇā natthi kuto latā;
Taṃ dhīraṃ bandhanā muttam, ko taṃ ninditumarahati;
Devāpi naṃ pasaṃsanti, brahmunāpi pasaṃsito”ti. chaṭṭham;

7. Papañcakhayasuttam

67. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā attano papañcasaññāsāṅkhāpahānaṃ paccavekkhamāno nisinno hoti.

Atha kho bhagavā attano papañcasaññāsāṅkhāpahānaṃ viditvā tāyaṃ velāyaṃ imaṃ udānaṃ udānesi –

“Yassa papañcā ṭhiti ca natthi,
Sandānaṃ palighaṅca vītivatto;
Taṃ nittaṇhaṃ muniṃ carantaṃ,
Nāvajānāti sadevakopi loko”ti. sattamaṃ;

8. Kaccānasuttam

68. Evaṃ me sutam – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmā mahākaccāno bhagavato avidūre nisinno hoti pallaṅkaṃ ābhujitvā ujum kāyaṃ paṇidhāya kāyagatāya satiyā ajjhattaṃ parimukhaṃ sūpaṭṭhitāya.

Addasā kho bhagavā āyasmantaṃ mahākaccānaṃ avidūre nisinnaṃ pallaṅkaṃ ābhujitvā ujum kāyaṃ paṇidhāya kāyagatāya satiyā ajjhattaṃ parimukhaṃ sūpaṭṭhitāya.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Yassa siyā sabbadā sati,
Satataṃ kāyagatā upaṭṭhitā;
No cassa no ca me siyā,
Na bhavissati na ca me bhavissati;
Anupubbavīhāri tattha so,
Kāleneva tare visattika”nti. aṭṭhamam;

9. Udapānasuttam

69. Evaṃ me sutam – ekaṃ samayaṃ bhagavā mallesu cārikaṃ caramāno mahatā bhikkhusaṅghena saddhiṃ yena thūṇaṃ [thūṇaṃ (sī. syā. pī.)] nāma mallānaṃ brāhmaṇagāmo tadavasari. Assosum kho thūṇeyyakā brāhmaṇagahapatikā – “samaṇo khalu, bho, gotamo sakyaputto sakyakulā pabbajito mallesu cārikaṃ caramāno mahatā bhikkhusaṅghena saddhiṃ thūṇaṃ anuppatto”ti. () [(atha kho te thūṇeyyakā brāhmaṇagahapatikā) (?)] Udapānaṃ tiṇassa ca bhusassa ca yāva mukhato pūresum – “mā te muṇḍakā samaṇakā pānīyaṃ apaṃsū”ti.

Atha kho bhagavā maggā okkamma yena rukkhamaṃ tenupasaṅkami; upasaṅkamitvā paññatte āsane nisīdi. Nisajja kho bhagavā āyasmantaṃ ānandaṃ āmantesi – “iṅgha me tvam, ānanda, etamhā udapānā pānīyaṃ āharā”ti.

Evaṃ vutte, āyasmā ānando bhagavantaṃ etadavoca – “idāni so, bhante, udapāno thūṇeyyakehi brāhmaṇagahapatikehi tiṇassa ca bhusassa ca yāva mukhato pūrito – “mā te muṇḍakā samaṇakā pānīyaṃ apaṃsū”ti.

Dutiyampi kho...pe... tatiyampi kho bhagavā āyasmantaṃ ānandaṃ āmantesi – “iṅgha me tvam, ānanda, etamhā udapānā pānīyaṃ āharā”ti. “Evaṃ, bhante”ti kho āyasmā ānando bhagavato paṭissutvā pattaṃ gahetvā yena so udapāno tenupasaṅkami. Atha kho so udapāno āyasmante ānande upasaṅkamante sabbaṃ taṃ tiṇaṅca bhusaṅca mukhato ovamitvā acchassa udakassa anāvilassa vipasannassa yāva mukhato pūrito vissandanto [vissando (ka.)] maññe aṭṭhāsi.

Atha kho āyasmato ānandassa etadahosi – “acchariyaṃ vata, bho, abbhutaṃ vata, bho, tathāgatassa mahiddhikatā mahānubhāvātā! Ayañhi so udapāno mayi upasaṅkamante sabbaṃ taṃ tiṇaṅca bhusaṅca mukhato ovamitvā acchassa udakassa anāvilassa vipasannassa yāva mukhato pūrito vissandanto maññe ṭhito”ti!! Pattena pānīyaṃ ādāya yena bhagavā tenupasaṅkami; upasaṅkamitvā bhagavantaṃ etadavoca – “acchariyaṃ, bhante, abbhutaṃ, bhante, tathāgatassa mahiddhikatā mahānubhāvātā! Ayañhi so, bhante, udapāno mayi upasaṅkamante sabbaṃ taṃ tiṇaṅca bhusaṅca mukhato ovamitvā acchassa udakassa anāvilassa vipasannassa yāva mukhato pūrito vissandanto maññe aṭṭhāsi!! Pivatu bhagavā pānīyaṃ, pivatu sugato pānīya”nti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Kiṃ kayirā udapānena,
Āpā ce sabbadā siyumu;
Taṇhāya mūlato chetvā,
Kissa pariyesanaṃ care”ti. navamaṃ;

10. Utenasuttam

70. Evaṃ me sutam – ekaṃ samayaṃ bhagavā kosambiyaṃ viharati ghoṣitārāme. Tena kho pana samayena rañño utenassa [udenassa (sī. syā. pī.)] uyyānagatassa antepuraṃ daḍḍhaṃ hoti, pañca ca itthisatāni [pañca itthisatāni (sī. syā. pī.)] kālaṅkatāni honti sāmāvatīpamukhāni.

Atha kho sambahulā bhikkhū pubbaṇhasamayaṃ nivāsetvā pattacīvaramādāya kosambiyaṃ piṇḍāya pāvīsimsu. Kosambiyaṃ piṇḍāya caritvā pacchābhataṃ piṇḍapātaṭṭhikāntā yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdīmsu. Ekamantaṃ nisinnā kho te bhikkhū bhagavantaṃ etadavocum – “idha, bhante, rañño utenassa uyyānagatassa antepuraṃ daḍḍhaṃ, pañca ca itthisatāni kālaṅkatāni sāmāvatīpamukhāni. Tāsam, bhante, upāsikānaṃ kā gati ko abhisamparāyo”ti?

“Santettha, bhikkhave, upāsikāyo sotāpannā, santi sakadāgāminiyo, santi anāgāminiyo. Sabbā tā, bhikkhave, upāsikāyo anipphalā kālaṅkatā”’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Mohasambandhano loko, bhabbarūpova dissati;
Upadhibandhano [upadhisambandhano (ka. sī.)] bālo, tamasā parivārito;
Sassatoriva [sassati viya (ka. sī.)] khāyati, passato natthi kiñcana”’nti. dasamaṃ;

Tassuddānaṃ –

Dve bhaddiyā dve ca sattā, lakuṇḍako taṇhākhayo;
Papañcakhayo ca kaccāno, udapānañca utenoti.

Cūlavaggo [cullavaggo (sī.), cūlavaggo (pī.)] sattamo niṭṭhito.

8. Pāṭaligāmiyavaggo

1. Paṭhamanibbānapāṭisaṃyuttasuttaṃ

71. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā bhikkhū nibbānapāṭisaṃyuttāya dhammiyā kathāya sandasseti samādapeti samuttejeti sampahaṃseti. Tedha bhikkhū [te ca bhikkhū (sī. syā. pī. tadaṭṭhakathāpi oloketabbā] aṭṭhiṃ katvā [aṭṭhikatvā (sī. syā.), aṭṭhikatvā (pī.)] manasi katvā sabbaṃ cetaso [sabbaṃ cetasā (itipi aññasuttesu)] samannāharitvā ohitasotā dhammaṃ suṇanti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Atthi, bhikkhave, tadāyatanaṃ, yattha neva pathavī, na āpo, na tejo, na vāyo, na ākāśānañcāyatanaṃ, na viññānañcāyatanaṃ, na ākiñcaññāyatanaṃ, na nevasaññānāsaññāyatanaṃ, nāyaṃ loko, na paraloko, na ubho candimasūriyā. Tatrāpāhaṃ, bhikkhave, neva āgatiṃ vadāmi, na gatiṃ, na ṭhitiṃ, na cutiṃ, na upapattiṃ; appatiṭṭhaṃ, appavattaṃ, anārammaṇamevettaṃ. Esevanto dukkhassā”’ti. Paṭhamaṃ.

2. Dutyanibbānapāṭisaṃyuttasuttaṃ

72. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā bhikkhū nibbānapāṭisaṃyuttāya dhammiyā kathāya sandasseti samādapeti samuttejeti sampahaṃseti. Tedha bhikkhū aṭṭhiṃ katvā manasi katvā sabbaṃ cetaso samannāharitvā ohitasotā dhammaṃ suṇanti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Duddasaṃ anataṃ nāma, na hi saccaṃ sudassanaṃ;
Paṭividdhā taṇhā jānato, passato natthi kiñcana”’nti. dutiyaṃ;

3. Tatiyanibbānapāṭisaṃyuttasuttaṃ

73. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā bhikkhū nibbānapāṭisaṃyuttāya dhammiyā kathāya sandasseti

samādapeti samuttejeti sampahaṃseti. Tedha bhikkhū aṭṭhiṃ katvā, manasi katvā, sabbaṃ cetaso samannāharitvā, ohitasotā dhammaṃ suṇanti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Atthi, bhikkhave, ajātaṃ abhūtaṃ akataṃ asaṅkhatam. No cetam, bhikkhave, abhaviṣṣa ajātaṃ abhūtaṃ akataṃ asaṅkhatam, nayidha jātassa bhūtaṃ katassa saṅkhatassa nissaraṇam paññāyetha. Yasmā ca kho, bhikkhave, atthi ajātaṃ abhūtaṃ akataṃ asaṅkhatam, tasmā jātassa bhūtaṃ katassa saṅkhatassa nissaraṇam paññāyatī”ti. Tatiyaṃ.

4. Catutthanibbānapaṭisaṃyuttasuttaṃ

74. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena bhagavā bhikkhū nibbānapaṭisaṃyuttāya dhammiyā kathāya sandasseti samādapeti samuttejeti sampahaṃseti. Tedha bhikkhū aṭṭhiṃ katvā manasi katvā sabbaṃ cetaso samannāharitvā ohitasotā dhammaṃ suṇanti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Nissitassa calitaṃ, anissitassa calitaṃ natthi. Calite asati passaddhi, passaddhiyā sati nati na hoti. Natiyā asati āgatigati na hoti. Āgatigatiyā asati cutūpapāto na hoti. Cutūpapāte asati nevidha na huraṃ na ubhayamantarena [\[na ubhayamantare \(sabbattha\) ma. ni. 3.393; sam. ni. 4.87 passitabbaṃ\]](#). Esevanto dukkhassā”ti. Catutthaṃ.

5. Cundasuttaṃ

75. Evaṃ me suttaṃ – ekaṃ samayaṃ bhagavā mallesu cārikaṃ caramāno mahatā bhikkhusaṅghena saddhiṃ yena pāvā tadavasari. Tatra sudaṃ bhagavā pāvāyaṃ viharati cundassa kammāraputtassa ambavane.

Assosi kho cundo kammāraputto – “bhagavā kira mallesu cārikaṃ caramāno mahatā bhikkhusaṅghena saddhiṃ pāvā anupatto pāvāyaṃ viharati mayhaṃ ambavane”ti. Atha kho cundo kammāraputto yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho cundaṃ kammāraputtaṃ bhagavā dhammiyā kathāya sandassesī samādapesi samuttejesī sampahaṃsesī. Atha kho cundo kammāraputto bhagavatā dhammiyā kathāya sandassito samādapito samuttejito sampahaṃsito bhagavantaṃ etadavoca – “adhivāsetu me, bhante, bhagavā svātanāya bhattaṃ saddhiṃ bhikkhusaṅghenā”ti. Adhivāsesī bhagavā tuṅhībhāvena.

Atha kho cundo kammāraputto bhagavato adhvāsanam viditvā uṭṭhāyāsanaṃ bhagavantaṃ abhivādetvā padakkhiṇam katvā pakkāmi. Atha kho cundo kammāraputto tassā rattiyā accayena sake nivesane paṇītam khādanīyam bhojanīyam paṭiyādāpetvā pahūtaṅca sūkaramaddavaṃ bhagavato kālam ārocāpesī – “kālo, bhante, niṭṭhitam bhatta”nti.

Atha kho bhagavā pubbaṅhasamayaṃ nivāsetvā pattacīvaramādāya saddhiṃ bhikkhusaṅghena yena cundassa kammāraputtassa nivesanam tenupasaṅkami; upasaṅkamtivā paññatte āsane nisīdi. Nisajja kho bhagavā cundaṃ kammāraputtaṃ āmantesī – “yaṃ te, cunda, sūkaramaddavaṃ paṭiyattaṃ tena maṃ parivisa, yaṃ panaññaṃ khādanīyam bhojanīyam paṭiyattaṃ tena bhikkhusaṅgham parivisā”ti. “Evaṃ, bhante”ti kho cundo kammāraputto bhagavato paṭissutvā yaṃ ahosi sūkaramaddavaṃ paṭiyattaṃ tena bhagavantaṃ parivisi; yaṃ panaññaṃ khādanīyam bhojanīyam paṭiyattaṃ tena bhikkhusaṅgham parivisi.

Atha kho bhagavā cundaṃ kammāraputtaṃ āmantesi – “yaṃ te, cunda, sūkaramaddavaṃ avasiṭṭhaṃ taṃ sobbhe nikhaṇāhi. Nāhaṃ taṃ, cunda, passāmi sadevake loke samārake sabrahmake sassamaṇabrāhmaṇiyā pajāya sadevamanussāya yassa taṃ paribhuttaṃ sammā pariṇāmaṃ gaccheyya aññatra tathāgatassā” ti [aññatra tathāgatenāti (ka. sī.)]. “Evaṃ, bhante” ti kho cundo kammāraputto bhagavato paṭissutvā yaṃ ahosi sūkaramaddavaṃ avasiṭṭhaṃ taṃ sobbhe nikhaṇitvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho cundaṃ kammāraputtaṃ bhagavā dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanaṃ pakkāmi.

Atha kho bhagavato cundassa kammāraputtassa bhattaṃ bhuttāvissa kharo ābādho uppajji. Lohitapakkhandikā pabāḷhā [bāḷhā (sī. syā. pī.)] vedanā vattanti mārāṇantikā. Tatra sudamṃ bhagavā sato sampajāno adhivāsesi avihaññamāno. Atha kho bhagavā āyasmantaṃ ānandaṃ āmantesi – “āyāmānanda, yena kusināraṃ tenupasaṅkamissāmā” ti. “Evaṃ, bhante” ti kho āyasmā ānando bhagavato paccassosi.

“Cundassa bhattaṃ bhuñjitvā, kammārassāti me suttaṃ;
Ābādhaṃ samphusī dhīro, pabāḷhaṃ mārāṇantikaṃ.

“Bhuttassa ca sūkaramaddavena, byādhippabāḷho udapādi satthuno;
Viriccamāno [viriccamāno (?) virecamāno (dī. ni. 2.190)] bhagavā avoca, ‘gacchāmahaṃ
kusināraṃ nagara’” ti.

Atha kho bhagavā maggā okkamma yena aññataraṃ rukkhamūlaṃ tenupasaṅkami; upasaṅkamitvā āyasmantaṃ ānandaṃ āmantesi – “iṅgha me tvaṃ, ānanda, catugguṇaṃ saṅghāṭiṃ paññāpehi; kilantosmi, ānanda, nisīdissāmī” ti. “Evaṃ, bhante” ti kho āyasmā ānando bhagavato paṭissutvā catugguṇaṃ saṅghāṭiṃ paññāpesi. Nisīdi bhagavā paññatte āsane. Nisajja kho bhagavā āyasmantaṃ ānandaṃ āmantesi – “iṅgha me tvaṃ, ānanda, pānīyaṃ āhara; pipāsitosmi, ānanda, pivissāmī” ti.

Evaṃ vutte, āyasmā ānando bhagavantaṃ etadavoca – “idāni, bhante, pañcamattāni sakaṭasatāni atikkantāni. Taṃ cakkacchinnam udakaṃ parittaṃ luḷitaṃ āvilam sandati. Ayaṃ, bhante, kukuṭṭhā [kakuṭṭhā (sī.), kukuṭā (syā.), kakudhā (dī. ni. 2.191)] nadī avidūre acchodakā sātodakā sītodakā setodakā supatitthā ramaṇiyā. Ettha bhagavā pānīyaṃ pāvissati gattāni ca sītīkarissatī” ti [sītīṃ karissatīti (sī.), sītāṃ karissatīti (syā. pī. ka.)].

Dutiyampi kho...pe... tatiyampi kho bhagavā āyasmantaṃ ānandaṃ āmantesi – “iṅgha me tvaṃ, ānanda, pānīyaṃ āhara; pipāsitosmi, ānanda, pivissāmī” ti. “Evaṃ, bhante” ti kho āyasmā ānando bhagavato paṭissutvā pattaṃ gahetvā yena sā nadī tenupasaṅkami. Atha kho sā nadī cakkacchinnā parittā luḷitā āvilā sandamānā āyasmante ānande upasaṅkamante acchā vipasannā anāvilā sandati.

Atha kho āyasmato ānandassa etadahosi – “acchariyaṃ vata, bho, abbhutaṃ vata, bho, tathāgatassa mahiddhikā mahānubhāvā! Ayañhi sā nadī cakkacchinnā parittā luḷitā āvilā sandamānā mayi upasaṅkamante acchā vipasannā anāvilā sandatī” ti!! Pattena pānīyaṃ ādāya yena bhagavā tenupasaṅkami; upasaṅkamitvā bhagavantaṃ etadavoca – “acchariyaṃ, bhante, abbhutaṃ, bhante, tathāgatassa mahiddhikā mahānubhāvā! Ayañhi sā, bhante, nadī cakkacchinnā parittā luḷitā āvilā sandamānā mayi upasaṅkamante acchā vipasannā anāvilā sandatī!! Pivatu bhagavā pānīyaṃ, pivatu sugato pānīya” ti.

Atha kho bhagavā pānīyaṃ apāyi [apāsi (sī.)]. Atha kho bhagavā mahatā bhikkhusaṅghena saddhim yena kukuṭṭhā nadī tenupasaṅkami; upasaṅkamitvā kukuṭṭhaṃ nadim ajjhogāhetvā nhatvā ca pivitvā ca paccuttarivā yena ambavanaṃ tenupasaṅkami; upasaṅkamitvā āyasmantaṃ cundakaṃ āmantesi – “iṅgha me tvaṃ, cundaka, catugguṇaṃ saṅghāṭiṃ paññāpehi; kilantosmi, cundaka, nipajjissāmī” ti.

“Evam, bhante”’ti kho āyasmā cundako bhagavato paṭissutvā catugguṇaṃ saṅghāṭiṃ paññāpesi. Atha kho bhagavā dakkhiṇena passena sīhaseyyaṃ kappesi pāde pādaṃ accādhāya sato sampajāno uṭṭhānasaññaṃ manasi karitvā. Āyasmā pana cundako tattheva bhagavato purato nisīdi.

“Gantvāna buddho nadikaṃ kukuṭṭhaṃ,
Acchodakaṃ sātudakaṃ [sātodakaṃ (sabbattha)] vippasannaṃ;
Ogāhi satthā sukilantarūpo,
Tathāgato appaṭimodha loke.

“Nhatvā ca pivitvā cudatāri [nhatvā ca uttari (ka.)] satthā,
Purakkhato bhikkhugaṇassa majjhe;
Satthā pavattā bhagavā idha dhamme,
Upāgami ambavanaṃ mahesi;
Āmantayi cundakaṃ nāma bhikkhuṃ,
Catugguṇaṃ santhara [patthara (sī. pī.)] me nipajjaṃ.

“So codito bhāvitattena cundo,
Catugguṇaṃ santhari [patthari (sī. pī.)] khippameva;
Nipajji satthā sukilantarūpo,
Cundopi tattha pamukhe nisīdi”’ti.

Atha kho bhagavā āyasmantaṃ ānandaṃ āmantesi – “siyā kho, panānanda, cundassa kammāraputtassa koci vippaṭisāraṃ upadaheyya – ‘tassa te, āvuso cunda, alābhā, tassa te dulladdhaṃ yassa te tathāgato pacchimaṃ piṇḍapātaṃ bhuñjitvā parinibbuto’ti. Cundassānanda, kammāraputtassa evaṃ vippaṭisāro paṭivinodetabbo –

“‘Tassa te, āvuso cunda, lābhā, tassa te suladdhaṃ yassa te tathāgato pacchimaṃ piṇḍapātaṃ paribhuñjitvā parinibbuto. Sammukhā metaṃ, āvuso cunda, bhagavato suttaṃ, sammukhā paṭiggahitaṃ – dveme piṇḍapātā samasamaphalā samasamavipākā ativiya aññehi piṇḍapātehi mahapphalatarā ca mahānisamsatarā ca. Katame dve? Yañca piṇḍapātaṃ paribhuñjitvā tathāgato anuttaraṃ sammāsambodhiṃ abhisambujjhati, yañca piṇḍapātaṃ paribhuñjitvā anupādisesāya nibbānadhātuyā parinibbāyati. Ime dve piṇḍapātā samasamaphalā samasamavipākā ativiya aññehi piṇḍapātehi mahapphalatarā ca mahānisamsatarā ca.

“‘Āyusaṃvattanikaṃ āyasmatā cundena kammāraputtana kammaṃ upacitaṃ, vaṇṇasaṃvattanikaṃ āyasmatā cundena kammāraputtana kammaṃ upacitaṃ, sukhasaṃvattanikaṃ āyasmatā cundena kammāraputtana kammaṃ upacitaṃ, saggasaṃvattanikaṃ āyasmatā cundena kammāraputtana kammaṃ upacitaṃ, yasaṃvattanikaṃ āyasmatā cundena kammāraputtana kammaṃ upacitaṃ, ādhipateyyasaṃvattanikaṃ āyasmatā cundena kammāraputtana kammaṃ upacita’nti. Cundassānanda, kammāraputtassa evaṃ vippaṭisāro paṭivinodetabbo”’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Dadato puññaṃ pavaḍḍhati,
Saṃyamato veraṃ na cīyati;
Kusalo ca jahāti pāpakaṃ,
Rāgadosamohakkhayā sanibbuto”’ti [parinibbutoti (sī. syā. pī.)]. pañcamaṃ;

6. Pāṭaligāmiyasuttaṃ

76. Evaṃ me suttaṃ – ekaṃ samayaṃ bhagavā magadhesu cārikaṃ caramāno mahatā

bhikkhusaṅghena saddhiṃ yena pāṭaligāmo tadavasari. Assosum kho pāṭaligāmiyā [pāṭaligāmikā (dī. ni. 2.148)] upāsakā – “bhagavā kira magadhesu cārikam caramāno mahatā bhikkhusaṅghena saddhiṃ pāṭaligāmaṃ anuppatto”ti. Atha kho pāṭaligāmiyā upāsakā yena bhagavā tenupasaṅkamimṣu; upasaṅkamitvā bhagavantam abhivādetvā ekamantaṃ nisīdimṣu. Ekamantaṃ nisinnā kho pāṭaligāmiyā upāsakā bhagavantam etadavocum – “adhivāsetu no, bhante, bhagavā āvasathāgāra”nti. Adhivāsesi bhagavā tuṅhībhāvena.

Atha kho pāṭaligāmiyā upāsakā bhagavato adhivāsanam viditvā uṭṭhāyāsanaṃ bhagavantam abhivādetvā padakkhiṇam katvā yenāvasathāgāram tenupasaṅkamimṣu; upasaṅkamitvā sabbasantharim āvasathāgāram santharivā āsanāni paññāpetvā udakamaṇikam patiṭṭhāpetvā telappadīpaṃ āropetvā yena bhagavā tenupasaṅkamimṣu; upasaṅkamitvā bhagavantam abhivādetvā ekamantaṃ aṭṭhamṣu. Ekamantaṃ ṭhitā kho pāṭaligāmiyā upāsakā bhagavantam etadavocum – “sabbasantharisanthataṃ [sabbasantharim santhataṃ (sī. syā. pī.)], bhante, āvasathāgāram; āsanāni paññattāni; udakamaṇiko patiṭṭhāpito [udakamaṇikam patiṭṭhāpitaṃ (syā.)] telappadīpo āropito. Yassadāni, bhante, bhagavā kalam maññati”ti.

Atha kho bhagavā nivāsetvā pattacīvaramādāya saddhiṃ bhikkhusaṅghena yena āvasathāgāram tenupasaṅkami; upasaṅkamitvā pāde pakkhāletvā āvasathāgāram pavisitvā majjhimaṃ thambham nissāya puratthābhimukho nisīdi. Bhikkhusaṅghopi kho pāde pakkhāletvā āvasathāgāram pavisitvā pacchimaṃ bhittim nissāya puratthābhimukho nisīdi bhagavantamyeva purakkhatvā. Pāṭaligāmiyāpi kho upāsakā pāde pakkhāletvā āvasathāgāram pavisitvā puratthimaṃ bhittim nissāya pacchimābhimukhā nisīdimṣu bhagavantamyeva purakkhatvā. Atha kho bhagavā pāṭaligāmiye upāsake āmantesi –

“Pañcime, gahapatayo, ādīnavā dussīlassa sīlavipattiyā. Katame pañca? Idha, gahapatayo, dussīlo sīlavipanno pamādādhikaraṇam mahatiṃ bhogajāniṃ nigacchati. Ayaṃ paṭhamo ādīnavo dussīlassa sīlavipattiyā.

“Puna caparam, gahapatayo, dussīlassa sīlavipannassa pāpako kittisaddo abbhuggacchati. Ayaṃ dutiyo ādīnavo dussīlassa sīlavipattiyā.

“Puna caparam, gahapatayo, dussīlo sīlavipanno yaññadeva parisam upasaṅkamati – yadi khattiyaparisaṃ, yadi brāhmaṇaparisaṃ, yadi gahapatiparisaṃ, yadi samaṇaparisaṃ – avisārado upasaṅkamati maṅkubhūto. Ayaṃ tatiyo ādīnavo dussīlassa sīlavipattiyā.

“Puna caparam, gahapatayo, dussīlo sīlavipanno sammūlho kalam karoti. Ayaṃ catuttho ādīnavo dussīlassa sīlavipattiyā.

“Puna caparam, gahapatayo, dussīlo sīlavipanno kāyassa bhedaṃ param maraṇā apāyam duggatiṃ vinipātam nirayam upapajjati. Ayaṃ pañcimo ādīnavo dussīlassa sīlavipattiyā. Ime kho, gahapatayo, pañca ādīnavā dussīlassa sīlavipattiyā.

“Pañcime, gahapatayo, ānisaṃsā sīlavato sīlasampadāya. Katame pañca? Idha, gahapatayo, sīlavā sīlasampanno appamādādhikaraṇam mahantaṃ bhogakkhandham adhigacchati. Ayaṃ paṭhamo ānisaṃso sīlavato sīlasampadāya.

“Puna caparam, gahapatayo, sīlavato sīlasampannassa kalyāṇo kittisaddo abbhuggacchati. Ayaṃ dutiyo ānisaṃso sīlavato sīlasampadāya.

“Puna caparam, gahapatayo, sīlavā sīlasampanno yaññadeva parisam upasaṅkamati – yadi khattiyaparisaṃ, yadi brāhmaṇaparisaṃ, yadi gahapatiparisaṃ, yadi samaṇaparisaṃ – visārado upasaṅkamati amaṅkubhūto. Ayaṃ tatiyo ānisaṃso sīlavato sīlasampadāya.

“Puna caparaṃ, gahapatayo, sīlavā sīlasampanno asammūlho kālaṅkaroti. Ayaṃ catuttho ānisaṃso sīlavato sīlasampadāya.

“Puna caparaṃ, gahapatayo, sīlavā sīlasampanno kāyassa bhedaṃ paraṃ maraṇā sugatiṃ saggam lokam upapajjati. Ayaṃ pañcama ānisaṃso sīlavato sīlasampadāya. Ime kho, gahapatayo, pañca ānisaṃsā sīlavato sīlasampadāyā”ti.

Atha kho bhagavā pāṭaligāmiye upāsake bahudeva rattiṃ dhammiyā kathāya sandassetvā samādapetvā samutejetvā sampahaṃsetvā uyyojesi – “abhikkantā kho, gahapatayo, ratti; yassadāni tumhe kālaṃ maññathā”ti. [“evaṃ bhante“ti khopāṭaligāmiyā upāsakā bhagavato paṭissutvā (mahāva. 285; dī. ni. 2.151)] Atha kho pāṭaligāmiyā upāsakā bhagavato bhāsitaṃ abhinanditvā anumoditvā [“evaṃ bhante“ti khopāṭaligāmiyā upāsakā bhagavato paṭissutvā (mahāva. 285; dī. ni. 2.151)] utthāyāsanaṃ bhagavantam abhivādetvā padakkhiṇaṃ katvā pakkamiṃsu. Atha kho bhagavā acirapakkantesu pāṭaligāmiyesu upāsakesu suññāgāraṃ pāvisi.

Tena kho pana samayena sunidhavassakārā [sunidhavassakārā (sī. syā. pī.)] magadhamahāmatā pāṭaligāme nagaraṃ māpenti vajjīnaṃ paṭibhāya. Tena kho pana samayena sambahulā devatāyo sahasasahasveva [sahasveva (syā. ka.), sahasasveva (pī.)] pāṭaligāme vatthūni pariggaṇhanti. Yasmiṃ padese mahesakkhā devatā vatthūni pariggaṇhanti mahesakkhānaṃ tattha raññaṃ rājamahāmatānaṃ cittāni namanti nivesanāni māpetuṃ. Yasmiṃ padese majjhimā devatā vatthūni pariggaṇhanti majjhimānaṃ tattha raññaṃ rājamahāmatānaṃ cittāni namanti nivesanāni māpetuṃ. Yasmiṃ padese nīcā devatā vatthūni pariggaṇhanti nīcānaṃ tattha raññaṃ rājamahāmatānaṃ cittāni namanti nivesanāni māpetuṃ.

Addasā kho bhagavā dibbena cakkhunā visuddhena atikkantamānusakena tā devatāyo sahasasahasveva pāṭaligāme vatthūni pariggaṇhantiyo. Yasmiṃ padese mahesakkhā devatā vatthūni pariggaṇhanti, mahesakkhānaṃ tattha raññaṃ rājamahāmatānaṃ cittāni namanti nivesanāni māpetuṃ. Yasmiṃ padese majjhimā devatā vatthūni pariggaṇhanti, majjhimānaṃ tattha raññaṃ rājamahāmatānaṃ cittāni namanti nivesanāni māpetuṃ. Yasmiṃ padese nīcā devatā vatthūni pariggaṇhanti, nīcānaṃ tattha raññaṃ rājamahāmatānaṃ cittāni namanti nivesanāni māpetuṃ. Atha kho bhagavā tassā rattiyaṃ paccūsamaye paccuṭṭhāya āyasmantaṃ ānandaṃ āmantesi –

“Ke nu kho [ko nu kho (sabbattha)] ānanda pāṭaligāme nagaraṃ māpenti”ti [māpetīti (sabbattha)]. “Sunidhavassakārā, bhante, magadhamahāmatā pāṭaligāme nagaraṃ māpenti vajjīnaṃ paṭibhāyā”ti. “Seyyathāpi, ānanda, devehi tāvatimsehi saddhiṃ mantetvā; evameva kho, ānanda, sunidhavassakārā magadhamahāmatā pāṭaligāme nagaraṃ māpenti vajjīnaṃ paṭibhāyā. Idhāhaṃ, ānanda, addasaṃ dibbena cakkhunā visuddhena atikkantamānusakena sambahulā devatāyo sahasasahasveva pāṭaligāme vatthūni pariggaṇhantiyo. Yasmiṃ padese mahesakkhā devatā vatthūni pariggaṇhanti mahesakkhānaṃ tattha raññaṃ rājamahāmatānaṃ cittāni namanti nivesanāni māpetuṃ. Yasmiṃ padese majjhimā devatā vatthūni pariggaṇhanti majjhimānaṃ tattha raññaṃ rājamahāmatānaṃ cittāni namanti nivesanāni māpetuṃ. Yasmiṃ padese nīcā devatā vatthūni pariggaṇhanti nīcānaṃ tattha raññaṃ rājamahāmatānaṃ cittāni namanti nivesanāni māpetuṃ. Yāvatā, ānanda, ariyaṃ āyatanaṃ yāvatā vaṇippatho idaṃ agganagaraṃ bhavissati pāṭaliputtaṃ puṭabhedanaṃ. Pāṭaliputtassa kho, ānanda, tayo antarāyā bhavissanti – aggito vā udakato vā mithubhedato vā”ti.

Atha kho sunidhavassakārā magadhamahāmatā yena bhagavā tenupasaṅkamiṃsu; upasaṅkamitvā bhagavatā saddhiṃ sammodiṃsu. Sammodaniyaṃ kathaṃ sārāṇiyaṃ [sārāṇiyaṃ (sī. syā. kaṃ. pī.)] vītisāretvā ekamantaṃ aṭṭhaṃsu. Ekamantaṃ ṭhitā kho sunidhavassakārā magadhamahāmatā bhagavantam etadavocuṃ – “adhivāsetu no bhavaṃ gotamo ajjatanāya bhattaṃ saddhiṃ bhikkhusaṅghenā”ti. Adhivāsesi bhagavā tuṅhībhāvena.

Atha kho sunidhavassakārā magadhamahāmattā bhagavato adhvāsanam viditvā yena sako āvasatho tenupasaṅkamimṣu; upasaṅkamtivā sake āvasathe paṇītam khādanīyam bhojanīyam paṭiyādāpetvā bhagavato kālam ārocesum – “kālo, bho gotama, niṭṭhitam bhatta”nti.

Atha kho bhagavā pubbaṅhasamayam nivāsetvā pattacīvaramādāya saddhim bhikkhusaṅghena yena sunidhavassakārānam magadhamahāmattānam āvasatho tenupasaṅkami; upasaṅkamtivā paññatte āsane nisīdi. Atha kho sunidhavassakārā magadhamahāmattā buddhappamukham bhikkhusaṅgham paṇītena khādanīyena bhojanīyena sahatthā santappesum sampavāresum.

Atha kho sunidhavassakārā magadhamahāmattā bhagavantam bhuttāvim onītapattapāṇim aññataram nīcam āsanam gahetvā ekamantam nisīdimṣu. Ekamantam nisinne kho sunidhavassakāre magadhamahāmatte bhagavā imāhi gāthāhi anumodī –

“Yasmiṃ padese kappeti, vāsam paṇḍitajātiyo;
Sīlavantettha bhojetvā, saññate brahmacārayo [[brahmacārino \(syā.\)](#), [brahmacariye \(pī. ka.\)](#)].

“Yā tattha devatā āsum, tāsam dakkhiṇamādise;
Tā pūjitā pūjayanti, mānitā mānayanti nam.

“Tato nam anukampanti, mātā puttamva orasam;
Devatānukampito poso, sadā bhadrāni passatī”ti.

Atha kho bhagavā sunidhavassakārānam magadhamahāmattānam imāhi gāthāhi anumoditvā uṭṭhāyāsanā pakkāmi.

Tena kho pana samayena sunidhavassakārā magadhamahāmattā bhagavantam piṭṭhito piṭṭhito anubandhā honti – “yenajja samaṇo gotamo dvārena nikkhamissati tam ‘gotamadvāram’ nāma bhavissati. Yena titthena gaṅgam nadiṃ tarissati tam ‘gotamatittham’ nāma bhavissatī”ti.

Atha kho bhagavā yena dvārena nikkhami tam ‘gotamadvāram’ nāma ahosi. Atha kho bhagavā yena gaṅgā nadī tenupasaṅkami. Tena kho pana samayena gaṅgā nadī pūrā hoti samatittikā kākapeyyā. Appekacce manussā nāvam pariyesanti, appekacce uḷumpam pariyesanti, appekacce kullam bandhanti apārā pārā gantukāmā. Atha kho bhagavā – seyyathāpi nāma balavā puriso samiñjitaṃ vā bāham pasāreyya, pasāritaṃ vā bāham samiñjeyya, evameva – gaṅgāya nadiyā orimatīre [[orimatīrā \(bahūsu mahāva. 286; dī. ni. 2.154 passitabbaṃ\)](#)] antarahito pārīmatīre paccuṭṭhāsi saddhim bhikkhusaṅghena.

Addasā kho bhagavā te manusse appekacce nāvam pariyesante, appekacce uḷumpam pariyesante, appekacce kullam bandhante apārā pārā gantukāme.

Atha kho bhagavā etamattham viditvā tāyam velāyam imam udānam udānesi –

“Ye taranti aṇṇavam saram,
Setum katvāna visajja pallalāni;
Kullañhi jano pabandhati [[bandhati \(syā. pī.\)](#)],
Tiṇṇā [[nitiṇṇā \(ka.\)](#)] medhāvino janā”ti. chaṭṭham;

7. Dvidhāpathasuttam

77. Evaṃ me sutam – ekaṃ samayam bhagavā kosalesu addhānamaggapaṭipanno hoti āyasmatā nāgasamālena pacchāsamaṇena. Addasā kho āyasmā nāgasamālo antarāmagge dvidhāpatham [[dvedhāpatham \(sī.\)](#)]. Disvāna bhagavantam etadavoca – “ayam, bhante, bhagavā pantho; iminā

gacchāmā”ti. Evaṃ vutte, bhagavā āyasmantaṃ nāgasamālaṃ etadavoca – “ayaṃ, nāgasamāla, pantho; iminā gacchāmā”ti.

Dutiyampi...pe... tatiyampi kho āyasmā nāgasamālo bhagavantaṃ etadavoca – “ayaṃ, bhante, bhagavā pantho; iminā gacchāmā”ti. Tatiyampi kho bhagavā āyasmantaṃ nāgasamālaṃ etadavoca – “ayaṃ, nāgasamāla, pantho; iminā gacchāmā”ti. Atha kho āyasmā nāgasamālo bhagavato pattacīvaraṃ tattheva chamāyaṃ nikkhipitvā pakkāmi – “idaṃ, bhante, bhagavato pattacīvara”nti.

Atha kho āyasmato nāgasamālassa tena panthena gacchantassa antarāmagge corā nikkhamitvā hatthehi ca pādehi ca ākoṭesuṃ pattañca bhindimsu saṅghāṭiñca vipphālesuṃ. Atha kho āyasmā nāgasamālo bhinnena pattena vipphālitāya saṅghāṭiyā yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā nāgasamālo bhagavantaṃ etadavoca – “idha mayhaṃ, bhante, tena panthena gacchantassa antarāmagge corā nikkhamitvā hatthehi ca pādehi ca ākoṭesuṃ, pattañca bhindimsu, saṅghāṭiñca vipphālesu”nti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Saddhiṃ caramekato vasaṃ,
Misso aññajanena vedagū;
Vidvā pajahāti pāpakaṃ,
Koñco khīrapakova ninnaga”nti. sattamaṃ;

8. Visākhāsuttaṃ

78. Evaṃ me suttaṃ – ekaṃ samayaṃ bhagavā sāvatthiyaṃ viharati pubbārāme migāramātupāsāde. Tena kho pana samayena visākhāya migāramātuyā nattā kālaṅkatā hoti piyā manāpā. Atha kho visākhā migāramātā allavatthā allakesā divā divassa yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho visākhāya migāramātaraṃ bhagavā etadavoca –

“Handa kuto nu tvaṃ, visākhe, āgacchasi allavatthā allakesā idhūpasaṅkantā divā divassā”ti?
“Nattā me, bhante, piyā manāpā kālaṅkatā. Tenāhaṃ allavatthā allakesā idhūpasaṅkantā divā divassā”ti. “Iccheyyāsi tvaṃ, visākhe, yāvatikā [yāvatakā (?)] sāvatthiyā manussā tāvatike [tāvatake (?)] putte ca nattāro cā”ti? “Iccheyyāhaṃ, bhagavā [iccheyyāhaṃ bhante bhagavā (syā.)] yāvatikā sāvatthiyā manussā tāvatike putte ca nattāro cā”ti.

“Kīvabahukā pana, visākhe, sāvatthiyā manussā devasikaṃ kālaṃ karontī”ti? “Dasapi, bhante, sāvatthiyā manussā devasikaṃ kālaṃ karonti; navapi, bhante... aṭṭhapi, bhante... sattapi, bhante... chapi, bhante... pañcapi, bhante... cattāropi, bhante... tīṇipi, bhante... dvepi, bhante, sāvatthiyā manussā devasikaṃ kālaṃ karonti. Ekopi, bhante, sāvatthiyā manusso devasikaṃ kālaṃ karoti. Avivittā, bhante, sāvatthi manussehi kālaṃ karontehī”ti.

“Tāṃ kiṃ maññasi, visākhe, api nu tvaṃ kadāci karahaci anallavatthā vā bhavyeyyāsi anallakesā vā”ti? “No hetamaṃ, bhante. Alaṃ me, bhante, tāva bahukehi puttehi ca nattārehi cā”ti.

“Yesamaṃ kho, visākhe, satamaṃ piyāni, satamaṃ tesamaṃ dukkhāni; yesamaṃ navuti piyāni, navuti tesamaṃ dukkhāni; yesamaṃ asīti piyāni, asīti tesamaṃ dukkhāni; yesamaṃ sattati piyāni, sattati tesamaṃ dukkhāni; yesamaṃ satṭhi piyāni, satṭhi tesamaṃ dukkhāni; yesamaṃ paññāsaṃ piyāni, paññāsaṃ tesamaṃ dukkhāni; yesamaṃ cattārisamaṃ piyāni, cattārisamaṃ tesamaṃ dukkhāni, yesamaṃ tiṃsaṃ piyāni, tiṃsaṃ tesamaṃ dukkhāni; yesamaṃ vīsati piyāni, vīsati tesamaṃ dukkhāni, yesamaṃ dasa piyāni, dasa tesamaṃ dukkhāni; yesamaṃ nava piyāni, nava tesamaṃ dukkhāni; yesamaṃ aṭṭha piyāni, aṭṭha tesamaṃ dukkhāni; yesamaṃ satta piyāni, satta tesamaṃ dukkhāni;

yesaṃ cha piyāni, cha tesāṃ dukkhāni; yesaṃ pañca piyāni, pañca tesāṃ dukkhāni; yesaṃ cattāri piyāni, cattāri tesāṃ dukkhāni; yesaṃ tīṇi piyāni, tīṇi tesāṃ dukkhāni; yesaṃ dve piyāni, dve tesāṃ dukkhāni; yesaṃ ekaṃ piyaṃ, ekaṃ tesāṃ dukkhaṃ; yesaṃ natthi piyaṃ, natthi tesāṃ dukkhaṃ, asokā te virajā anupāyāsāti vadāmi”ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Ye keci sokā paridevitā vā,
Dukkhā ca [dukkhā va (aṭṭha.)] lokasmimanekarūpā;
Piyaṃ paṭiccappabhavanti ete,
Piye asante na bhavanti ete.

“Tasmā hi te sukhino vītasokā,
Yesaṃ piyaṃ natthi kuhiñci loke;
Tasmā asokaṃ virajaṃ patthayāno,
Piyaṃ na kayirātha kuhiñci loke”ti. aṭṭhamam;

9. Paṭhamadabbasuttaṃ

79. Evaṃ me suttaṃ – ekaṃ samayaṃ bhagavā rājagahe viharati veḷuvane kalandakanivāpe. Atha kho āyasmā dabbo mallaputto yena bhagavā tenupasaṅkami; upasaṅkamtvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā dabbo mallaputto bhagavantaṃ etadavoca – “parinibbānakālo me dāni, sugatā”ti. “Yassadāni tvam, dabba, kālaṃ maññasī”ti.

Atha kho āyasmā dabbo mallaputto uṭṭhāyāsanā bhagavantaṃ abhivādetvā padakkhiṇaṃ katvā vehāsaṃ abhuggantvā ākāse antalikkhe pallaṅkena nisīditvā tejodhātuṃ samāpajjitvā vuṭṭhahitvā parinibbāyi.

Atha kho āyasmato dabbassa mallaputtassa vehāsaṃ abhuggantvā ākāse antalikkhe pallaṅkena nisīditvā tejodhātuṃ samāpajjitvā vuṭṭhahitvā parinibbutassa sarīrassa jhāyamānassa ḍayhamānassa neva chārikā paññāyittha na masi. Seyyathāpi nāma sappissa vā telassa vā jhāyamānassa ḍayhamānassa neva chārikā paññāyati na masi; evameva āyasmato dabbassa mallaputtassa vehāsaṃ abhuggantvā ākāse antalikkhe pallaṅkena nisīditvā tejodhātuṃ samāpajjitvā vuṭṭhahitvā parinibbutassa sarīrassa jhāyamānassa ḍayhamānassa neva chārikā paññāyittha na masīti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Abhedi kāyo nirodhi saññā,
Vedanā sītibhaviṃsu [pītīdahamsu (sī. pī.), sītīdahimsu (ka.)] sabbā;
Vūpasamiṃsu saṅkhārā,
Viññāṇaṃ atthamāgamā”ti. navamam;

10. Dutiyadabbasuttaṃ

80. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadavoca –

“Dabbassa, bhikkhave, mallaputtassa vehāsaṃ abhuggantvā ākāse antalikkhe pallaṅkena nisīditvā tejodhātuṃ samāpajjitvā vuṭṭhahitvā parinibbutassa sarīrassa jhāyamānassa ḍayhamānassa neva chārikā paññāyittha na masi. Seyyathāpi nāma sappissa vā telassa vā jhāyamānassa ḍayhamānassa neva chārikā

paññāyati na masi; evameva kho, bhikkhave, dabbassa mallaputtassa vehāsaṃ abbhuggantvā ākāse antalikkhe pallaṅkena nisīditvā tejodhātuṃ samāpajjitvā vuṭṭhahitvā parinibbutassa sarīrassa jhāyamānassa ḍayhamānassa neva chārikā paññāyittha na masi”’ti.

Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Ayoghanahatasseva, jalato jātavedaso [[jātavedassa \(syā.\)](#)];
Anupubbūpasantassa, yathā na ñāyate gati.

Evam sammāvimuttānaṃ, kāmabandhoghatāriṇaṃ;
Paññāpetuṃ gati natthi, pattānaṃ acalaṃ sukha”’nti. dasamaṃ;

Pāṭaligāmiyavaggo [[pāṭaligāmavaggo \(ka.\)](#)] aṭṭhamo.

Tassuddānaṃ –

Nibbānā caturo vuttā, cundo pāṭaligāmiyā;
Dvidhāpatho visākhā ca, dabbena saha te dasāti.

Udāne vaggānamuddānaṃ –

Vaggamidaṃ paṭhamaṃ varabodhi, vaggamidaṃ dutiyaṃ mucalindo;
Nandakavaggavaro tatiyo tu, meghiyavaggavaro ca catuttho.

Pañcamavaggavarantidha soṇo, chaṭṭhamavaggavaranti jaccandho [[chaṭṭhamavaggavaram tu tamandho \(sī. ka.\)](#)];
Sattamavaggavaranti ca cūḷo, pāṭaligāmiyamattṭhamavaggo [[pāṭaligāmiyavarattṭhamavaggo \(syā. kaṃ. pī.\)](#)], pāṭaligāmavarattṭhamavaggo [[sī. ka.\)](#)].

Asīṭimanūnakasuttavaraṃ, vaggamidaṭṭhakaṃ suvibhattaṃ;
Dassitaṃ cakkhumatā vimalena, addhā hi taṃ udānamitīdamāhu [[atthāyetaṃ udānamitīmāhu \(ka.\)](#)], saddhā hi taṃ udānantīdamāhu [[syā. kaṃ pī.\)](#)].

Udānapāḷi niṭṭhitā.